

NATIONAL ASSEMBLY OF SEYCHELLES

Tuesday 18th October, 2022

The Assembly met at 0900am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou *staff* ki pe asiste nou. E nou piblik ki pe zwenn nou an deor. Byenveni pou nou travay lasemenn. E nou ava demare.

Nou annan prezantasyon dokiman. Madanm Clerk?

MADAM CLERK

Mersi Mr Speaker. Bonzour Mr Speaker. Bonzour tou bann Manm, tou bann *staff* Sekretarya e tou dimoun ki a lekout.

Bann papye ki pe ganny prezante i *comme swivan*: -

S.I. 104 of 2022 Land Reclamation (Retrospective Authority) (No.6) Order, 2022.

S.I. 105 of 2022 Land Reclamation (Retrospective Authority) (No.7) Order, 2022

S.I. 106 of 2022 Land Reclamation (Retrospective Authority) (No.8) Order, 2022.

S.I. 107 of 2022 Land Reclamation (Retrospective Authority) (No.9) Order, 2022.

S.I. 108 of 2022 Excise Tax (Fuel Exemptions and Concessions) (Amendment) Regulations 2022.

S.I. 109 of 2022 Control of Supplies and Services (Maximum Retail Price on Articles Purchased from Seychelles Trading Company Limited) Order, 2022.

Media Youth Sports and Culture Committee – Report on Visit to the Anse Royale Youth Hostel, July, 2022.

Mersi Mr Speaker.

MR SPEAKER

Mersi Madanm Clerk. Mon a donn laparol Onorab Wavel Woodcock pou prezantasyon son rapor Komite.

HON WAVEL WOODCOCK

Mersi Mr Speaker. Bonzour Tou Manm, tou dimoun a lekout espesyalman zabitan Grand Anse Praslin.

Mr Speaker mersi pou donn mon sa privez pou prezant sa rapor vizit ki Komite pou Medya, Sport, Lazenés avek Kiltir ki fer *Youth Hostel* Anse Royale le 21 Zilyet 2022. Ki ti osi

enkli *meeting* avek *staff*, *Management* e osi reprezantasyon bann etidyan.

Mr Speaker, *Youth Hostel* ti ganny inogire an 1999 apre ki NYS ti fermen, pou donn lozman bann etidyan Praslin, La Digue. E kapasite sa *Hostel* i 192 etidyan. Annefe pou lemoman i annan 144 etidyan ki pe reste laba ki enkli 57 garson e 87 fir.

Bi sa vizit sete pou get lenfrastruktir e servis ki sa *Hostel* pe donnen, enkli ekout konsern bann *staff* ek etidyan *Youth Hostel*.

Mon komanse Mr Speaker par koz lo fasilite dan sa *Hostel*. I annan mankman serten fasilite pou ede dan laprantisaz bann zanfan. Parey napa *computers*, *computer rooms*. Napa *printers*. Zanfan i bezwen desann anvil pou al *print* zit bann *assignment* ek zot bann leson.

I annan manm internet. Napa *WIFI*. E zanfan i bezwen servi *DATA*. E demars pe ganny fer avek en lakonpanyen Telekom pou met *internet facilities* an plas dan sa *Hostel*. I annan mankman *study space*. En *study area designated* pou bann etidyan *study* san distraksyon. Pou lemoman zot bezwen fer li dan *unit* e i annan diferan etidyan. E parfwa i annan bann distraksyon. I neselit en landrwa pou zot kapab fer zot bann, pou zot kapab *study*.

I annan en mankman landrwa rekreasyonnel pou fer bann aktivite sosyal. I annan 2 vye *building* ki anefe an rin laba, i pa dan bon leta. Enn pe ganny servi koman en *store* e *workshop*. Enn i avarye, i pa pe ganny servi. Annefe napa twatir lo la. Sa 2 *building* i kapab ganny aranze pou met bann fasilite neseler an plas, parey kantin, *computer room*, *study room* e *recreational area*.

Kot i konsern *laundry facilities* Mr Speaker. Annefe dan sa syek ki nou pe viv ladan zanfan i ankor pe lav lenz lo ros. E mwan mon santi poudir *going forward* nou pou bezwen annan en landrwa avek *washing machine* ki bann zanfan i kapab servi. Travay *maintenance* in komans fer lo bann blok *Youth Hostel*. Bann meb pe ganny sanze. Me i annan plizyer travay ki pou ganny *budgeted* pou lannen 2023.

I annan *request* ki sa *Hostel* in fer pou ganny *maintenance officer* aköz zot napa. Zot bezwen *outsource* sa pran bann dimoun an deor ki kout zot en kantite larzan. E zot bite parfwa dan bann ka *emergency* ki *staff* i bezwen sey dil avek sa bann sityasyon. Alor i annan en *need* pou annan en *maintenance officer* a plen tan.

I osi annan neselite pou moderniz kiltir *Youth Hostel* ki dan en konteks NYS. E met li a zour avek konteks ozordi. Pou fer li vin parey en *university campus*. Sa *Hostel* i ganny li en Bidze R2.582milyon par lannen, ki pa ase pou kouvertou zot bann kou. Annefe kou elektrisite i vremen o, i annan rekomandasyon pou met *solar panel* lo bann blok. E konversasyon in deza komanse avek *Seychelles Energy Commission*.

Pou konklir Mr Speaker kot i konsern bann *staff* zot *Salary Scheme*;- Bann *staff* i lo menm saler depi *early* lannen 2000. Lamazorite *staff* pe ganny saler mwens ki R7mil. I annan ki'n travay pou plis ki 20an depi louvertir *Youth Hostel* zot ankore lo en saler mwens ki R mil. Rekomandasyon in ganny fer pou reviz zit *Salary Scheme* ki pe al ganny fer dan prosen Bidze.

Mr Speaker plis detay i dan sa rapor ki osi en kopi pou ganny anvoye prezante avek Minister Ledikasyon osi. Avek sa de mo Mr Speaker mon prezant sa rapor avek ou. Mersi bokou.

MR SPEAKER

Mersi Onorab. Mon ava demann madanm raporter pou kolekte rapor. E mon dir ou avek ou Komite mersi osi pou zot travay. Mon a donn laparol Onorab Adelaide pou en pwen lo bann paye ki'n ganny prezante. Onorab.

HON FRANCOIS ADELAIDE

Mersi Mr Speaker. Bonzour Mr Speaker. Bonzour tou Manm Onorab tou dimoun a lekout. Bonzour Madanm Clerk avek ou lekip. Mr Speaker mersi pou akord mon sa loportinite *in regards to* sa prezantasyon paye *S.I. 109* ki pe *regulate* en pe aneife i pe koz en pe lo *maximum retail price*.

Mon krwar ki sa i en lokazyon kot mon krwar Minis i devret vini eksplik nou en pe ki sa *S.I. i entails*. Akoz mon konnen i pou reflekte bokou dan bann distrik otour Mahe kot *STC* i anvoy zot bann komodite. E nou aprann ki poudir i annan bann marsan en pe dezonnnet parfwa, ki pe met pri par lao pti.

So mwan mon krwar sa pou adres sa e pou lenformasyon publik, i enportan ki Minis i vin dan Lasanble pou eksplik nou sa *S.I. e then* pou lenformasyon publik osi zot ava konnen ki mannyer pou dil avek sa. Mersi Mr Speaker.

MR SPEAKER

Mersi Onorab. Ou pwen in ganny note e ou demann ava ganny pase dan *Assembly Business Committee* ki nou annan en *meeting* demen. Mersi. Mon donn laparol Onorab Regina Esparon pou en *note* lo en levennman spesyal.

HON REGINA ESPARON

Mersi Mr Speaker. Bonzour tou dimoun a lekout. Mr Speaker mersi pou donn mwan sa loportinite pou dir de mo pou felisit Ms Tally Domingue dan son nouvo *post* koman *Chief Fire Officer*.

En madanm brav ki'n pare pou pran en karyer, ki met son lavi a risk pou sov lezot. E osi dan listwar nou pei premye madanm ki ganny apwente koman *CFO*.

Koman en Komite Madanm ki pe promouvwar lentegrite bann Madanm, nou kontan letan nou war bann madanm pe bouze e avans devan dan zot karyer.

Sa i montre Mr Speaker ki i pa zanmen enposib pou kas sa baryer lafreyer e bann lezot eleman ki anpes bann madanm bouz devan. Pou ki sa egalite ant zonm ek fanm i ganny akonpli. En lalit ki nou pe anmennen osi lo nivo Lafrik pou nou war sa egalite ant zonm ek fanm dan tou son splander.

Ankor en fwa annou dir en felisitasyon Ms Tally Domingue e annou aplodi li e swet li sikse dan son nouvo *post* koman *Chief Fire Officer*. Mersi Mr Speaker.

(APPLAUSE)

MR SPEAKER

Mersi Onorab e mon ava azout en mo felisitasyon lo mon par personnel lo sa size. Nou ava demann madanm raporter pou apel Minis pou *Private Notice Question* silvouple.

Bon bonzour e byenveni Mrs Marie-Celine Zialor Minis pou Lafanmir, Lazenés e Sport. E Mr Clive Roucou Sekreter Prensipal dan sa Minister pou *Family Department*.

Nou ava pas lo *Private Notice Question*. E mon ava apel *Leader* Lopozisyon pou prezant son kestasyon silvouple.

HON SEBASTIEN PILLAY

Mersi Mr Speaker. Bonzour Mr Speaker. Bonzour tou dimoun a lekout. Bonzour tou koleg Onorab. E bonzour Minis avek ou delegasyon dan Lasanble Nasyonal. Mr Speaker mon osi mon *look forward* pou sa prezantasyon ki Minis pou vin fer lo sa *S.I.* pou nou konnen ki i annan pou li vin dir nou.

Mon kestasyon i lir koumsa:-

Swivan lanons resan ki *Cabinet* in aprouv plizyer mezir an sa ki konsern bann rezidan ki dan bann rezidans dimoun aze, ki enkli en kontribisyon anver en lasirans pou finaray, e osi SR1000 par mwan pou kouver *rent*, fre delo ek elektrisite, bann depans anver *maintenance* e osi bann aktivite, eski Lasanble i kapab ganny en leksplikasyon detaye lo: -

Akoz ki *Cabinet* in aprouv en tel desizyon?

Dezyenm, eski bann rezidan sa bann Rezidans Dimoun Aze, in ganny konsilte lo sa desizyon? Mersi Mr Speaker.

MR SPEAKER

Mersi Onorab. Minis ou larepons silvouple.

MINISTER MARIE-CELINE ZIALOR

Mersi Mr Speaker. Bonzour Mr Speaker avek ou lekip. Bonzour tou bann Manm Onorab. E bonzour tou dimoun ki a lekout. Mersi *Leader* Lopozisyon pou ou kestasyon. Akoz ki *Cabinet* in aprouv en tel desizyon? Mr Speaker mon ti ava kontan komans par sit en bout nou Konstitisyon Lartik 37 ki dir:-

“Leta i rekonnèt drwa sak sitwayen anver en legzistans desan e dinifye. Avek bi asire ki personn pa ganny kit deryer pou rezon enkapasite pou travay oubyen mank lanplwa, Leta i angaz li pou mentenir en sistenm sekirite sosyal”.

Sa provizyon nou Konstitisyon i ganny akonplir dan 2 fason avek nou bann vye dimoun. Enn, zot resevwar sekirite sosyal ler zot ariv laz retreat. Sa sonm konmela i R5mil 750.

E dezyenmman, nou bann vye dimoun i kapab fer laplikasyon pou vin en rezidan dan Lakaz Bann Dimoun Aze. E sa prensip i egziste mon mazinez depi en pe letan depi avan kolonyal ti annan *Fiennes Institute*. Kot i annan bokou demann. E nou senpatiz avek bokou nou bann dimoun aze ki ankor pe rod kot nou en landrwa pou zot kapab vini.

E la nou fek ganny en ka kot i annan en dimoun ki'n ganny abize, e i pe rod en lot landrwa reste. Sa i malere dan nou sosyete konmela. E en kantite dimoun i vwar zot dan sa sityasyon kot nou bezwen prezan pe donn zot en landrwa reste.

E mon ti ava kontan enform Lasanble Mr Speaker, demann i bokou. Demann i bokou e nou konpran bann sityasyon e nou, nou kontan - nou ti ava kontan swete pou nou kapab fer tou ki nou kapab, pou nou kapab *provide* sa servis ki nou Konstitisyon i demande pou nou bann dimoun.

Annou prezan regard sa size Mr Speaker en pti pe pli an detay. En dimoun aze ki reste dan *Elderly Home* i ganny sa bann benefis ki mon pe al nonmen la;

En apartman, mon bezwen dir en apartman aköz i parey en apartman, ki konpri en lasanm pou dormi, lasanm ben, son lakwizin prive apard 2 *home* ki lakwizin i santral. Son salon, en pti lavarang. E menm lamazorite *Home* zot ganny zot en pti zarden. Nou bann dimoun i kontan zot bann zarden zot kontan plante.

Zot ganny elektrisite, zot ganny servis delo. Zot osi ganny en *carer* ki peye par Lazans Proteksyon Sosyal, pou tou sa bann ki bezwen. E fodre mon ava dir ki bokou nou bann dimoun pe an plis bezwen sa servis, aköz zot pe viv pli lontan. In annan bann dimoun ki fer pa mal bokou letan avek nou dan bann *Home*.

La ki restriksyon in retire e aktivite pe rekomanse, zot osi ganny bann aktivite detant aköz i pa zis zot lasante fizik ki nou enterese avek. I zot lasante sosyal, mantal, emosyonnel. E la ki nou ape fer bokou demars pou redwir zot bann depans personnel, bann ki aste zot manze zot menm. Zot osi ganny ofer fri, legim, pwason e lezot komodite esansyel, ki nou kominote nou ti ava swete dir zot mersi bokou e ankouraz lezot pou fer parey.

E bann biznes prive i donnen. E sa i bann demars ki nou pe kontinyen fer, pou fer ki zot ava kapab, sa larzan ki zot gannyan sekirite

depans mwens pou zot bann bezwen. E i annan servis sekirite osi kot nou bann *Home*.

Mr Speaker, prezan pou bann depans kot nou bann *Home*. Nou annan 9 e mon pou donn en sonm bann depans par lannen pou sa lannen ki nou pe koze la. Pou elektrisite i ariv nou anviron R764 mil. Pou delo i ariv nou R209mil. E pou sekirite i ariv R2.2milyon par lannen. E *maintenance* ki nou bezwen fer i ariv apepre R123 mil.

Son total i pa enkli kou nou bann travayer e kou *carer*. I tonm apepre R3,3milyon. E nou annan la an se moman 121 rezidan an tou an nou bann 9 *Home*. E si ou diviz sa depans par personn i ariv apepre R2,270par mwan.

Mon ti ava kontan fer resorti ki dan bann ka dirzans kot Gouvernman i bezwen lwe apartman kekpar, letan i annan bann *emergency* bann dezaz, *minimum* ki Gouvernman i ganny ofer se R1000 par zour. I montre ou en pti git lo marse ki bann pri.

Nou osi annan lezot landrwa ki akey bann vye dimoun dan pei. *Saint Elizabeth* i enn parmi. E kot *Saint Elizabeth* zot rezidan zot kontribye tou zot larzan sekirite sosyal - savedir R5 mil 750. E bann lezot depans osi i pa kouver anba la, bann fanmir i bezwen-

Akoz alor *Cabinet* in aprouv sa desizyon? Mr Speaker se aköz dan Gouvernman nou responsab. E nou'n demann nou bann rezidan dimoun aze pou kontribye en sonm R1000 pou sa bann depans ki an verite i pou kout bokou plis.

Nou dan sa ladministrasyon Mr Speaker nou krwar, ki si en dimoun i kapab fer kontribisyon ver son byennet, i devret fer li.

Si i egziste en pli bon parey nou dir an Angle en pli bon dil ki sa - Mr Speaker mwan mon pou premye pou al kot *Cabinet*, pou enform zot nouvo lenformasyon e nou ava kapab fer neser pou nou transfer sa bann dimoun laba, kot sa pli bon dil. Nou osi nou anvi ki nou bann dimoun aze zot ganny en pli bon dil.

Mr Speaker, mon bezwen dir ki malgre ki i annan bann fanmir ki vin vizit zot bann dimoun aze, zot okip zot byen, souvandfwa ler i ariv sa evantyalite ki apel lanmor nou vwar nou tousel, kot Departman Lafanmir pou donn sa dernyen servis sa defen. Se pou sa rezon ki nou'n vwar nou pe fer demars avek Lakonpanyen Fineray prive *Padayachy Investment*, e lakonpanyen Lasirans *H.Savy* pou nou fer serten laranzman.

Akoz parfwa menm si zot vini zot dir ek ou, pa trakase nou pou okipe, nou pou pey pou sa depans, ler lanmor i arive napa personn ki vini. E nou, nou anvi ofer bann rezidan ek zot fanmir detrwa swa pou zot fer fas avek sa moman douloure dan nou lavi nou tou. E bann depans fineray.

E sa bann swa i *comme swivan*?;-

Rezidan i pey R500 par mwan ziska ler sa sonm i ganny *cap*, i ariv R1 mil pou son servis

fineray e sa i avek *Padayachy Investment*. I pou tou lede siz zot le krematwar ouswa si zot le antere. Sa i en swa sa.

Dezyenm swa, rezidan i pey en sonm par mwan pou bann msye i pou ariv zot R267 par mwan. Pou bann madanm pli bon marse R229 par mwan kot *H.Savy* pou zot servis fineray. Sa i en *package* ki *H.Savy* i ofer pou tou dimoun.

Trwazyenm swa se bann fanmir ki pey dan plas sa bann rezidan. En swa ki nou pou ankouraz tou fanmir pou zot fer, pou zot kapab pey sa prop, zot bann fanmir, zot bann paran, zot bann manman, zot bann papa, tantin, tonton ki'n ede osi ler zot ti ankor pli zenn.

Alors Mr Speaker aköz *Cabinet* in aprouv sa desizyon? Se aköz nou en Gouvernman responsab. E nou anvi ki nou bann dimoun aze menm letan zot in pran zot dernyen soupir, nou kit zot dinyite. Nou anter zot dan dinyite. Si i egziste - ankor mon repete - en pli bon dil ki sa ki nou'n negosye - Mr Speaker, nou ti ava kontan azout sa lo lalis nou bann swa.

Mon ti ava kontan refer sorti ki Seksyon pou Dimoun Aze dan Departman Lafanmir, i ganny en Bidze ki sa Lasanble i aprouve pou tou - nou annan environ apepre 4mil nou bann dimoun aze dan pei.

Me nou vwar tou sa Bidze i ganny depense pou zis 121 dimoun dan nou bann *Elderly Home*. E nou pa krwar poudir sa i zis. Nou krwar ki nou bann servis e avek nou bann prodwir nou merit kapab servi plis ki 121 dimoun. Nou merit kapab fer li servi nou tou nou 4mil dimoun ki nou annan ki tonm anba responsabilite Seksyon Dimoun Aze dan Departman Lafanmir.

E mon ti ava kontan profit lokazyon pou ankouraz bann dimoun, bann investiser ki anvi investir dan bann *Elderly Home* prive, pou fer li. Aköz i annan dimoun ki li i pare pou peye li. I annan aköz pa tou dimoun ki dan *Home* Mr Speaker ki i napa en landrwa reste. I annan bann dimoun ki i anvi reste ek bann dimoun son laz aköz zot tousel. E zot en pti pe vilnerab e zot pa ti pou *mind* pou zot osi tou ganny sa servis. E bann dimoun ki enterese vin devan nou ava negosye.

Pou dezyenm kestyon, eski bann rezidan in ganny konsilte? Mr Speaker wi, depi lannen pase bann rezidan in ganny met okouran ki zot ti pou bezwen fer kontribisyon pou kouver bann depans.

E mwan mon ti pas kot lakour sak sa bann dimoun aze, an 2021 avan lannen fini. E zot ti koz avek mwan lo la. Lamazorite zot mon kapab dir, tou konfidans, zot ti konpran zot bezwen fer kontribisyon, aköz lamazorite sa bann dimoun aze zoot bann dimoun responsab zot. Zot konpran.

E zot ti anvi zis konnen konbyen. Nou nou'n bezwen fer sa travay depi lannen pase, pou

nou kapab ariv lo sa sonm ki nou'n arive ozordi Mr Speaker. Mersi bokou.

MR SPEAKER

Mersi Minis. Mon pou pran kestyon lezot Manm pou apepre 25 minit. E bann Manm mon pe demann zot konpran poudir nou annan en limit letan. Silvouple fer zot kestyon kourt pou nou kapab pas otan ki posib. E Minis mon ava envit ou osi pou fer ou repons bref e direk. Nou a komans avek kestyon Onorab Vidot.

HON AYDREY VIDOT

Mersi Mr Speaker. Bonzour Minis avek *PS*. Bonzour tou Manm Onorab e tou dimoun ki a lekout.

Minis senserman, eski ou krwar sa kontribisyon i tro bokou pou tire lo larzan pansyon ki R5mil 750 prenon kont kou lavi ozordi?

Dezyenmman Minis ou'n dir ki ou Gouvernman i en Gouvernman responsab, nou dan *United Seychelles* nou pe koz pou en group dimoun ki nou konsider zot koman vilnerab.

Aköz ki ou avek ou bann koleg Minis zot pa'n kapab konsider koup zot larzan palto, ledan, linet, e les sa larzan pou ogmant kontribisyon lanterman pou nou bann dimoun ase ki pe kit nou?

MR SPEAKER

Onorab, silvouple-silvouple. Kestyon i lo sa size ki la. Mon ava envit bann Manm pou obzerv sa silvouple.

Minis ou repons.

MINISTER MARIE-CELINE ZIALOR

Mersi Mr Speaker. Mersi pou ou kestyon Onorab. Sa desizyon pou nou ariv R1000 i en desizyon diskisyon avek Minis Finans. Kot nou'n fer dan en fason tre syantifik. E si nou ti kapab, si nou ti vremen kapab pou fer li mwens ki sa Onorab, nou ti ava fer li mwens ki sa.

Nou ki nou'n fer prezan dan nou bann diskisyon regarde ki mannyer nou fer ki, sa bann dimoun zot ava kapab depans mwens lo larestan keksoz, se fer sa bann korperasyon avek tou nou bann *Home* pou lakominote, pou zot kapab adopte bann *Home* pou ki depans ki zot pe al fer pou lezot keksoz i kapab ganny kouver anba la. Mersi Mr Speaker.

MR SPEAKER

Mersi. Onorab Esparon ou kestyon.

HON REGINA ESPARON

Mersi Mr Speaker. Mr Speaker zis donn mwan 2 pti minit, pou mwan kapab eksplik Minis mannyer mon kestyon pou ale.

Minis oparavan bann zabitan dan *Home* ti pe fer en kontribisyon. Ennler zot ti kontribye

R400 ennlér zot ti kontribye R500. E sa ti arete avek eleksyon an 2020. Ok? I annan ki ti kontribye R900. Me selman Minis sa kontribisyon la ti pe al kot en *Board of Trustees*. Sa larzan ti pe ganny peye dan *Board of Trustees*. I annan en R400 pou *entertainment* ki ti al dan sa *Board of Trustees*. E sak *Home* ti annan son *Board of Trustees* ki ti *manage* son kot.

E laba osi ti annan pa mal bal ki ti arive. E sa bann larzan la nou pa konnen kot in ale apre ki in aret peye. I annan en kantite kestyon ki'n vin kot nou pou demande ki'n arive ek sa bann larzan.

E mon anvi demann avek Minis la, sa R1000 ki pe ganny tire la, dan ki kont pou al ganny peye sa? Eski pou al ganny peye dan sa *Board of Trustees*? E ladan osi sa R400 ki zot ti pe peye pou *entertainment*, eski i pou annan la?

Parske larzan *entertainment* li i ti al lo kont ale, ale, ale - pa kapab dir. Wi - lo kont ki napa fon, dan en fon ki defonse. Nou anvi konnen egzaktman kote sa larzan pe al ganny peye?

E si i annan en odit ki'n ganny fer lo sa vye kont *Board of Trustees* pou sa bann *Home*, pou vwar kote larzan sa bann vye dimoun in ale? Parske zot ti kontribye zot. Mersi.

MR SPEAKER

Mersi Onorab. Minis ou repons.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon konsern. Wi sa i menm konsern, akoz sa papye ti al dan *Cabinet* boner an Avril li. Sa bann kestyon, tou sa bann keksoz ki nou'n ganny sans diskite retourn ankor fer konsiltasyon. Sa i en kestyon ki ti monte.

E nou'n fer avek Minis Finans adrese ki napa *Board of Trustees* e ki sa larzan letan i pou sorti kot bann dimoun aze, i pou al dan *suspense account* ki i pou ganny kontrole par Minis Finans.

So pou napa okenn *Board of Trustees* i pou odite parey tou larestan kont piblik, ki pou kapab vwar bann depans ki pe fer avek pou nou kapab parey ou ape dir definitivman met en lord dan tousala. Mersi Mr Speaker.

MR SPEAKER

Mersi. Kestyon Onorab Loze.

HON JOHAN LOZE

Mersi Mr Speaker. Minis a ki mon pe sey sèse pou konpran mwan se lorizin Polisi ki zot in anmennen devan *Cabinet* ki *Cabinet* in aprouve.

Akoz souvan isi anndan nou ganny dir ki i sorti dan Manifesto. Be klerman sa enn pa'n sorti dan Manifesto. Prezan mon kestyon pou ou Minis.

Eski sa mezir i anliny avek sa *statement* ki Onorab Ferrari ti fer isi dan nou Lasanble diran Sizyenm Lasanble?

Mon ava rapel ou i ti dir *something to the effect of* "nou pe depans milyon pou akonpanyan bann dimoun ki byento pe al kit sa later".

Eski sa Polisi zot in anmennen pou anpese arete ki nou depans bilyon ek dimoun ki byento pe al kit sa later? Eski sa zwe ki *LDS* pe zwe Mr Speaker?

MR SPEAKER

Mersi Onorab. Minis ou repons.

MINISTER MARIE-CELINE ZIALOR

Mersi Mr Speaker, mersi Onorab pou ou kestyon. Lorizin Polisi se definitivman, akoz nou annan nou en disiplin fiskal. E mon pou repete ankor nou responsab. Pou ki sa ki pe arive par egzanp nou vwar Langleter la, i pa arive isi Sesel. Sa ki arive *Sri Lanka* ki pa arive isi Sesel.

Letan ou Gouvernman responsab ou bezwen fer sir ki ou kapab mannye byen ou bann finans. Ou fer sir ki sa larzan ki ou kolekte, ki mannye ou depans li ki ou kapab kontinyelman pran swen, la dan sa lenstans sa kestyon avek nou bann dimoun aze.

Ki nou pa pran swen pou zis detrwa lannen. Nou kapab pran swen tou dilon avek nou bann dimoun aze. Se sa, sa Polisi. I annan en lorizin, akoz nou'n asize letan nou pe regard depans, nou'n fer sa konversasyon avek Minister Finans. Nou'n rod solisyon rode ki mannye nou pou balans keksoz pou nou kapab fer sir nou kontinyelman kapab annan Lakaz Dimoun Aze pou donn sa servis, e an plis donn servis larestan dimoun aze ki osi i sipoze form parti dan sa Bidze.

Plis dimoun ki pe ekout nou la. E akoz zot pe demande be ki nou pe fer pou zot, akoz zot pe viv pli lontan zot osi. I annan bann larestan servis ki nou bezwen akèrir nou bann dimoun. E nou bann dimoun pe viv pli lontan. Mon pa konnen sa *statement* Mr Speaker. Mon pa pou fer komantr lo la. Nou selman nou Polisi sa Gouvernman nou prensip se, nou fer sir nou pran swen avek bann dimoun aze.

Be selman dann en fason responsab parey nenport ki paran kot son lakour avek son bann zanfan, i pou fer dan en fason responsab. Pa kot nou donn nou zanfan tou sa ki i anvi, ou vin pli bon paran. Responsab pou fer sir ki ou kapab anmezir grandi kot ou kapab *provide* pou tou son bann bezwen.

Vwala nou Polisi e kot Departman Lafanmir vwala nou prensip. Mersi Mr Speaker.

MR SPEAKER

Mersi Minis. Kestyon Onorab Loizeau.

HON NORBERT LOIZEAU

Mersi Mr Speaker. Bonzour Minis. Bonzour *PS*. Bonzour tou dimoun ki pe ekoute. Mr Speaker vi ki Minis in koz lo *maintenance* bann *Home*.

Mon'n fer mon resers mon'n vwar ki i annan bokou larzan plis ki anviron 20 milyon pe al dan *maintenance*. Alor mon anvi demann Minis, eski ti annan en plan en *maintenance plan* pou tou bann *Home* partou lo Mahe oparavan, ouswa se la ki zot pe travay lo en *maintenance plan* pou bann *Homes*? Sa enn.

Dezyenmman Me Speaker responsabilite Minis in koze lo la, dapre konpran i annan en *waiting list* ki'n defons plafon bann dimoun ki pe rod en *home*.

Alors mon anvi demann Minis, konbyen dimoun ki pe esper en *Home* aktyelman e kote zot ete sa bann dimoun? Eski zot lo semen partou? Eski zot anba en pon kot *Leader* parti *US* ti dir pou zet nou si nou vin enterfer ek zot program?

Kote zot ete sa bann dimoun Mr Speaker?

MR SPEAKER

Ok mersi.

HON NORBERT LOIZEAU

E dernyerman. Dernyen.

MR SPEAKER

2 kestyon i ava sifi Onorab. Minis ou repons.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Nou fek, si ti annan en plan nou pa'n vwar. Mr Speaker nou fek la fer en plan *maintenance*, akoz letan definitivman nou responsab nou pe analiz en pti git lo ki larzan pe depanse. Nou pe analiz en pti git ki mannyer nou fer bokou pli byen avek sa Bidze ki nou gannyen.

Mon annan en lalis devan mwan apepre e 5, 6 diferan travay *maintenance* e zis sa lannen kot nou'n bezwen fer lo sa bann *Home*.

E definitivman par egzantp nou annan bokou travay *plumbing*, bokou travay *electric work*. Ou kapab mazin letan napa *wiring* ki marse byen, letan problem elektrik ki danze nou bann dimoun aze i ladan. Savedir, e larzan pa'n ase.

Nou'n bezwen, nou al negosye ek finans pou nou kapab fer *virement*, pou ou kapab get dan portfolyo ki mannyer nou kapab ed Departman Lafanmir avek lezot portfolyo. Pou nou kapab zisteman fer priyorite pou nou fer en plan pou al aranze. Ler nou'n pase nou'n vwar mon menm mon'n pase mon'n vwar tre alarman.

E nou'n bezwen fer e depans sa bann larzan e nou pou bezwen kontinyen depanse pou nou kapab fer sir nou fer nou bann dimoun aze an sekirite.

E letan nou ape koz la nou annan nou ofisyelman 10 demann. Nou annan 10 ki pe demande. E nou annan en Polisi osi kot nou gard si nou kapab en lasanm vid, en apartman vid pou bann ka *emergency*, kot nou bann lakaz vye dimoun. Mersi Mr Speaker.

MR SPEAKER

Mersi Minis. Kestyon Onorab Ernesta.

HON PAUL ERNESTA

Mersi Mr Speaker. Bonzour Mr Speaker, Minis e PS. Ek tou nou bann koleg Onorab. Mr Speaker mon kestyon pou Minis i koumsa, eski Minis in koz lo sa diferan *Scheme* lo kote lanterman finerer pou bann dimoun aze.

Mon ti ava kontan konnen ki bann *package* eksplik nou sa *package* sa R15 mil kwa ki bann dimoun pou gannyen?

Alor Minis ou'n dir zot Gouvernman i responsab, eski ou pe dir mon i responsab letan zot tir lo malere pou donn zot lekor gro, gro *allowance* palto ek ledan? Eski sa i responsab sa Minis? Mersi Mr Speaker.

MR SPEAKER

Mersi Onorab. Minis ou a rebran kestyon silvouple.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Dan sa *package* ki i annan pou kremasyon i annan 3 lannwit pou ganny *chiller free*. Ou annan pou ganny, akoz ou pe al brile i *rent* ou sa serkey. Ou annan pou al kot *Memorial* pou al kot ou pe fer ou seremoni. Laranzman transportasyon en pe ensidswit.

Pou *burial* i preski parey, me ou ganny osi tou pey ou trou, i fer laranzman ou serkey, ou ganny serkey osi tou, ou ganny transportasyon, ou ganny bann laranzman fler en pe sa bann benefis ki nou ape koz lo la. Mersi Mr Speaker.

MR SPEAKER

Mersi. Mon a pran kestyon Onorab Porice.

HON DOYACE PORICE

Mersi Mr Speaker. Bonzour Mr Speaker. Minis avek PS. E tou mon bann koleg MNAs. Bonzour. Mr Speaker, pou mwan mon pou bezwen fer rapel Lopoziyon poudir sa larzan ki ozordi pe ganny tire lo sa bann dimoun aze, ti ganny tire oparavan. E menm plis.

Zis, ou pou rann kont apre ou.

MR SPEAKER

Kestyon prezan. Kestyon prezan silvouple Mersi.

HON DOYACE PORICE

Zis avan eleksyon en Minis ti pas partou kot tou sa bann *Home* e menm anmenn zot Silhouette pou fer zot konnen ki sa larzan pe aret ganny tire.

Minis eski dan Rapor *Home for the Elderly* ti deza annan sa kontribisyon? E ki'n arive avek sa bann kontribisyon ki sa bann dimoun aze dan *Home* ti kontribye? Mersi.

MR SPEAKER

Mersi, Minis ou annan kestyon la.

(Interruption)

MR SPEAKER

Bann Manm, Onorab Porice arete silvouple. Arete Silvouple. Arete Onorab. Mersi.

Minis repons.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Nou annan en pe rikord, i annan en pe rikord nou napa. E nou dan, Oditer Zeneral fek fini fer odit e i pou donn nou rapor pou nou kapab regarde konsernan sa bann kont.

E Finans osi in fer lenvestigasyon dan sa *Trust Fund* kot i ti ale, pou nou kapab konnen. Selman nou bezwen p fer ankor en pti pe plis. Rod lenformasyon pou nou konnen egzaktman. E pou nou konnen, wi pou nou konnen ki mannyer sa larzan in ganny depanse.

Dapre en pe rikord ki nou annan i apepre, mon krwar ti annan R900 pou bann dimoun ki zot ti napa, ki annan lakwizin pardon. Bann ki annan *central kitchen* i R1600 ki zot ti kontribye dan sa 2 lezot *Home*.

E be selman nou pou bezwen regarde avek letab Oditer Zeneral son rapor, pou vwar konsernan depans larzan. E letan, vwala akoz rezon nou ape vin anmenn en Polisi en keksoz ki kler, ki *proper* menm si nou pe ganny akize nenport ki fason.

Be selman ou konnen nou reste pozitiv e nou reste *focus lo* sa bann bon keksoz ki nou, nou ape fer. Mersi Mr Speaker.

MR SPEAKER

Mersi Minis. mon a pran kestyon Onorab Lemiel.

HON SYLVANNE LEMIEL

Mersi Mr Speaker. Bonzour Minis, bonzour PS. Minis Anse Royale i annan en *Home*. Sak sa bann rezidan 10 zot pe pey R1700 tou le mwan. Eski avek sa nouvo Polisi ki pe vini ki R1000, eski zot pe mazin redwir kontribisyon sa bann *tenants* ki Anse Royale?

Dezyenmman mon lot kestyon. Nou konnen poudir i annan, zot pe dir dan sa R1000 i annan pou pey kou elektrisite osi. Eski ou pe mazin petet pou aranz en pti pe keksoz osi. i annan sa *rebate* lo elektrisite, ki nou war bann dimoun pe gannnen. Eski pa ti ava bon bann dimoun dan *Old People's Home* i ganny met anba sa sistenm rebate pou elektrisite ki sa i ava *ease* osi en pti pe sa lakantite larzan ki zot kontribye?

E an menm tan *PV system* lo bann *Homes*. Petet osi ti ava bon ki zot al dan sa sistenm kot i koup kou elektrisite lo bann *Home*. Mwan mon ti a voudre konnen si Anse Royale bann rezidan pou ganny en rediksyon? Mersi.

MR SPEAKER

Mersi Onorab. Minis repons *please*.

MINISTER MARIE-CELINE ZIALOR

Mersi Mr Speaker. Mersi Onorab pou ou bann kestyon e sizesyon. E mwan mon apresye ou bann sizesyon mersi bokou. Petet mon ti ava kontan ou bann koleg ki ava fer parey. R1600 i akoz Anse Royale e Praslin zot napa lakwizin, en *central kitchen* kot i kwi tou manze. Tou manze i kwi laba.

E nou'n koz avek Minis Finans pou regard avek *STC*, e regarde bann negosyasyon ki kapab ganny fer e si sa i kapab ganny redwir, definitivman, definitivman nou ava regard ladan pou nou kapab redwir sa.

Lo kote elektrisite, definitivman nou'n ale koze detrwa mwan avek *PUC* pou ganny *rebate*. Difililte se ki mannyer *meter* i ete, e ki mannyer sa *rebate system* i mete. Selman travay pe ganny fer avek Departman Lafanmir, avek *PUC sorry*. Pou organize ki nou kapab definitivman fer rediksyon sa kou.

E *PV system* sa osi lot opsyon kot nou pe eksplere pou tou nou bann, pa zis pou bann home. Tou nou bann batiman pou kapab fer redwir sa kou. So mersi bokou mon apresye ou pozitivite. E i dan sa, pou nou bann dimoun aze ki nou pe travay. Mersi bokou Mr Speaker.

MR SPEAKER

Mersi Minis. Kestyon Onorab Sandy Arissol.

HON SANDY ARISSOL

Mersi Mr Speaker. Bonzour Minis avek PS. Bonzour tou bann dimoun ki pe ekout nou. spesyalman bann dimoun ki reste dan bann Lakaz Dimoun Aze.

Mr Speaker, mon ti a kontan dir ek Minis napa en landrwa dan Sesel, kot ou pou ganny en apartman parey mon'n tann ou mansyonnen. Ganny ou en *private kitchen*, ganny ou, ou lasanm, ganny salon, lavarang, ganny en zarden. Ou elektrisite ganny peye. Ou delo i ganny peye. Ou ganny en *carer* ou menm pou selman R1000.

Alor mon kestyon lo la mon ti ava kontan demann ou, eski ti annan en konsiltasyon avek bann dimoun aze ki reste dan sa bann *Home* oubyen Gouvernman zis in vini in enpoz sa lo zot e in trangle zot? Premye kestyon.

Dezyenm kestyon, i annan en keksoz ou pa ankor dir nou kler Minis, an vi ki nou annan anba nou ladministrasyon i annan R1000 ki'n ganny diskite pou sa bann dimoun peye, akoz tou lendikasyon ki bann Manm pe demande lo mon kote, se ti annan en kontribisyon dan ladministrasyon avan, ki ti ganny fer arete avan eleksyon. Bann dimoun aze ti ganny anmenn Silhouette. R75mil ti ganny depanse avek zot anba Mitcy Larue sa letan ki ti Minis.

E dir ek nou alor eski bann dimoun fek ganny entrodwir R1000 anba nouvo ladministrasyon, oubyen ti annan en kou ki zot ti peye avan, me ki ti ganny fer arete avan dernyen eleksyon, zis pou zot bat latet bann vye dimoun e pou ganny vot? Mersi bokou.

MR SPEAKER

Mersi Onorab. Minis ou repons.

MINISTER MARIE-CELINE ZIALOR

Mersi Mr Speaker. Mersi Onorab pou ou kestyon. Diskisyon avek bann dimoun aze definitivman mon krwar avek zot bann fanmir osi tou sa bann diskisyon in ganny fer. Lo egzakteman ki kantite ki i kapab peye osi tou. Akoz zot in, mwan mon'n ale dan bann *Home* kot detrwa bann ki'n dir ek mwan zot bann depans nou'n ekoute avek zot, depi lannen pase.

Depi lannen pase i annan diskisyon. E apre avek Finans tou pou nou kapab balans tou lede pou regarde lo syantifik parey mon pe dir, egzakteman ki nou kapab. E si nou ti'n fini fer sa *Rebate Scheme* nou ti'n nobou kapab fini fer avek elektrisite, mon mazine mon krwar i ti pou bokou.

E sa, sa bann anmezir ki sitasyon i sanze. An mezir ki n ou kapab fer bokou plis. Sa i pa dan ros sa. Sa i kapab ganny definitivman revwar parey tou larestan keksoz. E ou dezyenm kestyon lo kote kontribisyon. Wi Onorab sa bann dimoun ti ape fer kontribisyon. Zot ti ape peye. I pa en keksoz ki nou, nou fek envante.

Parey mon ti pe dir lamazorite zot ti ape pey R900. Be selman nou bezwen ganny sa bann kler. E aparaman wi ti annan e nou kapab rod sa bann lenformasyon byen, kan ti ganny fer arete, ki mannyer. Rezon akoz.

Akoz nou bezwen rod byen sa lenformasyon? Eski ti verbal, eski ti formel? Akoz nou bezwen get Lazans Proteksyon kot sa larzan ti ganny tire pou sa bann dimoun pou fer vwar.

Me sa i bann keksoz ki nou pa pe re- envante nou. Nou, nou pe rod kontrer donn en pli bon dil. Akoz oparavan ti napa sa bann larestan keksoz ki ou pe fer pou negosye pou ki mwan mon'n ale parey Plaisance dan *Home* kot bann fermye in donn legim, in donn keksoz ki sa ban dimoun prezan zot pa bezwen al aste.

Sa i bann keksoz ki nou osi tou ki nou ava pe fer ki byensir, nou pa bezwen tou lazournen al koz lo la ki nou e fer. Nou fer ek nou leker, akoz sa bann dimoun i parey en pe nou bann vye paran e nou kontan zot. E nou bezwen fer sir ki nou ekip byen e nou ekout zot.

E tou bann keksoz ki nou kapab fer par egzanz pou fer zot linet. Pou fer bann larestan keksoz ki ti pou otreman en depans ki osi zot gannyen. Mersi Mr Speaker.

MR SPEAKER

Mersi. Mon ava pran kestyon Onorab Cosgrow.

HON WALLACE COSGROW

Mersi Mr Speaker. Bonzour tou dimoun. Minis sa desizyon pou fer bann rezidan pey R1000 i demontre en mank konpasyon anver nou bann dimoun aze par sa Gouvernman! Eski Minis zot pare pou revwar sa desizyon e revwar sa R1000 ki zot fer bann dimoun aze peye?

Dezyenm Minis, ou'n dir boner ki ou'n fer konsiltasyon lannen pase. Selman lannen pase ler nou ti demann sa kestyon dan *press conference*, zot ti dir ki poudir sa pa vre.

Minis dir nou kwa ki vre ozordi? Eski ti en desizyon ki zot ti pe pran depi avan ouswa parey nou ti dir i pa ti en desizyon ki zot ti pe deside pran, e ozordi avek sa *cost of living* ki pli ki 2, 3, 4an pase, zot pe met en fardo an plis lo bann dimoun aze dan bann *Home*?

E mon ava donn Minis en sizesyon -

MR SPEAKER

Mersi 2 kestyon. 2 kestyon i a sifi.

HON WALLACE COSGROW

En sizesyon pou en bon dil, akoz in demann nou en bon dil. Mon pou donn li en sizesyon pou en bon dil.

En bon dil se pran tou sa bann *allowance* palto, *entertainment*, lakaz, ki zot, zot pe gannyen bann Minis e donn sa dan bann *Homes* Dimoun Aze. Mersi.

MR SPEAKER

Onorab Mersi. Minis mon krwar ou annan 2 kestyon la si ou'n sezi *please*.

MINISTER MARIE-CELINE ZIALOR

Mersi Mr Speaker. Mersi pou sa 2 kestyon. Mwan mon reste toultan pozitiv akoz sa bann zafer. Pou sa R1000 ki Onorab pe koz lo la, eski nou pou pared pou nou revwar akoz sa i en move desizyon.

Ou konnen kwa ki pou en move desizyon? Nou donn tou keksoz tou dimoun pou naryen. E mon konpran akoz Lopoziyon i pa kontan sa desizyon, zot pa an faver. Zot filozofi definitivman i diferan Avek sa ki pou nou. Responsabilite savedir ou bezwen fer sir ki ou depans sa ki ou annan ki ou kapab. E ou osi tou ki zot pa pe koz lo la sa bann larestan demars, ki nou fer pou nou fer desann kou ki sa bann dimoun i depanse, pou larestan keksoz ki zot bezwen lo zot depans.

E osi tou ki lafanmir akoz i annan bann fanmir ki kontribye e la kominote pou donn en koudmen nou tou. Se sa ki nou anvi kiltir avek nou bann Seselwa. Nou tou nou donn en koudmen pou nou kapab vini pou nou ede. En lespri kominoter, en lespri kot nou tou nou annan sa bann bon fason fer pozitiv. E pou nou

rekonesan anver sa bann dimoun ki'n donn zot lavi ki'n donn parfwa zot vokasyon pou pei.

E fer zot pey R1000 i pa en pinisyon sa. I pa en pinisyon sa. Sa bann larestan bann dimoun, nou bann vye dimoun ki kot zot lakour zot bezwen fer bann menm kontribisyon ki menm laz ki parey.

E tou dimoun dan lakominote dan lasosyete se sa. I responsabilite se donn tou pou naryen apre ou faid, ouswa ou dan en kriz ekonomik parey mon'n dir taler Langleter. Sa ki pa responsab. Sa ki iresponsab.

(APPLAUSE)

MINISTER MARIE-CELINE ZIALOR

E eski nou pare pou nou vwar. Si sityasyon i sanze parey mon pe dir anmezir nou rod plis led ek sipor. E anmezir nou byen kontan bokou dimoun pe vin devan nou dir zot mersi bokou pou vin ede. Nou dir mersi.

Akoz sa ki nou anvi osi tou. En kiltir Sesel kot dimoun i ed son kanmarad. En kiltir Sesel kot nou pa zis regarde kote ki annan bann keksoz pou nou kritike. Nou kritike wi i enportan. Me lo lot kote osi nou vwar ki mannyer vreman, vreman senserman, nou vini pou nou kapab ed en lot dimoun ki dan bezwen.

Vwala dan ki laliny, dan ki loptik, e dan ki filozofi nou ete. Akoz letan ou donn tou dimoun pou naryen wi ou popiler ou'n fer tousala ou'n donn tou dimoun keksoz pou naryen, ou en bon dimoun. Be apre ziske en pe letan ou bezwen tir zot dan *Home*. Mersi Mr Speaker.

MR SPEAKER

Mersi Minis. Bon permet mwan mon ava pran kestyon siplamanter loter kestyon Onorab *Leader* Lopoziyon.

HON SEBASTIEN PILLAY

Mersi Mr Speaker. E mon byen kontan tann tou bann larepons. Mon premye kestyon. Minis mon'n swiv byen tou bann keksoz ki ou'n dir otour *Homes for the Elderly*.

Komansan par le 8 Mars 2021 avek *Les Seychellois* ki Sekreter Zeneral *LDS* Onorab Henrie i ti ansarz en letan.

MR SPEAKER

Onorab sa napa naryen pou fer avek kestyon silvouple.

HON SEBASTIEN PILLAY

Mon pou vin lo la ki mannyer i annan keksoz pou fer.

MR SPEAKER

Silvouple. Mersi.

HON SEBASTIEN PILLAY

Dan sa ki ou ti dir, ou ti dir koumsa poudir, ou ti koz zisteman lo sa bann labi ki'n annan eksetera. E ou ti dir le 8 Mars 2021 *ok*. Ki pou annan bann lenvestigasyon ki pou ganny fer eksetera lo la. Sa ou ti dir 2021.

Following sa en mwan pli tar ou ti zwenn avek bann ou ti al vizit bann *Home*. E ankor enn fwa ou ti fer serten *statement* lo ki mannyer Gouvernman pou siport bann *Home*.

Pli tar ou'n vin dan Lasanble pou fer *repeal* Konsey *for the Elderly*. *Ok*. Ler ou ti *repeal* Konsey *for the Elderly* a sa moman, ki ou ti *repeal*. Gouvernman ti pe met en Bidze an 2020 R13.1 milyon. An 2021 R13.170milyon dan sa Konsey.

E ladan ti annan en larzan pou *maintenance*. An 2022 ou Gouvernman ti dir sa son premye Bidze zot in deside pou zot koupe konpletman okenn larzan ki zot donn pou sa Konsey e zot in entegre li an Departman Minister Lafanmir, *Ok?*

So, mon premye kestyon pou ou. Eski i annan larzan ki ganny vote par Lasanble Nasyonal anba ou Bidze anski konsern *minor capital outlays* pou okenn *maintenance* ki sipoze ganny fer pou bann *Homes* anba ou Bidze?

Oubyen eski Gouvernman *LDS* in konpletman retir en Bidze *Maintenance* pou bann *Homes for the Elderly*? Sa i mon premye kestyon.

Mon dezayenm kestyon Mr Speaker, ou'n dir koumsa pou dir ou le responsabiliz sa bann dimoun dan *Home* e i enportan responsabiliz zot.

Mr Speaker mwan mon 2 paran in mor, mon manman ek mon papa in mor. E mon napa problemm pou travay pou kontribye pou ki en lot paran ki napa en zanfana pou kontribye pou li, i kapab ganny en larzan, en lavi desan pou viv dan en *Home*, san ki i bezwen apre ki li in travay in bezwen pey ankor.

Mr Speaker, eski sa ki pe arive avek bann rezidan Dimoun Aze, i reprezant en lapros pli larz ki Gouvernman *LDS* i le anmennen anver met en lot presyon finansyel lo bann dimoun aze dan nou pei?

Mon trwazyenm kestyon Mr Speaker.

MR SPEAKER

Nou a fer li trwa silvouple Onorab. Mersi.

HON SEBASTIEN PILLAY

Napa problemm Mr Speaker. Napa problemm nou ava fer li trwa nou. Prenon kont ki Minis pe koz lo responsabilite ankor enn fwa. Eski Minis pa krwar i pou pli responsab pou alors ogmant larzan ki ganny dimoun aze i gannyen lafen di mwan pou sorti sa R5mil 750 e pou anmenn li lo R10mil parey son parti ti promet ler i ti pe fer konpany pou vin dan Gouvernman? Mersi Mr Speaker.

MR SPEAKER

Mersi. Yes. En enstan silvouple. Wi Onorab Pillay mon krwar ou dernyen komantr i en pe pa dir iresponsab selman mon krwar poudir i en *statement* ki napa okenn verifikasyon. Mersi.

Minis ou repons. Minis.

HON SEBASTIEN PILLAY

En *point of order* Mr Speaker.

MR SPEAKER

Wi.

HON SEBASTIEN PILLAY

Mr Speaker i fer dezeynm fwa ki en Speaker ki asiz dan sez ler mwan mon fer en *statement* i pou vin koriz mwan.

E tou lede fwa sa pe ganny fer aköz zot bann *Leaders* dan parti *LDS*. So, les

(*mic switched off*)

(*Interruption*)

MR SPEAKER

Arete! *Order!* Speaker i la pou gard lord dan Lasanble e i pou kontinyen fer li.

Minis ou repons.

MINISTER MARIE-CELINE ZIALOR

Mersi Mr Speaker. Mersi Onorab pou ou bann kestyon. Bidze *Maintenance* pou bann *Home* i ganny mete ansanm avek *maintenance* Bidze pou Departman Lafanmir. I pa separe. E nou parey mon pe dir letan nou'n vwar poudir sa larzan ki nou'n mete dan *maintenance* i pa'n ase, be selman in annan responsabilite ankor mon pou repete.

In annan nou'n pran nou responsabilite letan nou'n vwar sa bann keksoz, sa lalis *maintenance* Mr Speaker, ki son Gouvernman in kit ek nou pou fer.

(*laughter*)

MINISTER MARIE-CELINE ZIALOR

E wi aköz i annan bann plafon kot delo pe koule dan lasanm sa bann dimoun. Sa nou pa pe fer krwar sa. Nou pa pe fer krwar. E letan ou pase ou vwar sa ou ale, letan ou regard sa ou pe demann ou lekor be nou pa kapab les sa bann dimoun koumsa.

E nou nou'n nobou kapab al kot Finans pou dir be *ok* nou ti annan larzan dan nou Bidze pou nou kapab ede pou nou kapab fer sa. Zis pou nou kapab ganny lotorizasyon pou fer sa bann *virement*, pou nou kapab regarde, aköz - aköz nou bezwen fer sir ki nou bann dimoun i annan dinyite kot zot pe reste. Dinyite kot zot pe reste.

E nou met presyon finansyel lo nou bann dimoun lo tou dimoun. Mr Speaker mon krwar mon'n deza fini adres sa oparavan. Sa i lopinyon

Lopozisyon, i zot lopinyon e mon krwar ki nou, mon kontinyen ankor met pwen lo nou responsabilite, pou regarde nou Bidze pou nou regarde ki mannyer nou pou fer pou nou kapab fer en keksoz ki aköz lafet, aköz nenport kwa nou zis donnen.

Apre letan in pas en pe letan nou napa larzan. Nou dan en kriz ekonomik. I annan ase legzanp dan lezot pei pou nou kapab vwar pou nou pa fer sa menm fot.

Trwazyenm, son trwazyenm komantr regarde pou ogmant larzan pou bann dimoun aze. Tou fason ki nou kapab kot Bidze i permete, kot nou kapab soulaze, pou bann dimoun aze osi byen pou bann lezot dimoun dan nou bann fanmir, Mr Speaker nou pare pou nou fer li.

Nou rod diferan fason osi pou nou fer li. E nou pe soulaz, nou pe soulaz. E mon pa konnen si letan mon pe koze Mr Speaker si petet *Leader* Lopozisyon pe ekoute. Aköz mon pe kontinyen dir poudir nou ape negosye nou ankor pe negosye. Nou annan ki nou'n fini gannyen ki si mon pa pe donn ou larzan be selman nou kapab negosye ki ou ganny pwason, ou kapab ganny legim pou naryen. Ou kapab ganny dipen, ou ganny tou le neserer. I larzan sa dan plas pou ou tire pou ou al peye. Sa i ganny donnen avek bann *Homes*.

Nou organize ki i annan pa mal bann biznes ek zot dimoun ki pare pou adopte zot, e pare pou donn zot en lavi bokou pli konfortab ki sa. Si pa soulaze sa Mr Speaker nou definisyon soulaze i vremen diferan e parey mon kontan dir dan Lasanble par ler nou bezwen agree pou dezagree.

Me selman nou garanti mon pou fini par sa Mr Speaker, nou garanti poudir nou bann dimoun nou pou toultan fer tou sa ki nou kapab pou nou fer sir ki nenport ki sityasyon ki zot vwar zot ladan bann dimoun aze, zot in napa en landrwa reste, ouswa zot in anv'i vin reste dan *Home*. Nou kapab *accommodate*. Nou pou fer sir e sa bann keksoz nou pou revi.

Nou pa fer li an kasyet. Nou fer li *above board* e tou dimoun i konnen egzaktman kwa ki nou pe fer e nou ti ava kontinyelman enplor nou bann fanmir pou okip nou bann dimoun aze. E tou larestan dimoun dan kominote pou nou kapab ede pou nou annan en leker pou nou bann dimoun aze. Aköz zot in fer pa mal pou nou bann ki en pe pli zenn, letan nou ti ankor ptipti letan nou la ankor tou.

E nou, nou byen kontan osi aköz en kantite zot, zot ankor for e zot kapab donn nou bokou bann valer moral. Bokou bann valer spirityel ki nou ape rode, pou nou kapab ed nou pei, pou nou avans pli devan. Mersi bokou Mr Speaker.

(*Off-Mic*)

MR SPEAKER

Mersi. Mersi Onorab - atann. Mon pou permet Minis pou fer son depar e son delegasyon. Mon ava remersye zot pou zot partisipasyon. E mon swet zot bon kouraz dan kontinyasyon zot travay pou bann dimoun aze. Mersi.

Wi ou *matter of privilege* Onorab Pillay.

HON SEBASTIEN PILLAY

Mersi Mr Speaker. Mr Speaker dan en *statement* ki Minis in fer, in dir koumsa poudir in fer, konmsi in fer en komanter *as if* mwan mon pe ekout son larepons.

Mr Speaker mon pe ekout son larepons, an menm tan mon pe swiv sa ki in dir e sa ki dan Bidze. I enportan pou mwan fer sir poudir son larepons ki i donnen. Akoz i senp Mr Speaker.

Si ou donn R500 ek lanmen drwat apre ou pran R1000 ek lanmen gos, i pa fer sans Mr Speaker.

E ou Onorab *Leader* Zafer Gouvernman ou kapab ankoler si ou le.

MR SPEAKER

Hold on, hold on. Ou *matter of privilege* in fini. Mersi. Mon krwar komanter Minis ti zis en mannyer retorik pou atir ou latansyon. Mersi.

Ki annan Onorab Arissol? *Matter of privilege* Onorab Arissol. *Sorry* ou le donn presedans ou *Leader*.

HON SANDY ARISSOL

Non, non, mon *Leader* i ava ganny dernyen. Mwan mon ava koz avan li.

MR SPEAKER

Ou *matter of privilege* Onorab Georges.

HON SANDY ARISSOL

Mersi Mr Speaker, mwan osi mon annan en *matter of privilege* ki mon ti ava kontan ou lofis i adrese. Parske i annan sa size kot bann manm tanzantan i lev sa zafer Minis pe ganny *allowance* ledan, *allowance* palto la. Mon krwar i ava enportan pou Lasanble klarifye sa avek Egzekitiv, pou nou konnen ki ladministrasyon avan ti gannye koman bann Minis.

E ki ladministrasyon nouvo pe gannye ki diferan avek ki bann ki ti gannye avan. Parey mon'n tann Onorab Wallace Cosgrow pe demande taler. Parske li osi i ti deza en Minis dan Gouvernman avan. E ki Manm Lasanble nou, nou gannye nou osi.

Dezyenmman, mon ti ava kontan osi dir ek piblik oubyen bann Manm *US* lot kote latap, poudir si sa ki zot santi poudir Minis i gannye dan *Cabinet* i ilegal, zot devret anmenn en *case* Ankour.

Vin devan dir me pa zis fer bann spekilasyon ki pa nesese dan Lasanble, kan zot

Gouvernman ti ganny egzakte man sanmenm. Mersi bokou Mr Speaker.

(APPLAUSE)

MR SPEAKER

Mersi Onorab lo ou premye *matter of privilege* nou ava regarde petet dan *ABC* nou kapab regarde si i annan en mannyer pou Gouvernman klarifye.

Onorab Georges ou *matter of privilege*.

HON BERNARD GEORGES

Mersi Mr Speaker. Mr Speaker mon ti ava kontan *raise* en *matter of privilege* anba *Order 40 (2)*. Avek respe pou Minis mon pa'n anvi enteronp son bann larepons e mon'n esper a lafen pou mwan fer sa *matter of privilege*.

Mon ti'n demann permisyon pou demann en kestyon. Mon pa pe lager avek ou, ou pa'n donn mwan. Me mon krwar ki mon privez in ganny afekte par en *statement* ki Onorab Cosgrow in fer dan sa Lasanble bomaten lo sa size larzan palto.

Mon ti ava kontan zis fer sorti an sipor sa ki *Chief Whip* lo nou kote latap in fek *raise - 2* keksoz, premyerman ki larzan palto ki nou sipoze pe gannye, sa ki mwan mon gannye Onorab *Leader* Lopoziyon osi i gannye.

E zot ava konpran Mr Speaker akoz zot in vwar ki mwan ler fodre met en palto, mon met en palto mon vin dan sa Lasanble dan mon palto. Mon pa vin dan en semiz rouz avek en kravatt nwar.

(APPLAUSE)

HON BERNARD GEORGES

Dezyenmman olye vin rod larzan palto mon ti ava prefere ki sa Onorab ki'n *raise* sa pwen ti a kapab, olye vin rod sa R1800 par an larzan palto ki swadizan i ganny gannye. Ki i ti ava al rod 'larzan *forgo*' milyon Roupi ki son Gouvernman pa'n ... kapab

(APPLAUSE)

MR SPEAKER

Onorab ...

HON BERNARD GEORGES

... e ti ava kapab servi pou ed sa bann dimoun dan *Home* pou pey zot R1000 si i anvi al rod en fason pou fer li. Mersi.

MR SPEAKER

Onorab mon'n not ou premye pwen. Lo kote 'larzan *forgo*' mon krwar sa size in fini pase. Mersi, nou termin la avek ...

(Interruption)

MR SPEAKER

Order! Order! Onorab Leader Lopoziyasyon mon'n donn ou en *matter of privilege* deza.

HON SEBASTIEN PILLAY

(off-mic)

MR SPEAKER

Mon'n donn ou en *matter of privilege*. Mon'n donn 2 lezot Manm en *matter of privilege*. Mon'n ase avek *matter of privilege*. Madanm raporter ou ava apel Minis pou kestasyon silvouple.

Nou ava pran en poz pou *sanitizing* silvouple.

(technical break)

MR SPEAKER

Bon, bonzour e byenveni Dr Justin Valentin. Minis pou Ledikasyon. Ms Merna Eulentin PS pou *Education Services*. Mr Bernard Arnephy Direkter *Support Services*. Mrs Desiree Hermitte *Chief Counselor*. Mersi pou zot partisipasyon dan kestasyon.

E mon krwar mon ava zis note ki bann Manm i okouran petet piblik i ava konnen ki sa seri kestasyon ozordi in ganny prepare spesyalman par Group Madanm dan Lasanble pou lo sa size. Group *HIV/AIDS* wi. Ladan i annan en kestasyon ki ti pou Minis Valentin me selman vi ki i probableman son dernyen sans pou vin dan Lasanble, nou'n azout ankor en kestasyon ki ti reste lo *Order Paper*. Mersi.

Bon nou a konmanse avek kestasyon. E premye kestasyon i pou Onorab Sylvanne Lemiel.

HON SYLVANNE LEMIEL

Mersi Mr Speaker. Bonzour Minis avek ou delegasyon. Mon kestasyon i al *comme* swivan;

Pou en pe letan travay lo lakres Anse Royale in arete, eski Minis i kapab dir sa Lasanble ki problemn oubyen kontrent, ki son Minister pe rankontre, pou kapab fini sa proze dan son dele letan nesese? Mersi.

MR SPEAKER

Mersi Minis ou repons.

MINISTER JUSTIN VALENTIN

Mersi Mr Speaker. Mersi Onorab pou kestasyon. Bonzour Mr Speaker. Bonzour tou bann Manm Onorab. Bonzour tou bann dimoun ki pe ekout nou.

Mr Speaker Kontra pou konstri lakres Anse Royale ti ganny sinyen le 16 Septanm 2019. E kontrakter ti sipoze rann sa proze an Mars 2021. I annan apepre 6 mwan ki travay lo lakres Anse Royale in arete. Me kontrakter i ankor annan responsabilite e akse avek sa *site*.

Mr Speaker, apre ki kontrakter ti'n fini mobilize lo *site*, ti annan serten varyasyon ki ti nesese pou fer me ki tim proze e kontrakter pa ti'n prevwar. Bann varyasyon tel ki ranforsisman fondasyon. An rezilta sa bann varyasyon in annan plis materyo ki'n ganny servi.

Malerezman pandan sa menm peryod ti annan *COVID-19* e ti annan en logmantasyon signifikan dan pri materyo konstriksyon. Kontrakter ti fer en demann pou revwar kou sa proze. E i ti ganny anviron R2.13milyon pou kouver logmantasyon pri materyo.

Mr Speaker kontrakter ti answit fer demann pou konpansasyon li pou bann varyasyon ki ti'n fer lo sa konstriksyon. Seksyon *Procurement* pa nesese dan dakor ek sonm ki kontrakter ti demande. E in annan serten ale vini pou tonm lo en konklizyon.

An se moman i annan en reevalyasyon ki pe ganny fer pou determin kou sa bann varyasyon ki kontrakter pe demande. Mr Speaker dapre estimasyon bann teknisyen 85poursan travay lo sa proze in konplete. Kontrakter pa kapab termin sa louvraz aköz Bidze ki'n ganny vote pou sa proze in fini.

Me an se moman tou bann parti prenon enkli kontrakter pe kolabore pou ki sa louvraz i terminen e ki Lekol Anse Royale i ava ganny son lakres modern tre byento. Mersi Mr Speaker.

MR SPEAKER

Mersi. Onorab Lemiel ou siplemanter.

HON SYLVANNE LEMIEL

Thank you. Mersi Minis pou ou larepons. Mr Speaker mon ti ava kontan petet Minis i dir nou sa Lasanble, petet pri orizinal pou sa proze konbyen ti ete?

E an menm tan Minis mon krwar ki nou okouran oubyen petet serten Departman dan ou *Minister* mon krwar zot kapab okouran, ki pa mal problemn lekol primer pe gannnen, an sa ki konsern lespas, letan sa lakres pe fer la i pa ankor fini, landrwa pou bann zanfan fer zot *PE*. Zot pe bezwen servi lespas kot Per. Son *ground* kot Per. E sa i koz en pe lenkonvenyans osi.

So mwan mon pe regarde petet Minis dan ki dele letan ankor letan tou sa negosyasyon pe ganny fer ki dele letan ou pe war ki ou pe mete sa proze i kapab fini? Sa lakres avan i ganny kraze, *ground* i ganny aranze e lekol primer i ganny landrwa pou zot kapab okipe pou zot fer zot *PE*. E zot sorti lo *ground* kot La Parwas. Mersi.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mersi Onorab pou kestasyon. Mr Speaker zisteman nou tou dan Ledikasyon nou osi nou konsernen, sanmenm sa ki nou osi nou

pe met zefor kolabore. Nou pe ensiste ki sa prosedir i al vit akoz wi nou anvi ki bann zanfan Lekol Anse Royale i zwe dan en landrwa konvenab dan lespas. E sa nou pe swete ki sa i arive tre byento.

Mwan koman Minis Ledikasyon la e anfen la pou lemoman la lefe ki sa, nou annan plis konfyans la. Akoz sa proze la in ganny transfer avek Lazans Lenfrastriktir. Ki mon krwar zot pou, zot dan en pli bon pozisyon pou diriz kontinyasyon sa travay. Nou pe swete ki sa i ava en realite. E byento Lekol Anse Royale i ava ganny sa lakres parey mon pe dir. Deor i ava lot lakres i ava ganny kraze pou marmay ganny zot lespas pou zwe.

E i enposib la ozordi Mr Speaker. Vreman enposib la pou mwan kapab donn en dat ouswa dir kan sa lakres pou fini. En posib pou mon kapab fer sa. Sa ki mon kapab dir, se ki sa reevalyasyon ki pe fer le moman ki nou sa reevalyasyon i ganny fer. Le moman ki bann larzan i ganny verse pou kontiny sa proze la mon pou dan en pozisyon pou kapab dir egzaktaman kan nou kapab termin sa travay. Mersi Mr Speaker.

MR SPEAKER

Mersi Minis. Bon mon annan 15 minit pou sa kestyon. Mon pou kapab pran siplemanter selman mon met latansyon bann Manm ki sa kestyon i lo lakres Anse Royale. Mon pa pe al lo lezot lakres oubyen lezot proze. Onorab Bastienne ou annan en kestyon.

HON DESHIELA BASTIENNE

Mersi Mr Speaker. Bonzour Mr Speaker. Bonzour Minis avek ou delegasyon. Minis eski ou kapab konfirm avek sa Lasanble, si sa plan li menm lo sa proze lakres Anse Royale ti'n fini konplete?

E osi eski i ankor annan travay ki pe ganny fer lo plan twatir sa pti batiman an ron ki petet sa osi pe kre retar dan sa travay?

E dezyenmman Minis le 21 Septanm isi dan Lasanble, Mr Jude Commettant ti dir dan sa Lasanble ki zot pe al pran sa Kontra avek sa kontrakter. Eski sa i konfirman? Mersi.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Mr Speaker mon ti pe rod konfirmasyon avek bann teknisyen. Plan in fini, plan final proze in fini. E apre an se moman proze i ankor avek kontrakter orizinal. Mersi Mr Speaker.

MR SPEAKER

Mersi Minis. Onorab Mondon. Onorab Bastienne ou pe lev lanmen ou eski i annan en klarifikasyon?

HON DESHIELA BASTIENNE

Wi Mr Speaker. Wi en klarifikasyon. Minis mon ti demann ou konsernan sa kestyon si kontrakter pe al ganny, ti ganny dir la dan Lasanble ki sa Kontra pe al ganny pran. Eski nou ti le konfirman si i ankor le ka oubyen si nide in sanze? Mersi.

MR SPEAKER

Be mon krwar Minis in konfirm sa. Minis ou le azout en dernyen parol lo la.

MINISTER JUSTIN VALENTIN

Mr Speaker mon konfirman ki an se moman proze i ankor avek kontrakter orizinal. Mersi.

MR SPEAKER

Onorab Mondon, ou siplemanter.

HON TERENCE MONDON

Mersi Mr Speaker. Bonzour Minis avek ou lekip. Mr Speaker enn bann problem ki souvandfwa nou vwar se sa *supervision* bann proze. Eski Minis i kapab dir nou si zot annan, in vwar lo rikord ki sa kot ou Minister, ki sa proze in ganny byen ganny swiv e ek tou bann desen teknik ti an plas ler sa proze ti pe komanse? Mersi Mr Speaker.

MR SPEAKER

Mersi. Minis.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Mr Speaker letan, wi letan nou'n vin dan Minister Ledikasyon. Letan mon'n komans koman Minis Ledikasyon, in annan vreman enn de proze ki nou'n dezapwente avek lafason ki son finisyon in, son dirasyon in pase.

Me sa ki mon kapab dir la a se moman se ki Gouvernman aktyel ti rekonnnet sa, pa zis pou Ledikasyon me pou konstriksyon osi an zeneral dan bann Minister kot napa neserman sa lekspertiz neser.

E pou se la ki sa Lazans Lenfrastriktir ti ganny kree pou kapab enn fwa pou tou rezourd sa bann problem ki annan kot bann Minister petet pa zot forte dan konstriksyon. Zot pe siperviz bann *cost* bann keksoz ki pa neserman al byen.

Donk desizyon pou kre sa Lazans Enfrastriktir, ti sisteman pou reponn sa lapel e sa i pou anpes bann lezot Minister osi byen ki Minister Ledikasyon, pas an traver sa bann menm letap a lavenir. Mersi Mr Speaker.

MR SPEAKER

Mersi Minis. Onorab Pillay ou kestyon.

HON SEBASTIEN PILLAY

Mersi Mr Speaker. Mr Speaker prenon kont ki'n annan plizyer *statement* ki'n ganny fer lo size sa lakres. Partikilyerman ler nou ti pran Bidze Siplemanter dan Lasanble Nasyonan. La nou pe ganny serten *statement* fer par Minis. Mon ti ava kontan ganny li lekel ki korek. Ok Onorab Bastienne in *raise* sa pwen e Minis in *counter* sa pwen avek en lot *statement* ki'n dir poudir kontrakter aktyel i ankor lo proze.

So eski Minis ou pou kapab *provide* Lasanble avek lenformasyon an ekrir, ki dir nou lekel kontrakter ki lo sa proze?

E dezyenmman, eski Minis ou kapab klarifye avek nou ki pou arive lefe ki sa proze ti en proze ki ti'n fini ganny *tender* depi an 2019, apre ler mon pe regard lo *website Tender Board* sa ki mon pe war. E in annan bann prosedir ki'n ganny fer pou komans. Sa larzan ki sipoze pou sa proze, eski ou pe dir ek nou koumsa la eski ou kapab dir Lasanble ki pou arive avek sa larzan? Akoz ou'n koz lo vers larzan.

I bezwen deza annan en larzan ki'n ganny *appropriate* pou sa proze. Ki pou arive ek sa larzan ki'n ganny *appropriate* pou sa proze? E ki demars ou pe fer avek Minister Finans pou fer sir ki sa larzan ki'n ganny *appropriate* pou sa proze Minister Ledikasyon pa perdi li anski konsern sa proze?

Oubyen si sa proze i pare menm Desann dan bann prosedir i kapab komanse *as soon* ki tou keksoz i kapab ganny fer? Mersi Mr Speaker.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab pou ou kestyon. Mr Speaker wi nou kapab donn an ekrir lekel kontrakter ki lo sa proze.

Dezyenm klarifikasyon, parey nou'n dir an se moman la i annan bann varyasyon ki sa kontrakter pe *claim* e *procurement* pa pe neserman an faver sa kotasyon.

Alor in annan en demann pou en reevalyasyon. E le moman ki sa i fer, le moman ki sa i fer e ki tou bann parti prenan i tonm dakor lo sa bann sonm. Larzan apropiye i ava ganny *allocate*.

E koman Minis Ledikasyon lefe ki nou byen bezwen sa Lakres pou nou parey nou'n dir dan en kestyon avan pou nou kapab kre bann lespas, pou nou kontinyen avek bann fonksyon lekol.

Nou pou fer sir ki nou donn tou latansyon sa travay pou ki sa travay i kontinyen e i konplete. Mersi Mr Speaker.

MR SPEAKER

Onorab Pillay nou pa pe al dan nouvo kestyon. Klarifikasyon lo sa ki ou'n demande?

HON SEBASTIEN PILLAY

Mr Speaker en kestyon senp. Minis kote sa larzan apropiye pou sorti? Sa mon kestyon pou ou. Ou pe koz lo varyasyon proze, mon ti ava kontan konnen ou pe dir nou sa larzan pou ganny verse. Kote sa larzan pou sorti? Mersi.

MR SPEAKER

Mersi Onorab. Minis.

MINISTER JUSTIN VALENTIN

Mr Speaker Gouvernman Sesel, pou fer sir ki i ganny larzan apropiye pou konplet sa travay. Mersi Mr Speaker.

MR SPEAKER

Mersi Minis. Nou ava pas lo kestyon swivan Onorab Audrey Vidot.

HON AUDREY VIDOT

Mersi Mr Speaker. Bonzour Minis ek ou delegasyon. Mon kestyon i *comme* swivan: -

Eski Minis i kapab eksplik nou Lasanble ki bann program lantrenman ki zot pe donn bann ansenyan *Personal Social Education (PSE)* avek bi pou pli byen ekipe pou donn formasyon nou bann adolesan dan lekol lo size lasante reproduktiv? Mersi Mr Speaker.

MR SPEAKER

Mersi Onorab. Minis repons.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Mr Speaker, Minister Ledikasyon i annan en program *PSE* konpreansiv ki adres sa size an kestyon. Tou ansenyan o nivo primer in ganny formen lo nivo diplom pou ansenny sa size. E dan lekol segonder i annan bann ansenny ki spesyalize dan *PSCE*.

Mr Speaker sa formasyon pou lansennyman pou lasante reproduktiv i en bon program. Sepandan pa tou ansenyan ki ansenny sa program ki santi li konfortab avek tou topik. Notaman bann topik ki relye avek lasante reproduktiv.

Minister i rekonnèt sa defi. E vwala sa ki nou'n deza komans fer. Premyerman, nou met lanfaz lo devlopman profesyonnel kontinyel kot bann ansenyan i rekonnèt zot pwen for e zot pwen feb. E zot rod sipor neser. A sa pwen nou felisit tou bann ansenyan ki pe fer sa tre byen. Avek sa filozofi *priority centers* ki nou pe ankouraz bann lekol pou fer.

Nou pe demann lekol ki annan bann bon pratik pou deklare sa bann bon pratik e partaz avek lekol an traver *networking*.

Dezyenmman, e spesifikman lasante produktiv, lefe ki nou etabli en bon lyen avek Minister Lasante, nou demann bann lekol pou

rod sipor bann profesyonnel lasante kot zot santi zot dan bezwen.

Trwazyenmman Mr Speaker, plan stratezik Minister Ledikasyon i fer provizyon pou siport devlopman dan lansennyman. Nou ankor pe ankouraz bann ansenyan pou fer bann *professional network* pou zot kapab zwenn e kolabore pou devlop zot prop konpetans, dan nenport domenn lansennyman.

Nou *Teacher Council* ki nou met an mars lannen pase pou sirman kataliz sa proses. E an plis ki sa, Minister Ledikasyon i krwar dan profesyonnel, devlopman profesyonnel bann ansenyan.

Vakans Out par egzanz;- 191 *Leaders Senior Management* bann lekol primer koman segonder, ti partisip dan bann sesyon 3 zour kot *TGMI*, kot zot in kapab ranforsi zot *leadership*, ranforsi zot konpetans.

An Novann sa lannen pou premye fwa 16 *counselors* pou komans zot *bachelor degree* avek en lenstiti Rila. E sa pou ranforsi zot konpetans e sirman sa pou annan en lenpak direk lo lasante reproduktiv. Akoz kot bann lekol pou annan bann dimoun ki pou byen *train* pou kapab osi ede pou fer sa prosedir.

Mr Speaker, a sa pwen mon anvi dir fodre pa zanmen nou met sa size lasante reproduktiv selman lo bann ansenyan. E sa size lasante reproduktiv pa devret en size ki ganny fer zis kot lekol. Paran osi i annan en rol enportan dan edik e enstri zot zanfan lo lasante reproduktiv.

E sa moman mon osi pran sa lokazyon pou demann bann dimoun ki ti ava anvi zwenn lansennyman, e zisteman pou zot osi partisip dan bann size osi byen ki sa enn an kestyon pou vini, pou *enroll* avek *SITE*, e zot ava ganny bann formasyon ki nesaser. Mersi Mr Speaker.

MR SPEAKER

Mersi Minis. Siplemanter Onorab Vidot.

HON AUDREY VIDOT

Mersi Mr Speaker. Mersi Minis pou ou larepons. Minis eski ou kapab enform nou Lasanble konbyen *PSE* ansenyan i anploye avek Minister? E eski i annan ase ansenyan ki kouver tou bann laklas dan bann lekol? Minis lansentman anba laz, risk atrap bann maladi tel koman *VIH/SIDA*, i bann risk ki bann adolesan i kapab rankontre ler zot pe angaz zot dan bann aktivite seksyel a en tre zenn az.

E nou konnen in annan dan lepase, e ozordi kot i annan zanfan i ankor pe tonm, lansentman anba laz. Alors Minis eski ou Minister zot pe fer plis sipervizyon, pou vwar ki mannyer zot kapab asire ki nou bann adolesan dan Leta, pe ganny formasyon lo sa size pou ki nou bann zenn i byen konpran bann risk ki egziste la, e ki kre en lenpak dan zot letid ler bann sityasyon parey i arive?

E ou'n dir angaz paran. Eski baze lo sa legzersis kot zot pe prepar ankadre bann ansenyan, zot pe osi ranforsi ki bann ansenyan i enkli bann paran, baze petet parey letan zot annan bann program pou bann lezot size dan lekol ki zot angaz paran pou *involve*?

Eski zot pe fer parey pou sa size? Mersi.

MR SPEAKER

Mersi Onorab. Minis ou repons?

MINISTER JUSTIN VALENTIN

Mersi Mr Speaker. Mersi Onorab pou ou kestyon siplemanter. Mr Speaker lo rikord ki nou annan, nou annan 37 ansenyan pou ki pe delivre *PSE* dan bann lenstitisyon. I mank 8 ansenyan dan rikord ki nou annan. E parey mon'n dir nou lans lapel pou bann dimoun ki, pou bann lezot *teachers*. Sa nou osi dir bann lezot *teachers* fodre pa ki zot restrikte zot konpetans, dan sa formasyon kot zot i ganny *train*.

Si zot anvi transfer zot *knowledge*, ouswa zot anvi en dezyenm size nouvo direksyon Minister Ledikasyon i ankouraz sa. I ankouraz bann *teacher* pou rod en dezyenm size. E *PSE* i enn sa size ki a demann. Alor sa ki anvi, anvi partisip ladan Mr Speaker a tou moman i ganny byen akeyir.

Dezyenm kestyon i koz lo lefikasite, zisteman sa program pou edik bann zanfan lo bann diferan danze, bann danze ki annan pou fer avek zot bann aktivite, aktivite seksyel.

Mr Speaker sa program wi i kouver sa tre byen. I kouver sa tre byen. Bann zanfan i ganny tou lenformasyon. E sa ki enteresan dan Sesel, sa topik pa zis ganny aborde dan lekol. I ganny aborde lo lezot nivo. Lo medya, i en topik ki vremen popiler lo medya.

So, e zanfan i annan tou akse. E la ozordi ankor la mon pe koz osi avek bann zanfan, bann etidyan, bann etidyan zot pa devret ankor met sa zis dan responsabilite lekol. Zot osi zot al lo *internet*. Zot al get nenport kwa. E alor bann size ki annan pou fer avek zot lasante, avek zot konesans, zot devret osi pe angaz zot dan sa bann kalite resers personnel pou zot devlope.

E anski konsern bann paran. Wi bann lekol annan bann *meeting* ki zot fer, i annan de ler i annan bann diferan manm Lasante, Minister Lasante ki vini. I annan bann etidyan zisteman i annan bann peryod letan ki zot arive sa topik i vin en topik kouran ki zot pe ganny nonmen *over and over*.

Donk, nou konfortab ki *volume* lenformasyon ki pe ariv kot bann zanfan i sifizan. Me byensir ki mannyer bann zanfan prezan i asimil sa bann lenformasyon, ki mannyer zot fonksyonnen baze lo sa bann lenformasyon ki zot annan, sa i en keksoz osi personnel. I personnel. Mon pa ti ava konnen si teknisyen. *Ok*. Mersi Mr Speaker.

MR SPEAKER

Mersi Minis. Bon mon pou pran kestyon siplemantier lezot Manm. Me nou pou termin sa sesyon 10.45. Mon annan Onorab Labonte.

HON ANDY LABONTE

Mersi Mr Speaker, Minis avek ou *panel*. Bonzour tou Manm koleg Onorab e tou dimoun ki pe a lekout. Minis mon dir ou mersi pou ou larepons ki ou'n donn nou.

Me selman enn pti klarifikasyon, ou'n dir ki lekol primer enkli segonder, i annan bann ansenyan ki kalifye pou *teach PSE*. Me selman ou'n osi dir ki, zot pa konfortab, i annan ki pa konfortab.

So eski Minister pe mazin pour fer serten keksoz, oubyen travay ek sa bann ansenyan, ki zot santi zot pli konfortab, dan en mannyer ki ler lenformasyon pe ganny pase avek bann zanfan zot menm zot, zot ganny sa lenformasyon dan fason ki i merite.

Akoz ler nou pe, nou pe get li an gro, nou vwar poudir i annan bokou lenformasyon ki pa sorti parey i merit ganny sorti, zanfan i kapab asimil li byen.

MR SPEAKER

Mersi Onorab. Minis repons.

MINISTER JUSTIN VALENTIN

Mersi Mr Speaker. Mersi Onorab pour ou kestyon. Mr Speaker i nou, ki Minister Ledikasyon, pe nouvo direksyon Minister Ledikasyon pe propaze kot bann lekol. E byensir sa pratik osi, in la osi en pe avan. Me nou, nou pe osi ranforsi sa.

Fodre ki zanmen en ansenyan i reste tousel, i krwar i tousel. *Networking* i en keksoz, ki ansenyan i devret krwar ladan, e i devret pe fer. Dan mon larepons inisyal mon ti koz lo bann lo bann lo nesese ki annan bann *networking* antre bann ansenyan.

Zot aktyelman partaz bann meyer *practice*. Nou ankouraz menm lekol, lekol kot zot vwar poudir, i annan ansenyan pe fer byen dan en pratik. Deklar sa pratik koumsa lezot ansenyan i ava vin vwar.

Donk bann ansenyan pa tousel, bann ansenyan ki santi li, pa konfortab. E sa pe pase a ler aktyel kot lekol, zot demann bann lezot ansenyan petet pou asiste zot, ler in ariv ler pou serten topik pour zot fer.

E parey mon'n dir osi, zot annan tou sa liberte pou rod bann, travay bann profesyonnel lasante pou vin asiste zot, pou kapab fer ki zot osi, enn zot devlop sa konpetans an menm tan. Me si zot pe krwar zot pa kapab reponn en kestyon bann etidyan ouswa, partaz en konnesans dan en fason ki byen, zot kapab

prezan servi sa lot dimoun pou ed zot avans devan.

Donk sa *network*, ki nou pe ankouraze kot lekol i pou sa fason ki pou rezourd, en bon pe bann problem kot en ansenyan dan serten laspe i pa konpetan, me selman i anvi fer son travay byen. E i anvi ki etidyan i ganny sa konnesans byen parey i devret gannyen. Mersi Mr Speaker.

MR SPEAKER

Kestyon Onorab Aglae.

HON EGBERT AGLAE

Mersi Mr Speaker. Bonzour Minis e ou *panel*. Minis ou'n fer resorti bann difikilte ki serten ansenyan i vwar zot pour zot kapab enstri *PSE* avek serten nou bann zanfan. Eski zot pa pe konsider revwar en pe lafason ki nou ti servi nou bann *school nurse* ki ti egziste dan lepase. Si zot ancor la, pour osi kapab anmenn en sipor pour nou bann zanfan ki pou bezwen kapab ganny sa ledikasyon?

E dezyenmman Minis, eski ou menm ou, ou satisfè lafason ki sa *curriculum* i ganny *design* ozordi. Ki i pa pe neserman osi donn lenportans sa ledikasyon ki atase avek *PSE*.

Me ki pe plito reflekte lo sa nivo plis akademik. Petet, i en fason osi ki nou kapab revwar pou sey armoniz en pe sa de kalite lapros, ledikasyon, e sa lasante sosyal ki atase avek. Mersi.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker, mersi Onorab pour ou kestyon. Mr Speaker, parey mon ti'n dir dan mon larepons *school nurse* i ancor la dan bann lekol. Pa neserman zis *school nurse* osi, bann lezot profesyonnel lasante i travay avek lekol, e zot zwenn pour zisteman partisip dan bann aktivite e partisip osi dan bann *talk*, kot bann kozri kot i nesese, e lasante reproduktiv pa ganny eparnye ladan zot osi zot fer sa.

Dezyenmman kestyon Mr Speaker, lenportans *PSE* dan *curriculum*. Ancor nouvo direksyon Minister Ledikasyon, in rekonnèt sa li. E nou, nou pe dir fodre pa nou annan en *curriculum*, ki santre zisteman, lo akademik.

E depi le 24 Zanvyè sa lannen, nou pe komans koz lo lenportans annan devlopman kiltirel, devlopman sportif, devlopman lezot devlopman dan *curriculum*, pou fer ki sa lanfaz lo zis akademik, nou tire.

E wi i annan serten lekol malerezman dan lepase. Malerezman letan in ariv ler pour *PSE*, zot kapab servi sa peryod pour zot fer matematik ouswa pour zot fer revizyon en lot size.

Nou dekouraz sa pratik, nou dekouraz sa pratik, total. Akoz nou anvi bann zanfan, i annan bann diferan letan ki'n ganny *allocate* par bann pour bann size. E nou, nou anvi, akoz lefe ki sa size i dan *curriculum*, i annan lenportans.

Donk nou anvi ki lenportans i ganny mete parey sa *minimum* letan ki nou'n mete i ganny donner. Akoz dan *PSE* zisteman, pa zis lasante reprodiktiv ki sorti.

I sorti bann keksoz parey *moral, value education, citizenship education, careers education, life skill*, tousala i sorti. Alor si nou neglig, *PSE*, nou pe neglig osi lezot keksoz enportan, dan laspe, dan devlopman laspe en zanfan.

Donk, nouvo tim Minister Ledikasyon i anpese, i anpese, ki bann *teachers* i siprim en size an faver en lot. Nou dir annan ou *teach* bann size parey in ganny preskrir, akoz sa nou believe ki i pou donn bann etidyan, sa bagaz nesesser pour zot fonksyonnen dan lavi. Mersi Mr Speaker.

MR SPEAKER

Mersi Minis. Mon a pran kestyon Onorab Uranie.

HON ROCKY URANIE

Mersi Mr Speaker. bonzour Minis ek ou delegasyon, tou bann Manm e byensir zabitan Zil Pros a lekout. Minis eski zot in revwar, oubyen zot annan nide revwar konteni sa size *PSE* li menm. Pour fer li vin pli azour avek realite, Sesel ozordi e lemonn an zeneral? Mersi.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mersi Onorab pour ou kestyon. Mr Speaker, konteni i azour pour lemoman, i azour. Me selman, me selman tou kou, tou kou en size en topik i bezwen, pe ganny reserse, bann eleman enportan, oubyen bann nouvo eleman, pe ganny aziste ladan *accordingly*.

So pour lemoman i azour, me sa ki mon pe dir, menm si son revizyon zeneral pou vwar dan son dokiman, revizyon ti an 2017. An sa ki konsern lasante reprodiktiv, pa'n annan bokou gran sanzman ki'n arive. Me sak *teachers*, sak *teachers*, i osi nou dir zot sa. Sa i en keksoz ki nou prese, mwan mon fer sir ki bann *teachers*, i ganny sa mesaz.

En *curriculum* se zot ki *over*, sa *curriculum* alor zot devret pe tanzantan zot osi pe renouvle, aziste sa *curriculum*, met li azour zot pa bezwen, depan lo *headquarters*, poudir zot sanz sa topik met sa topik. Me reponn lapel baze lo laktyalite, baze lo keksoz ki kouran. Mersi Mr Speaker.

MR SPEAKER

Mersi Minis. Nou pou termin la pour sa kestyon pour nou kapab rebran 11en kar avek lezot

kestyon. Mon remersye Minis, e son delegasyon e mon swet zot bonn kontinyasyon dan zot travay.

Bon nou a pran *break*, nou a rezwenn 11er en kar.

(BREAK)

MR SPEAKER

Bon nou a kontinyen avek nou peryod kestyon. E mon a demann raporter pou apel Minis pour Lasante ek son delegasyon.

Bon bonzour e byenveni ankor en fwa, Minis Peggy Vidot Minis pour Lasante. E osi Dr Bernard Valentin *PS* dan sa Minister. Dr Jude Gedeon *Public Health Commissioner*, e Dr Danny Louange *CEO Health Care Agency* osi byen ki Mrs Vereine Louis-Marie *Director Family Health Programmes* ki lo latib akote.

Bon nou annan kestyon pour Minis Lasante. Nou annan 5 kestyon, nou pou annan apepre 15minit par kestyon e apre mon annan en Kestyon *Without Notice*, ki mon pou permet, sa ki sa Manm demann sa kestyon. E mon pa pou pran siplemanter lezot Manm lo la.

Nou komans avek kestyon 169 Onorab Francois Adelaide.

MR SPEAKER

Mersi Mr Speaker. Bonzour Minis avek ou delegasyon. Dabor Mr Speaker donn mwan 4 segonn, pou remersi tou bann partisipan, ki ti organiz sa Zournen Kreol, manze Kreol dan leo. E ti vremen en sikse kot nou'n annan bann bon bann manze lokal - bann gro manze. E mersi tou bann Minis ki ti prezan osi, zot partisipasyon in vremen enportan.

E tou dimoun i vremen ankouraze pour vwar zot dan leo anler Val Dan Dor. E mersi tou bann dimoun osi, ki'n depans enn pti larzan e pou donn nou bann pti fermye enn pti keksoz.

Mr Speaker, mon kestyon pour Minis i koumsa: -

An vi ki Sesel i form parti Lorganizasyon *SADC*, kot i annan bokou rekomandasyon ki ganny fer kot i konsern lasante reprodiktif, eski Minis i kapab donn nou en kontrandi kote nou ete an term bann *set target (SDGs)* kot i konsern lasante reprodiktif? Mersi Mr Speaker.

MR SPEAKER

Mersi Onorab. Minis.

MINISTER PEGGY VIDOT

Mersi Mr Speaker. *Leader* Zafer, Lopozisyon. Manm Lasanble Nasyonal, telespektater bonzour. Mr Speaker mon remersye Onorab pour sa kestyon. Mon annan plezir pou partaz nou program e donn en kontrandi lo bann *target* lasante reprodiktiv.

Bann rekomandasyon *SADC* lo lasante reprodiktiv, i en ekstansyon bann

rekomandasyon Lorganizasyon on Mondyal pour Lasante lo sa size. E zot osi ekstansyon bann provizyon nasyonal, pou lasante an zeneral e lasante reprodiktiv an partikilye.

Nou annan en Polisi Lasante Reprodiktiv ki vreman transversal. Savedir i manifeste dan tou lezot Polisi Lasante, ki nou annan. Nou vizyon Nasyonal, lo lasante reprodiktiv, i parey nou vizyon zeneral pour lasante nou pep ek nou pei.

Nou anvi ki nou donn tou dimoun dan Sesel, ki benefisye avek sa meyer lasante reprodiktif ki posib. E ki atraver sa, zot kapab viv en lavi konble. Savedir konble fizikman, sosyalman ek mantalman.

Target 3.7 Lobzektif Devlopman Dirab, i fokaliz lo asire ki akse iniversel avek bann servis pour lasante seksyel ek reprodiktiv i garanti. Selon sa lobzektif Devlopman Dirab, akse iniversel i devret enn ki servis pour planifikasyon familyal, lenformasyon ek ledikasyon e osi lentegrasyon bann servis lasante reprodiktiv, dan tou bann stratezi, ek program Nasyonal relevan.

Plizyer lezot lobzektif Devlopman Dirab i konsern direktman oubyen endirektman, sa size lasante reprodiktiv. SADC i annan en dokiman ki apel Stratezi Rezyonal, pour Lasante Seksyel e Reprodiktiv ek bann drwa ki asosye avek zot.

Sa dokiman i kouvert peryod 2019 ziska 2030. I osi annan en kart evalyasyon, ki atase avek sa ek stratezi, pour bann pei kapab mezire kote zot ete an relasyon avek sa stratezi. Sa kart evalyasyon i demande ki mortalite maternel i redwir par 70 lanmor manman, pour sak 100mil pti baba ki ne vivan.

Dezyenm i demande ki mortalite bann nouvo ne i redwir pour ariv omwen 12 lanmor, pour sak 1000 pti baba ki ne vivan. Sa i anliny avek target 3.2 pou lobzektif Devlopman Dirab. Trwazyenm i demande ki VIH ek SIDA i nepli en menas lasante piblik par 2030.

I demande ki vyolans seksyel e vyolans baze lo zanr e lezot pratik nou sif, sirtou kot bann madanm ek bann zenn fiy i eliminen konpletman. Sa i anliny avek lobzektif Devlopman Dirab 5.1 – 5.2 ek 5.3. I demande ki senkyenman, ki to lansentman ki pa'n planifye, e avortman ki pa an sekirite e redwir.

Sizyenm i demande ki to lansentman bann fiy anba laz i redwir. Setyenm akse a servis lasante seksyel ek reprodiktiv, i byen entegre dan sistenm lasante e ki i konpreansiv. I asire sirtou pour bann zenn dimoun, bann madanm, bann lezot popilasyon kle e bann popilasyon vilnerab, enkli e bann dimoun ki dan bann sityasyon imaniter difisil.

Sa i osi anliny avek lobzektif Devlopman Dirab numero 3.7 ek 5.6. Demande ki sistenm lasante enkli lasante kominoter, i ranforsi pour zwenn bann bezwen lasante seksyel ek reprodiktiv dan en fason satisfezan.

Ankor i anliny avek Lobzektif Devlopman Dirab, 5.6, demande ki en lanvironnman i favorab pour bann adolesan e bann zenn dimoun fer bann bon swa, an sa ki konsern zot lasante seksyel ek reprodiktiv, bann swa ki amelyor zot lavi ek zot byennet.

I demande ki tou bann baryer kiltirel, sosyal, ekonomik e politik, ki anpes realizasyon lasante reprodiktiv i ganny retire. Ankor anliny avek lobzektif Dirab, Devlopman Dirab 5.1.

Lanfaz lo tou sa bann stratezi, lo lasante seksyel ek reprodiktiv, i lo donn akse ek bann servis, ki servis i lo en o kalite oubyen nivo, e ki drwa imen i ganny sofgarde. Isi Sesel akse fizik a bann servis lasante reprodiktiv, pa'n zanmen en problemn parey dan serten pei dan nou rezyon.

Bann sant lasante i mwens ki 5 kilomet avek sak lakour, e i annan Ners ek Dokter kalifye ki a dispozisyon tou dimoun ki vin ver servis. Dan serten sirkonstans servis i osi al ver bann dimoun dan zot Lakour, si non zot landrwa travay.

Sepandan malgre tousala, napa ase madanm ek msye, ki itiliz bann servis lasante reprodiktiv ki annan a zot dispozisyon. Nou bann zenn, zot ankor konsider bann servis lasante reprodiktif koman pa ase konvivyal pour zot, koman zenn itilizater. Malgre tou bann tantativ pou adres sa size konvivalite, atraver par egzamp Sant Lasante Lazenes, nou santi ki i ankor annan en long semen pour nou traverse, pour arive lo sa nivo ki nou, nou ti a anvi.

I reste sirman serten defi ki nou ankor bezwen sirmonte e, koman en pei, nou bezwen konpran sa bann defi e adopte en stratezi konzwent, miltisektoryel ki enplik sosyete an antye.

Alor kote nou ete Sesel, ler nou fer nou prop karnen evalyasyon? I montre nou ki Sesel i ganny li enn a de lanmor maternel tou-le-z-an dan apepre 1600 ti baba ki ne vivan. Enn a de lanmor bann manman i deza tro bokou akoz ler nou fer ekstrapolizasyon, sa i vin en gro sif lo sa 100mil pti baba ki ne vivan. Avek lakantite pti baba ki ne isi Sesel, i pou pran nou anviron 62 lannen pou nou ganny 100mil pti baba ki ne vivan.

Me tout fason, nou bezwen travay ankor pli dir pour fer to mortalite maternel vin zero, menm si noupanse poudir sa i pa pou toultan fasil. Nou'n reisir detanzaot fer desann to maternel, to mortalite nouvo ne. Savedir lanmor pti baba dan premye 28 zour zot lavi, pour fer li vin anba 12 lanmor pour sak 1000 ti baba ki ne vivan.

Me nou bezwen reste konsistan e gard sa to toultan anba 12 e pa en lannen i monte, e en lot lannen i desann. Pour lannen 2021, sa to pour Sesel ti 13.2 lanmor pour mil pti baba ki ne vivan. To mortalite anfantil, savedir lanmor ti baba dan premye 12 mwan zot lavi, ti 11.4 lanmor

pour sak mil pti baba ki ti ne vivan. Nou target Nasyonal pour mortalite anfantil i 10.

VIH ek *SIDA* zot ankor en menas lasante piblik dan nou pei. E i ankor annan dimoun ki pe mor avek sa maladi. Lannen pase, an 2021, ti annan 29 lanmor ek 50 nouvo ka lenfeksyon *VIH*. Nou bezwen travay pli dir pour fer prevansyon, fer deteksyon boner e osi donn tretman koman en stratezi prevansyon pour lezot ki pa ankor efekte.

Vyolans seksyel ek vyolans baze lo zanr, i en domenn ki plito anba en lot Minister. Me nou travay ansanm e nou konnen ki en kantite travay pe fer pour adres sa size. Lansentman ki pa'n planifye e avortman i ankor tro o. Nou bezwen adres zot atraver ranforsman tou nou bann servis. I annan zis anviron 47poursan bann madanm ki servi bann servis lasante reproduktiv.

Bokou zefor pe fer atraver kanpanny pou ankouraz bann madanm pou apros nou servis, dan en zefor pou bann madanm pli byen ganny gide, lo laspe planifye zot fanmir, e anpes bann lansentman ki pa'n planifye e fini avek en avortman.

To lansentman anba laz i osi ankor o. Pou sa dernyen 5 an in reste aprosan 14poursan tou lansentman ki nou'n annan dan pei. Sa to ti 13.4 pou lannen 2021. Mon pou donn plis statistik dan sa lot kestasyon ki swiv. Me malerezman, Sesel in war en bes gradyel dan lansentman anba laz dan laz 10 - 19an depi 1999 kan i ti 18.7 lansentman zenn fir dan sa laz pour sak 100 lansentman.

Nou'n vwar en stabilizasyon avek an mwayenn 14 lansentman zenn fiy dan sa laz, pour sak 100 lansentman dan sa dernyen 6an. Byensir nou pa satisfi, e sa bann sif i plis travay i bezwen plis travay ki nou bezwen fer pour nou Minister e osi lezot partner, pou fer sa poursantaz desann.

Nou bezwen adres sa koman en sosyete, aköz son laköz ek son konsekans i divers e transversal. Ledikasyon bann zenn dan lekol lo size seksyalite ek reproduksyon i bezwen amelyore. Travay ki pe fer dan bann laklas *PSCE* i bezwen ranforsi. E Minister Lasante nou pe donn en koudmen pour fer sa, e met lezot sekter osi, i bezwen met lide ansanm lo ki mannyer sa bann laklas *PSCE* i devret amelyore lo kote konteni.

Nou bezwen osi revwar nou Program Lasante kot lekol. An se moman i annan travay ki nou pe fer ansanm avek Minister Ledikasyon pour revwar Polisi, stratezi ek plan aksyon lasante kot lekol. Konsernan akse pour tou dimoun avek lasante reproduktiv ki entegre dan sistenm lasante e ki konpreansif, nou pe travay for pour fer redwir tou stigmatizasyon ki egziste, e permet tou dimoun ganny servis ki i bezwen. Nou pe vey byen bann size drwa imen e nou pe donn servis san zizman.

Bann baryer kiltirel, sosyal, ekonomik ek politik I reste pour serten keksoz. Koman en pei, nou bezwen reget bann baryer kiltirel, sosyal, ekonomik ek politik ki reste pour serten keksoz.

Koman en pei nou bezwen reget serten Lalwa e met azour sa ki a pe, en travay ki Minister Lasante i kapab fer li tousel. I bezwen en volonte nasyonal pour fer li arive, pour retir tou bann tabou tout an respektan bann kiltir ek tradisyon enportan ki a la baz nou sosyete. Mersi Mr Speaker.

MR SPEAKER

Mersi Minis. I sanble mwan Minis in donn en repons vremen avek bokou lenformasyon. Petet kekfw i ti ava kontan partaz son repons an ekrir sirtou avek Komite *HIV/ AIDS* ki mon krwar ti ava ede pour nou, *keep up* avek.

Onorab Adelaide, ou siplemanter silvouple?

HON FRANCOIS ADELAIDE

Mr Speaker mersi. Minis mersi pour larepons i pa en kestasyon Mr Speaker, petet i an mo lankourazman pour zot. Ou konnen ki *COVID* osi in ede pour petet antrenn nou enn pti git en pe an aryer. Me zot pa'n les lebra tonbe. E la mon le felisit bann ou Minis avek ou trwa zeneral, ki zot fer en travay ki nou vremen apresye. E nou swet zot tou de bon dan zot travay. Esperon ki Lasanble i a kontinyen siport zot e donn zot sa ban sipor nesesser, pour nou kapab anmenn nou pei, pli o lo en pli o standar. Mersi Mr Speaker.

(APPLAUSE)

MR SPEAKER

Mersi, mon asire Minis in note. Permet mwan, zis kapab pran en kestasyon la avan ki nou letan i terminen Onorab Lemiel.

HON SYLVANNE LEMIEL

Mersi Mr Speaker. Bonzour Minis avek ou delegasyon. Minis dan ou larepons detaye ki ou'n donn nou, ou'n fer en mansyon i annan en serten poursantaz si mon pa tronpe mon'n ganny li byen 47poursan madanm i ganny akse avek zot servis lasante reproduktiv. Mon panse sa i osi enkli kontraseptiv.

Me i annan en *issue* deor, la petet mon ti a kontan ganny ou pwennvi lo la. E se ki i annan serten madanm, ki pa pe akse zot servis. Me i al dan klinik prive. Pour li par egzanp aste kontraseptiv. E i pe panse ki ler i al dan klinik prive, son *privacy* i ganny reste pour li.

Me i annan mazorite farmasi ozordi, ki ler sa bann madanm pe ale pou akse kontraseptiv, zot pe ganny dir Minister Lasante in dir pran ou non, tou ou detay, aköz zot bezwen sa lenformasyon. Petet mon ti a kontan konnen, sa bann dimoun deor osi ti a kontan konnen aköz.

Akoz zot pe mazine sa i en *invasion of their privacy*. Mersi.

MR SPEAKER

Mersi Minis ou adres sa *please*.

MINISTER PEGGY VIDOT

Mersi Onorab pour en kestyon. Avan mon kontinyen, mon ti a kontan remerci Onorab Adelaide pour son bon mo konpliman, e lankourazman. Onorab wi nou konnen, poudir i annan dimoun ki pa servi klinik nou *health centers*. Me zot plito ganny zot metod kontraseptiv dan en landrwa prive. Ou si non dan en landrwa pa zis servi dan prive, me osi kot bann dimoun ki fer *civil society* parey *ISSF* ki donn, serten metod kontraseptiv.

Mon santi poudir sa i en topik ki sansib, e ki annan en kantite sansibilite, otour li e ki dimoun kekfw pour diferan rezon zot kontan ki zot gard zot *privacy* e nou aksepte sa, nou respekte. Si ou dir mwan poudir annan dimoun ki'n dir, farmasi prive i dir koumsa, anmas zot non e pour nou gannyen.

Nou konnen pour nou planifye en program, pou nou desid lo stratezi, i enportan pour nou annan serten donner. En serten data. Pour nou sa non, i pa neserman en keksoz ki nou vreman bezwen. Me plito serten keksoz otour fason son *tranche d'ages* ki ladan, kalite kontraseptiv ki pe ganny donner. Akoz si i ed nou pour nou kapab fer pli bon planifikasyon.

E annan pli bon par egzanp mon'n donn ou sa sif 47poursan. 47poursan sa ki nou, nou annan dan nou servis piblik, i tre probab ler ou pe regard nou *fertility rate*, ki nou annan bokou plis group ki pe servi sa diferan metod. Me i pa reflekte dan nou statistik.

Pour nou kapab annan en statistik konplet, pour nou fer pli bon planifikasyon, pour nou fer rearanz program, e pour anmenn program a pli anver bezwen nou popilasyon, nou bezwen serten done. E si zot in ganny demande, se vreman pour nou kapab annan sa lenformasyon. Me non, dan sa sityasyon pa enportan.

MR SPEAKER

Mersi. Wi Onorab Lemiel, vitman.

HON SYLVANNE LEMIEL

Mersi. Minis mersi pou ou larepons mon konpran ou. Me selman eski petet napa en fason petet, ou kapab dir sa bann farmasi. Akoz i paret en lenstriksyon sa ki'n ganny donner ek zot. Pour *submit* non, tou detay.

So eski napa en lot fason fer, *instead of* ganny non sa bann dimoun, petet en keksoz formel i sorti kot Minister Lasante, i dir - Akoz sa i pe dekouraz en kantite dimoun. Dimoun pa oule donner zot non. So i petet napa en fason, ki ou

Minister i kapab fer, zis pour minimiz sa zafer donn non. E ki zis ou, ou ganny ou statistik, ki ou bezwen *without their name*? Mersi.

MR SPEAKER

Mersi. Minis ou adrese *please*.

MINISTER PEGGY VIDOT

Mon krwar sa ki nou, nou bezwen se vreman statistik. E si i annan farmasi prive ki pe demann tou bann lenformasyon, ki pa bezwen nou ava sir Onorab ki nou ava pran kontak ek tou farmasi prive, pour nou dir zot egzaktman ki sa ki nou bezwen, koumsa zot a pran anmas zis lenformasyon ki nou bezwen. Mersi.

MR SPEAKER

Nou a pas lo kestyon swivan, Onorab John Hoareau.

HON JOHN HOAREAU

Mersi Mr Speaker. Bonzour tou dimoun a lekout. Mr Speaker mon kestyon i lir koumsa: -

Eski Minis i kapab dir Lasanble ki *fitir (NAC)* oubyen *National Aids Council*, e si son Minister pe mazin revwar son Polisi lo desantralizasyon bann servis, ki annan pou fer avek tretman e swivi pou bann pasyan *HIV positive*? Mersi.

MR SPEAKER

Mersi Onorab. Minis.

MINISTER PEGGY VIDOT

Mersi Mr Speaker. Mersi Onorab pour en kestyon. Avan mon reponn sa kestyon direktman, permet mwan fer enn pti *etat de lieux*. *VIH* ek SIDA zot ankor reste en defi lasante piblik, enportan dan nou pei. Dapre bann dernyen resers ki'n fer preski 5an pase, prevwayans ti a pepre 1poursan, popilasyon zeneral.

Nou'n planifye pour nou fer en nouvo resers dan lannen ki pe vini, akoz nou bezwen anmas lenformasyon pour nou konnen si sa sif i ankor koumsa, si in sanze. E ki sityasyon dan bann diferan group popilasyon.

Lakantite lanmor avek *SIDA* par lannen, in varye ant 10 e a 29 dan sa dernyen 5an. Avek pli o kantite parey mon'n dir lannen pase. Lakantite nouvo lenfeksyon e *VIH* i varye ant 59-20 nouvo ka par an dan sa dernyen 5an. Avek pli o nouvo ka lenfeksyon, pandan lannen 2018 avek 120 nouvo ka.

Nou pa ankor zwenn tou target *VIH* SIDA ki lemonn in mete. Nou ankor pe fer travay lo target 85-95-95-95 ki demande ki par lannen 2030, 95 dimoun ki annan lenfeksyon *VIH* i konn zot leta. Ki 95 bann ki konn zot stati *VIH* i ganny tretman apropiye. E ki 95poursan bann ki ganny tretman apropiye, zot ariv lo en nivo kot zot lasarz viral i ase ba pour anpes transmisyon.

Nou'n fer bokou sikse lo size prevansyon, avek kontribisyon bokou akter dan lasosyete. Nou bann program re-edikasyon risk pe ase byen marse. Nou'n fer progre enorm lo size tretman, bann ki pozitiv pour *VIH*. Me nou ankor pe travay for pour elimin totalman transmisyon *VIH* sorti kot manman, pou al kot pti baba. Sa ti enn pti *etat de lieux*.

Polisi zeneral Gouvernman, se pour redwir, lakantite antite demi otononm ki egziste anba bann Minister. Sirtou ler sa fonksyon i kapab ganny akonplir par sa Minister, san bezwen absoliman en antite ki demi otononm.

Dan sa konteks, Gouvernman in fer reorganizasyon bokou Minister ek antite ki tonm anba zot, enkli sa bann antite swivan tel ki *NISTY*, *STB*, *APDAR* kot menm kot lasante pour nonm zis detrw.

National Aids Council ti kree boner pandan lepidemi *VIH/SIDA*, pa pou donn okenn servis lo sa domenn, me pou fer travay kordinasyon dan lalit kont *VIH* avek *SIDA*, pour mobiliz bann resours, e pou fer bann kontrandi avek Gouvernman, e avek bann diferan lorganizasyon mondyal.

I ti kree en moman kot *VIH* ek *SIDA* ti en bokou pli gran defi pour lemonn an antye, ki ete ozordi. I ti kree isi Sesel, akoz nou pour diferan keksoz nou ti bezwen annan en *National Aids Council*. E 2013 par en Lalwa, *National Aids Council* ti vin en antite demi otononm.

Sityasyon aktyel *National Aids Council*, i koumsa:-

National Aids Council i ganny en Bidze apepre R3milyon par an. Sa sonm i en sonm enn pti pousantaz Bidze ki Minister Lasante i gannyen. *National Aids Council* i annan li 5 travayer. Me i annan en *Board* ki aprosan 15 dimoun. Plizyer sa bann manm *Boards*, se bann Zofisye Minister Lasante.

Si nou pran lezot problemm lasante, mazer ki Minister Lasante pe fer fas avek, nou vwar ki napa en antite demi otononm parey *NAC* pou adres lezot. Dyabet par egzanp, i annan en to 11 pousan nou popilasyon ki ganny afekte par dyabet. Me i napa sa entel antite pour gid li. Lasante mantal i en defi mazer, e napa ankor sa kalite demi otononm antite pour adres bann problemm.

Kanser i osi en problemm ki konsern nou bokou e ki ankor i pa pe ganny zere dan sa tel fason. Sa antite demi otononm ki ti adres size labi sibstans parey *APDAR*, in prezan fini entegre dan Minister Lasante. Alor nou pa pou panse poudir malgre ek tou sa ki nou annan, nou pe kapab adres bann fonksyon ki *NAC* ti fer, swa dan bann antite ki nou annan dan Minister Lasante, tel ki Minister li menm, Lotorite Lasante Piblik, Lazans Swen Lasante. E osi par serten lorganizasyon non-gouvernmantal.

Koman en Minister nou santi, nou bezwen fer prev konsistans dan la fason ki nou organiz zesyon, bann diferan defi Lasante. Alor nou krwar kot nou'n arive la, *NAC* i kapab ganny entegre dan enn sa bann lezot antite lasante, san diminyen lenportans sa travay enportan ki konsern kordinasyon, mobilizasyon resours e rann kont ki *National Aids Council* pe fer.

Alor koman Minister Lasante, byento pou anmenn en Papye kot *Cabinet*, pour demande ki nou entegre tou fonksyon *NAC*, dan bann antite ki nou annan dan bann Minister. E lasante ki, nou pou anmenn en demann *Cabinet* pour anmenn Papye ki ava adres Lalwa, ki egziste komela pour kreasyon *NAC*, pou nou demann son aprouvasyon. Sa i adres sa premye bout kestyon.

An sa ki konsern desantralizasyon bann servis. Mr Speaker, Minister Lasante i rekonnet ki sityasyon lenfeksyon avek *VIH*, in sanze dan nou pei e lo nivo mondyal an antye, lenfeksyon avek *VIH* in vin en maladi kronik, ki menm si pa ankor annan en gerizon, avek tretman ki egziste e ki pe kontinyen evolue, en endividi i kapab viv en lavi prodiktiv.

Pasyan ki pe viv avek *VIH*, i ki pe akse servis Minister Lasante, i ganny swiv dan *CDCU* ou si non klinik ki kontrol bann maladi kontazyez. Sa younit, i ekipe avek bann Ners ek bann Dokter, ki'n ganny bokou formasyon dan prevansyon, dan tretman, dan swen sipor pour ofer servis de kalite pour dimoun ki pe viv avek lenfeksyon *VIH* e osi bann lezot maladi e lenfeksyon ki relye avek *VIH* ek *SIDA*, tel ki Epatit, Tiberkiloz ek lezot.

Baze lo bann lentervansyon ki'n met dan *package* pour nou *primary health care*, i enportan, pou nou note ki laplipar servis lasante relye avek *VIH*, ek *SIDA* in ganny desantralize. Serten lo en lanpler pli gran e lezot i lo en lanpler en pe pli pti. Par egzanp tel se Konsey pour *VIH*, i aksesib a nenport ki sant lasante piblik, e osi serten klinik prive.

Minister Lasante, atraver son program pour kontrol pour *SIDA*, i osi anmenn sa servis pli pros avek lakominote. Tes ou konsey lakonpannyman psikolojik, i osi aksesib dan bann aktivite parey *Outreach*, dan lakour dan landrwa e menm dan serten lenstitisyon edikasyonnel. Sa zefor i siporte, oubyen ganny konplimante par bann Lorganizasyon Sosyete Sivil.

Klinik kot prizon i osi ede avek tes e konsey. Minister Lasante pe ofer program, lesanz sereng e program *methadone* dan kominote, i ankor siporte par serten lorganizasyon sivil.

Program tretman ek swen, i deza komans desantralize. E pour lemoman sa Dokter ki travay *CDCU* i al Praslin, La Digue enn fwa par mwan, pou vwar bann pasyan e nou annan pwen

fokal dan sa bann landrwa kot i kapab kontinyen tretman sa bann dimoun.

Si i annan pasyan ki dezire pran zot tretman dan en avek serten Dokter dan en lot klinik, sa osi i ganny aranze. Piblik i kapab akse kapot dan nenport ki fasilite, pa zis fasilite klinik piblik, me osi dan lezot landrwa Minister Lasante i met sa a zot dispozisyon.

Ledikasyon lo prevansyon *VIH*, e bann lezot maladi ki relye avek *VIH* i osi ganny ofer dan kominote, dan landrwa travay dan lekol partou. I enportan pour note ki pou desantraliz sa servis konpletman, i annan bokou travay pour fer pour akonplir, pour akonplir sa dan en fason ki pa pou afekte vilnerabilite dimoun ki ganny enfekte ou si non ganny afekte.

Nou bezwen met en striktir an plas, pou fer sir ki tou i annan resours ki zot bezwen, ki resours finansyer ou si non, teknik, ouswa imen, pour zot kapab soutenir sa desantralizasyon. Nou bezwen form bann profesyonnel, dan sa bann sant lasante ki pou resevwar pasyan. Nou bezwen annan en diskisyon avek pasyan pou vwar si zot swe.

E osi in, en diskisyon avek bann lezot lorganizasyon, ki kontribye pour zot vwar ki kalite sipor zot kapab anmennen. Avek dan devlopman dan swen pour lenfeksyon *VIH*, nou ekspekte ki desantralizasyon konplet, pour evantyelman arive.

Me an prenon kont bann pwen ki mon prezante pli boner, e lezot diskisyon ki nou bezwen ganny arive. Pour sikse sa lenplimantasyon, program *VIH* i enportan pour nou rekonnèt ki *VIH* i ankor en konsern nasyonal. Mersi Mr Speaker.

MR SPEAKER

Mersi Minis ou siplemanter Onorab Hoareau.

HON JOHN HOAREAU

Mersi Minis avek en larepons tre elabore. Me selman Minis mon ti a kontan demann ou, si *NAC* in prodwir en *mid-term review*, lo *strategic plan* pour 2019-2023?

Dezyenmman, parey ou'n fer resorti, mon apresye sa *thinking* ki pou anmenn plis *efficiency* - ou pe byen entegre sa bann tou sa bann louvraz dan sa Minister Lasante. Akoz par rapor statistik i montre osi, poudir bokou zot bann travay, i lye tre etrwatman avek keksoz, ki pe ganny pase anba program kordinasyon dan Lasante.

Minis mon ti a kontan osi, ou ti nou, ou dir nou ou pwenni lo si ou krwar prezan ki ler ki- Akoz bokou bann *donors*, bann *funding* aletranze, i prefere *deal* avek en *Lazans* otononm ki avek Gouvernman. Zot pa tro, tro kontan *fund* Gouvernman.

Si par lefe ki *National Aids Council* pour *join* avek - *sort of* - *amalgamate* dan Minister, si

sa pa pou afekte enn pti pe, resours ki nou gannyen aletranze? Mersi.

MR SPEAKER

Mersi Onorab Minis ou repons.

MINISTER PEGGY VIDOT

Mersi Onorab pour ou kestyon. Si nou'n fer en *mid-term review*, pandan lo sa stratezik *plan* pandan kouraman an viger. Non nou napa en *mid-year review*. Me nou annan tou-le-z-an en *annual report* ki ganny vwar e ki donn nou, egzaktman kote nou ete lo diferan lobzektif dan sa *strategic plan*.

Eski nou pour annan sa risk ki bann *donors* pa pou donn resours, sirtou resours finansyer si *NAC* pa egziste. *NAC* in an egzistans depi 2013 e ti nou panse, ti panse sa letan ki parey egzanp koman en pei, akoz nou ti annan en *National Aids Council*, nou ti pou kapab ganny akse, avek serten fon, par egzanp fon ki diferan lorganizasyon ti donnen.

Me nou'n vwar poudir sa i pa'n touzour leka e ki vremen *NAC* pa'n kapab mobiliz sa bann gran kantite fon. Se pa akoz zot ti *NAC*. Me selman akoz nou ti stati kote nou ete, ekonomikman ki bann donnen pa ti swa vwar poudir nou ti kapab benefisyé avek sa bann resours.

E sirtou letan ti regard nou *prevalance HIV* dan pei. Me solman nou annan detrwa *civil society* ki travay, dan *HIV and AIDS*, e zot, zot in kapab. E ler zot fer serten travay, zot travay ansanm avek program lasante ki *HIV/AIDS*.

Mon santi poudir i pa pou neserman tir resours ki nou pa'n gannyen ziska prezan.

MR SPEAKER

Mersi Minis. Mon a pran en kestyon. Onorab Pillay.

HON SEBASTIEN PILLAY

Mersi Mr Speaker. Mersi Minis pour ou bann larepons. Minis, mon kestyon en konponan ki ou'n mansyonnen *within* sa, sa travay ki'n ganny fer lo an relasyon avek *HIV*. E sa konponan i konsern bann *methadone users and needles exchange programme*.

So eski ou kapab dir nou, si i annan *Needles Exchange Programme* i ankor pe marse. Oubyen si mon'n ganny serten lenformasyon ki annan en mankman sereng, an relasyon avek sa program, si sa si en keksoz ki Minister pe eksperyanse, ki zot pe fer pou adres sa?

E dezyenmman, an sa ki konsern reentegrasyon *APDAR within* Minister Lasante, eski Minis ou'n zwenn avek bann dimoun ki pe *run* sa program, pou *former APDAR*, ki dan Minister Lasante, pou fer en *stock take* lo ki zistans sa program in arive?

Akoz Mr Speaker an 2015, enn bann stratezi ki ti ganny pran akoz sa servi sereng, *it was one of the causes pou spread not only HIV but pou bann lezot communicable diseases*. I enportan pour nou konnen si en *stock take* pe ganny fer pou vwar, ki lenpak sa pe annan ozordi, avek nou bann dimoun ki pe servi sa sibstans. Mersi Mr Speaker.

MR SPEAKER

Mersi. Minis?

MINISTER PEGGY VIDOT

Mersi Onorab pour ou kestyon. Mr Speaker si ou permet mwan, mon pou demann Dokter Valentin ki responsab pour sa divizyon, i ava donn nou en kontrandi parey ou'n dir, Onorab, si nou *Needle Exchange Programme* pe marse. E si nou annan problemn avek, sereng ki an *short supply*.

E osi si Dokter Gedeon ki ansarz Programn, CDCU, kot osi i annan *exchange* i ava donn ou son pwennvi. Mersi.

MR SPEAKER

Mersi wi *panel*, annou prosede avek sa bann kestyon.

PS DR BERNARD VALENTIN

Mersi Mr Speaker. Mersi Minis. *Well* i vre ki, Programn Lesanz Sereng, i ganny fer par sa ki ozordi nou apel Divizyon ki responsab pour Labi Sibstans, Tretman ek Reabilitasyon. I osi ganny fer par CDCU e i osi ganny fer par serten NGOs ki travay etrwatman avek Minister Lasante parey HASO.

O tan ki nou, nou konnen programn lesanz sereng pe marse. Nou annan bann tim - diferan tim ki al ver bann dimoun, ki bezwen sa servis lesanz sereng. E osi i annan dimoun ki vin ver nou, pour ganny sereng pour zot itilize.

Mon napa lenformasyon. Akoz nou tou nou bann sereng ki nou servi nou ganny li *from the Health Care Agency*. Mon napa lenformasyon *Health Care Agency* pa pe *provide* sereng pour sa programn lesanz sereng. Petet Dokter Louange, i kapab eklersi nou lo la.

MR SPEAKER

Mersi. Dokter Louange.

CEO HEALTH CARE AGENCY DR DANNY LOUANGE

Mersi Mr Speaker. Mersi Onorab pou ou kestyon, mon pa okouran si napa, si *stock* sereng pour sa *needle exchange programme* i *low*. Mon napa sa lenformasyon la, me mon napa en rapor ki nou *out of stock*. Mersi Mr Speaker.

MR SPEAKER

Mersi *Doctor* Gedeon.

PUBLIC HEALTH COMMISSIONER DR JUDE GEDEON

Mersi *Minister*. Mersi Mr Speaker, mersi Onorab Pillay. Pour CDCU nou programn lesanz sereng i plito avek bann dimoun ki servi sa servis CDCU. Sirtou bann pasyan HIV. Pour 2020 par egzanp nou ti, ti annan 1688 diferan konsiltasyon kot sa lesanz sereng in arive. E 2020 ti annan 1472. Me nou annan pou bann lannen presedan avan mon'n napa avek mwan la. Me selman i en programn ki pe marse. CDCU osi tou. Mersi.

MR SPEAKER

Thank you. Bon avek sa, *panel* ti'n fini? Wi Dokter valentin ou annan ankor keksoz pou azoute.

PS DR BERNARD VALENTIN

Mon krwar kestyon Onorab in osi adres sa size, rezilta ki nou gannnen atraver programn lesanz sereng. Ki mannyer nou mezir sa rezilta. Nou mezir sa rezilta par lakantite ka HIV, Hepatitis ki nou vwar dan bann dimoun, ki pe itiliz bann sibstans atraver lavenn.

E statistik ki nou annan, se ki kantite ka, HIV ek Hepatitis C ki bann dimoun ki itiliz sibstans atraver lavenn in gannnen bann nouvo ka, in diminyen depi ler, nou'n adopte lesanz sereng.

MR SPEAKER

Mersi. Bon nou a bezwen prosede avek lot kestyon. E mon'n remarke ki kestyon 171 *in fact* Onorab Aglae in fer mon remarke, kestyon 171 ek 173 i lo menm size. Alor nou a pran lede kestyon ansanm. Onorab Labonte a poz son kestyon an premye.

HON ANDY LABONTE

Mersi Mr Speaker. Bonzour Minis ek ou *panel*. Minis kestyon i lir koumsa :-

Eski Minis i kapab dir Lasanble ki plan, stratezi e vizyon Minister Lasante pou met an plas en Polisi e en programn ki kapab anmenn en rediksyon dan lansentman anba laz? mersi.

MR SPEAKER

Mersi Onorab Aglae. Mon envit ou poz ou kestyon.

HON EGBERT AGLAE

Mersi Mr Speaker. Mersi bonzour Minis ek *panel*. Kestyon i comme swivan:-

An vi bann statistik resan i montre ki plis zenn pe angaz dan relasyon seksyel a en tre zenn az, eski Minis i kapab dir ek sa Lasanble, ki plan son Minister anver revizyon son Polisi akse avek lasante reprodiktiv pou tou bann zenn ki tonm dan sa kategori avek bi redwir lansentman anba laz e osi bann maladi lasante reprodiktiv? Mersi.

MR SPEAKER

Mersi Minis mon pa konnen ki mannyer ou ti'n prepar ou repons ou kapab prosede mannyer ou le. Mon zis espere ki kekfwa nou kapab evit ou en pe repetisyon. *Minis go ahead.*

MINISTER PEGGY VIDOT

Mersi Mr Speaker. Mersi Onorab pour sa de kestyon. Bon i mon pa pou repet serten lenformasyon. Me nou konnen ki i apresye ki en paran i met o monn en zanfan, selman ler i pare fizikman, sosyalman e ekonomikman.

Ki laz en dimoun i pare? Sa i varye dapre dimoun. Me sertenman kekfwa en keksoz, ki nou tou nou dakor, se ki en zanfan i pa pare pour li pran sa responsabilite pour vin en paran. Statistik lansentman anba laz i konsern Minister Lasante bokou, e mon konnen i konsern lasosyete an antye. Akoz i pa zis en problem lasante. Me i osi en problem dedikasyon, i en problem lafanmir, i en problem Zafer Departman Sosyal. I en problem kriminalite, en problem sosyete.

Depi 2014 ziska ozordi lansentman ant zanfan 10an-14an, in varye ant 10 a 6 paran. Lamazorite i demande e i ganny en avortman terapeetik, dapre Lalwa enteripsyon groses. Nou annan diferan statistik pour sa ki nou kapab donnen. Me nou pe vwar poudir, dan bann dernyen lannen kantite par egzanp dan sa *age group* 10-14an in diminyen.

Dernyen lannen 2021 nou ti annan 10, ki zanfan sa laz ki ti tonm ansent e ti annan 5 ki ti donn nesans. E 5 ki ti demann en avortman ki ti gannyen.

Pour laz 15-19an statistik osi i montre nou poudir i annan pa mal. E nou'n annan an total, en group dan sa dernyen 5an, 250-292 ka lansentman dan sa *age group*, pour sa dernyen lannen. Sa bann 5 lannen.

E an 2021 ti annan 269 lansentman, ti annan 220 ki ti donn nesans e ti annan 49 ki ti demann en avortman terapeetik ki ti pe gannyen. Pour lemoman nou napa en dokiman spesifik, lo sa size re-edikasyon lansentman anba laz. I pa lo plan, aktyel Minister Lasante pou fer en travay lo en Polisi spesifik lo sa size.

Sa se akoz nou pe travay lo sa size dan en fason transversal, atraver lezot Polisi, lezot stratezi, lezot plan ek program ki nou annan. Sirtou dan nou nouvo *Primary Health Care Package* ki Gouvernman in aprouve sa lannen; program lasante lekol, program lasante adolesan, program lasante seksyel ek reproduktiv, e program ki nou ofer dan nou *Youth Health Center*. Tousala zot adres sa size lansentman anba laz.

I kler ki nou travay lo sa size, i bezwen kontinyen, ranforse. Akoz toultan ki annan en zanfan anba laz ki ganny en zanfan, ki i pa'n swete, sa i en problem mazer pour nou sosyete.

Alor nou pare pour nou travay, avek tou dimoun ek tou lorganizasyon ki annan lenter

pou vwar sa to lansentman desann dan nou sosyete. Mon ti a kontan pou envit Komite Lasanble ki annan zot manda pou vwar lasante seksyel ek produktiv, pour travay ansanm avek nou pou vwar ki mannyer nou kapab fer sa arive.

E an menm tan pour sa bann zanfan kapab, nou konnen poudir sa bann zanfan i pe antre dan relasyon seksyel ase boner. E dan en zenn laz, e sirtou dan laz kot i ankor en lofans pour zot pour bann dimoun ki abiz sa bann zanfan dan sa diferan fason.

Nou toultan dir poudir relasyon seksyel anba laz 16an i totalman ilegal e i konstitye labi en zanfan serye. E napa okenn revizyon Polisi lo kontraseptiv ki pour adres sa. Minister Lasante i krwar ki bann lotorite lord ek Lalwa i bezwen fer ferm lo sa size. E fer sa ki nesese pour adres problem labi zanfan.

Nou santi poudir sa i bezwen en travay ki ganny fer par tou diferan group dan sosyete, par bann paran ki annan en rol kle pour protez bann zanfan, pou anpes zot ganny tonm dan pyez bann abizer.

Lo size nou bezwen sertenman travay nou tou ansanm, pou kontinyen protez nou bann zanfan. An partikilye nou bann zenn fiy. Laz 16-18an ki reste en peryod kontroversyel akoz dan sa laz, seksyalite zanfan i tolere anba Lalwa. Me kontraseptiv i ankor nesese konsantman paran. Kot napa konsantman paran, en zofisye medikal i kapab servi son zizman, anliny avek meyer lenter sa zanfan. E i osi kapab met en ka spesifik devan Tribinal, si i krwar i nesese pou li ganny en desizyon.

Pozisyon Minister Lasante ziska prezan se lordonnans pour en kontraseptiv, i en prosedir medikal. E Minister Lasante lo li menm pa kapab - sof dan bann ka ki mon'n fek site - fer en zanfan ki napa sa pouvwar legal, pou decide pour li menm pas atraver prosedir ki kapab annan en konsekans divers. Sa sityasyon i kapab sanze. Me si i pou sanze oubyen non, i pa en desizyon zis Minister Lasante. I bezwen en desizyon ki sosyete an antye i asize e i analiz son konsekans, e sirtou son benefis, fas a ditor ki i pe kapab poze.

Dan Minister Lasante parey dan lasosyete an antye i annan diferan, pwennvi lo sa size. Napa en pozisyon inik. Nou pa ankor pran okenn pozisyon final lo sa size a ler aktyel.

Fodre dir osi Mr Speaker, ki et kontraseptiv a lavolonte e a dispozisyon bann zenn fiy ant 16an-18an pa pour nesese man redwir to lansentman anba laz. Akoz statistik i montre i bokou madanm matir ki annan kontraseptiv klerman, a zot dispozisyon.

Pa toultan vin rode malgre, ki zot annan akse avek sa servis. Zot osi, zot tonm ansent e a moman ki zot pa swete. I annan en gran nonm lansentman ki pa planifye, e ki pa dezire parmi bann madanm, matir ki annan tou akse avek kontraseptiv.

Pozisyon Minister Lasante Mr Speaker, se ki wi nou bezwen diskite lo sa size a fon e onnetman koman en sosyete. Me desizyon lo ki nou pou fer, apre sa desizyon, i pou reste en desizyon partaze ki Minister Lasante pa pou kapab pran li tousel ozordi.

Mon vwar ki sa size pe ganny diskite, ankor dan en Mosyon pli tar. Alor i annan en deba ki pou ede, pour kapab ed nou adopte en pli bon stratezi, pou adres sa problemn.

Dan bann repons presedan Mr Speaker mon ti'n donn serten detay lo statistik, e alor mon pa pou repet sa. E mersi bokou pour sa de kestyon.

MR SPEAKER

Mersi wi Onorab Labonte ou annan siplemanter.

HON ANDY LABONTE

Wi Mr Speaker, nou annan de pti klarifikasyon. Minis mon anv'i dir ou mersi pour ou larepons ki ou'n donn. Me selman mon annan de pti klarifikasyon. Premyerman, pou lenformasyon piblik e Lasanble an zeneral, ou'n donn serten statistik lo *in regards to* konbyen, nou bann zenn fiy ant 15-19an ki'n tonm ansent e ki'n donn nesans bann zanfan.

Me eski ou annan statistik, avek depi Zanvye ziskan *right now*, pou 2022, konbyen zenn fiy, ki'n donn nesans zot zanfan? E osi konbyen zenn fiy ki'n donn nesans zot dezyenm zanfan, dan laz spesifik ki nou pe koz lo la?

Apre mon dezyenm kestyon vi ki nou konnen, DSAPTR prezan i vin en divizyon anba Minister Lasante e ki i vedir kot *Youth Health Center* i ete i tonm osi anba Minister Lasante. Ki zot stratezi, oubyen zot program ki zot vizyon pour sa sant lazenes? Akoz mon konnen poudir sant lazenes ti ganny inisyavek en bi kot zenn ti kapab vini *and so on*.

Nou konnen poudir i annan en bon pe zenn ki osi dan sibstans. Be eski zot pe mazin annan en landrwa apropiye kot zenn ler i vini, i pa santi zot, zot pe *involve or* ganny stigmatize koman en kliyan, ki pe pran servis DSAPTR? Mersi *Minister*.

MR SPEAKER

Mersi Onorab. Minis.

MINISTER PEGGY VIDOT

Mersi Onorab pour ou kestyon. Onorab malerezman, mon pe regard mon tim, nou napa statistik pour sa lannen. Nou tant pou nou anmas tou statistik ki pou nou detaye pour par lannen.

So sa bann statistik, letan nou pou ganny li nou pou regarde pour anmas pour lannen, pour nou fer nou rapor anyel. Me selman si ou pou bezwen sa statistik, nou pou kapab al rode, e Mr Speaker nou kapab fer zot gannyen. Mersi.

An sa ki konsern kot sant *Youth Health Center* i ete ki kekfwa i pa dezirab, akoz i ansanm avek landrwa kot nou pe donn - nou annan sa ki nou apel MAT klinik pour DSAPTR.

Wi Minister in annan en plan ki nou pe retir sa DSAPTR, *once* ki nou ganny en lot landrwa kot nou pou kapab bouze. E sa i dan plan, nou pe diskite plan e nou pou vwar ki konstrikasyon sa sant pour komanse lannen prosenn. E alor i ava annan sa separasyon. Mersi Mr Speaker.

HON ANDY LABONTE

Pti klarifikasyon Mr Speaker.

MR SPEAKER

Wi, wi ale vitman.

HON ANDY LABONTE

Wi Minister pour 2021, eski ou annan statistik konbyen bann zenn fiy dan sa laz ki'n donn nesans zot dezyenm zanfan? Mersi.

MR SPEAKER

Wi ale Minis.

MINISTER PEGGY VIDOT

Onorab mon pou napa sa statistik avek mwan la, me solman mon kapab fer ou gannyen. Nou annan konbyen ki'n donn an zeneral. Konbyen zanfan, dimoun sa laz ki'n ganny ki'n donn nesans parey mon'n dir.

Ti annan 220, me eski i annan ladan ki dezyenm baba, sa mon pa pe kapab dir ou *right away*. Me nou kapab fer ou ganny sa statistik. Mersi.

MR SPEAKER

Mersi Minis. Onorab Aglae ou siplemanter.

HON EGBERT AGLAE

Mersi Minis. Minis mersi pour ou larepons detaye. Minis premyerman, ou'n sitye poudir Minister pa pe vwar li, pour lemoman koman en priyorite pour vin avek en nouvo Polisi, kot i konsern lansentman anba laz.

Minis zis parey ou'n fer sorti lapros i bezwen miltisektoryal. E bomaten Minis Ledikasyon in dan Lasanble la, ki nou'n koz lo *PSE education*. E dan sa laliny mwan mon konpran poudir Minister Lasante pa kapab travay an izolasyon li tousel, kot i konsern lansentman anba laz.

So Minis baze lo sa, parey serten pei pe pran, Sidafrik in vin avek en Polisi la an Mars 2022 kot i konsern lansentman anba laz dan zot sistenm skoler. Eski zot pare pou fer sa travay, sirtou avek Minister Ledikasyon sirtou pour kapab annan detekasyon, premyerman, *raise the awareness*, dezyenmman e lanpesman osi.

Pour sa kapab arive, eski zot pe pare pou travay ansanm pour zot kapab met sa bann defi ki zot pe rankontre?

E dezyenmman, Minis ou'n mansyonn sa bann lansentman ki'n ganny raporte, atraver Minister Lasante. E osi nou konnen poudir i kapab annan bann lansentman ki bann *non-reported* ki *go backstreet* mon kapab dir, parey nou dir.

Eski zot, zot in rankontre bann evantyalite kot serten sa bann lansentman anba laz ki'n bezwen *end-up* apre ki i annan serten *attempt, for* pour aborsyon ki'n arive. Eski sa i bann ka ki zot pe rankontre, ki'n gannnen, ki enn pti pe ou kapab dir en pe alarman. Mersi.

MR SPEAKER

Mersi Onorab. Minis?

MINISTER PEGGY VIDOT

Mersi Onorab. Onorab mon pa'n dir, poudir i pa en priyorite pour nou. Me sa ki mon'n dir nou napa en Polisi ki spesifikman adres sa. Akoz nou pe adres li dan diferan lezot Polisi, dan diferan lezot stratezi, e dan diferan lezot plan.

Wi nou pare pour nou travay avek tou lorganizasyon konsernen parey Minister Ledikasyon dan nou program, par egzanp pour lasante dan lekol. Akoz nou krwar poudir sa travay i pa en travay ki i konsern zis Minister Lasante, i konsern tou sosyete. Tou sosyete an antye e alor tou dimoun i bezwen pe fer serten keksoz pou ede pou nou adres sa problem ki nou pe fer fas avek.

So pour mwan sa i lafason ki nou pe adres li. Wi mon konnen i annan serten pei ki fer en Polisi zis egzaktman pour redwir to sa bann si oule, lansentman anba laz. Me pour nou letan nou pe regarde an se moman, se ki i annan telman lezot Polisi ki pe lezot stratezi ki an plas, e tousala pe adres en pe sa, nou pa'n panse poudir, imedyatman sa i pe ganny fer.

Me nou pe toultan revwar nou bann program;- toultan nou pe revwar nou bann stratezi. E parey mon'n dir la ki zot osi zot pe fer serten diskisyon, nou pare pour travay avek tou dimoun pour nou kapab amelyor sityasyon.

Eski nou annan zanfann anba laz ki kekfwa vin kot nou, avek en avortman ki ou santi poudir in ganny provoke? Mon napa sa statistik avek nou. E souvandfwa ler en dimoun i vini, avek avortman ki nou dir sa pa konplet - i pa neserman ki zot, nou kapab prouve, poudir sa ti en keksoz ki'n ganny provoke.

Akoz nou konnen poudir aprosan 10poursan tou lansentman i kapab arive dan en fason ki nou dir, en avortman spontane. E ki pa'n ganny provoke. E alor, i pa fasil *unless* i annan levidans spesifik. Ou si non sa dimoun, i ouvertman dir ou, nou pa pe kapab klasifye sa bann avortman koman avortman provoke. Mersi.

MR SPEAKER

Mersi Minis. Bon mon pou avans lo prosen kestyon Onorab Rosie Bistoquet.

HON ROSIE BISTOQUET

Mersi Mr Speaker. Bonzour Minis avek ou delegasyon, bonzour tou Onorab. Mr Speaker atraver ou mon ti a kontan pas enn pti mesaz avek en *constituent* Pointe La Rue. Silvouple. Sa i en veteran, en *retired teacher*, Mrs Madeleine Hoareau ki ti kit nou semenn pase.

Mon senser kondoleans pour lafanmir Hoareau sirtou pour son bann zanfann. Minis mon kestyon i lir koumsa:-

Eski Minis i kapab dir Lasanble ki pozisyon son Minister, pou reviz sa Regilasyon *Termination of Pregnancy Regulations* 1996, vi ki statistik Nasyonal pou lavortman in mont konsiderableman?

MR SPEAKER

Mersi Onorab. Minis repons?

MINISTER PEGGY VIDOT

Mersi Mr Speaker. Mersi Onorab pour ou kestyon. Parey ou'n dir wi Onorab sa Lalwa in an plas pandan plis ki en ventyenm lannen. Parey zot konnen i ti en size ki ti anmenn bokou deba dan Komisyon Konstitisyonnell dan 1992. E an konsekans sa bann diskisyon lo Konstitisyon ti fer en provizyon pou en nouvo Lalwa lo *Termination of Pregnancy* ganny met an plas. Sa Lalwa in vin an fors depi an 1994.

Letan nou pe regarde Onorab, sanz Lalwa *Termination of Pregnancy*, oubyen Lalwa Enteripsyon Lansentman koman en stratezi pour redwir statistik avortman, i pa neser enn bann stratezi ki nou pe mazin. Sirtou si sanzman pou fer, enteripsyon lansentman vin pli fasil e ou si non a la demann.

Pour lemoman sa ki nou pe panse, fer e sa ki nou pe fer, se pli byen konpran bann rezon ki bann madanm zot fer en avortman ki pa vwar koman legal. E adres sa bann rezon.

Dan bann statistik ki nou donnen pour avortman, i annan diferan kalite avortman. Boner sa kestyon ti pe ganny demann mwan si nou vwar, en avortman ki vini ki nou kapab dir i ilegal. Mon ti dir i pa tro fasil, pour diferan rezon.

E la sa bann rezon se ler nou vwar en avortman, sa bann avortman dan term medikal i ganny klasifye koumsa;- Avortman spontane, ou si non en *fausse couche*, oubyen en *perte* parey nou dir, ki en levennman natirel. E ki Lalwa enteripsyon grosses pa pou zwe okenn rol ladan pou fer sa desann.

En avortman rate, ou si non manke kot en fetis i mor dan vant son manman. Me i ganny esklize ziska en zour, ziska son manman oubyen

en profesyonnèl lasante i remake i nepli vivan. Ankor sanzman Lalwa pa pou ede lo la.

Menas avortman kot en madanm ansent i komans sennyen pandan son lansentman, i pa ankor perdi son baba. Sa osi i ganny klasifye koman avortman dan term medikal, sa pa pou ede.

Nou annan avortman terapetik, sa savedir enteripsyon en lansentman kot lavi baba oubyen manman i an danze, swa fizikman swa moralman, swa (sorry) fizikman ou swa mantalman. E sa i ganny fer dan kad legal. Enteripsyon dapre Lalwa ki egziste konmela.

Tou sa bann diferan kalite kondisyon, ki dan langaz medikal i renonmen koman avortman, i enkli dan sa bann statistik. Ki nou annan lo avortman. Sa ki devret pli konsern nou, dan sa bann diferan avortman se bann avortman ki pa ganny fer dan sa kad legal. Ki souvan i vin septik e ki souvan zot ganny provoke, par sa dimoun li menm, ou si non sa dimoun ki ede pour fer sa.

Eski nou adres tou sa bann kalite avortman ki mon'n nonmen, an sanzan Lalwa pou legaliz avortman, oubyen eski nou ranforsi nou servis lasante seksyel ek reproduktiv pour tou dimoun? Sakenn pou annan en pwennvi lo sa size. E petet tou pwennvi i valab.

Pour lemoman Minister Lasante i prefer opsyon amelyor bann servis lasante reproduktiv, sirtou planifikasyon famiyal. Akoz avortman i reste en proses medikal ki annan risk e konsekans fizik, sosyal, emosyonnel grav pour bann madanm ki bezwen sibir sa prosedir.

E de plis, napa okenn prosedir medikal ki san risk. Pour sa rezon, sa size i annan en dimansyon osi larz ki si nou sanz Lalwa pou fer avortman vin pli liberal. I en keksoz ki demann bokou diskisyon, e parey souvan Mr Prezidan i dir i bezwen annan en gran konsiltasyon avek tou sosyete. Alor mersi Mr Speaker.

MR SPEAKER

Mersi. Minis siplemanter Onorab Bistoquet.

HON ROSIE BISTOQUET

Mersi Mr Speaker. Minis mon lot kestyon siplemanter, i en pe senp nou konnen poudir konmela, i annan sa kalite prosedir pour annan zis en prosedir pour anba *TOP*, pou fer *TOP* i pa enkli dan sa solman - ki i *surgical intervention*.

Petet eski ou Minister i mazine petet pour enkli lezot prosedir, ki egziste partou en pe partou dan lemonn, kot petet i a kapab an menm tan ed sa pei, ed Gouvernman pou redwir kou, sirtou kou ki reste lopital tou ek tou bann lezot resours ki vin avek.

Apre an plis ki sa Minis, mon'n byen kontan ou'n lans sa lapel pour demann nou tim *Standing Committee* dan Lasanble *HIV/AIDS* avek Lasante Reproduktiv, pou travay pli pros avek zot ki petet nou osi nou kapab donn en koudmen.

E an plis ki sa Minis mon tre *proud* avek ou tim, ki zot in fer sa gran progre dan lasante;-sirtou dan lasante reproduktiv, akoz mon osi mon ti dan sa tim. E mon santi mon *very proud*. Mersi.

MR SPEAKER

Mersi Onorab. Minis.

MINISTER PEGGY VIDOT

Mersi Mr Speaker. Mersi Onorab pour ou kestyon. Onorab ou demann si Minister Lasante i pe mazine regard, prosedir ki nou servi pour enplimant sa Lalwa *Termination of Pregnancy*, ki en prosedir medikal?

Dan Minister Lasante nou annan bann klinisyen, bann dimoun ki *advice* lo bann diferan prosedir ki kapab ganny servi. E pour lemoman kan mon'n koz avek bann Dokter ki lye avek sa prosedir.

Zot deside poudir diferan prosedir ki zot, ki ganny servi i baze lo bann *good practice*, lo bann *good outcome*, lo bann keksoz ki zot santi par egzanp ki kalite prosedir zot servi, dan ki staz *pregnancy*, avek ki kalite dimoun.

So nou, nou respe desizyon klinisyen, dan sa domenn. E nou toultan kantmenm kontinyen pou amelyor lafason ki nou fer diferan keksoz.

E nou panse kan i ava, ki bann klinisyen i santi poudir i annan en prosedir ki nou bezwen adapte, ki nou bezwen adopte. Akoz i anmenn nou meyer rezilta, nou ava fer li.

Me pour lemoman konsej ki mon'n gannyen avek sa bann klinisyen, se ki metod ki zot pe servi zot krwar i donn zot pli bon rezilta. Mersi.

MR SPEAKER

Mersi. Bon mon a pran kestyon Onorab Pillay.

HON SEBASTIEN PILLAY

Mersi Mr Speaker. Mr Speaker mon'n enn pti pe konfize lo, sa ki pe pase. Me mon a sey fer konpran mon pwen. Ler mon pe regard statistik lo lakantite nesans pour zanfan anba 15an.

An 2020 ti annan 4, an 2021 ti annan 5. E bann zenn aze ant 15-19an ti annan 189 pour 2020, 207 pour 2021.

E sa nou kapab ganny *from National Statistic Bureau*, lo zot *Population and Statistics digest* ki zot pibliye. I sipoze annan pour le 31 out, pa ankor sorti. So pour 2021 nou vwar poudir, 15-19 ki sa *age group* ki ti pe ganny targete pour sa kestyon presedan. 207 ti annan 207 *pregnancies, 207 births - live births*.

Which mean ki i pou annan bokou plis, savedir, si nou swiv largiman ki konsern *TOP*, ki pou annan en group ki tonm dan sa *age group* ki pe al ver *TOP* pou fer en *termination or interruption of pregnancy*.

Mon pa konnen akoz Onorab pa'n demann sa kestyon, me mon kestyon pou Minis, eski zot pe fer fason pour zot kolekte lenformasyon, lo bann *interruptions of pregnancy* ki pe ganny fer an deor, prosedir ki'n ganny etabli, parey *TOP Regulation* ki la 1996 i fer kler.

Eski zot pe etabli serten statistik lo sa bann *interruptions of pregnancies*. E ki zot pe fer, pour asire ki bann sa ki nou apel *backstreet abortions* ki kapab koz problemn.

Eski zot in rankontre, sityasyon zot pe kolekte statistik, bann *end results*, *bann backstreet abortions* ki arive, kot *then* sa dimoun i bezwen raport kot lopital pou ganny serten sipor?

Eski zot pe kolekte sa statistik? E mon dernyen pwen, Mr Speaker, mon konnen oule fini.

MR SPEAKER

Silvouple wi.

HON SEBASTIEN PILLAY

Mon le fini lo la. Mr Speaker mon ti a kontan ki Minis i *provide* Lasanble atraver ou, avek statistik pour 2022, ziska la, Konbyen *pregnancies* ki nou'n rikorde, dan sa *age group under 15*, e dan sa *age group 15-19*, parey ki nou servi sistenm pour baromet zot. Mersi Mr Speaker.

MR SPEAKER

Mersi Onorab. Minis.

MINISTER PEGGY VIDOT

Mersi Mr Speaker. Mersi Onorab. Onorab mon'n fek promet ki nou pou, nou ti napa sa statistik pour 2022, e ler Onorab Labonte in demande, nou'n dir poudir nou ava les Lasanble gannyen.

Eski nou pe kolekte statistik ki ou dir mwan lo *backstreet abortion*, parey nou klasifye sa? Mon krwar mon leksplikasyon boner se, ki nou ekspekte ki en 10poursan lansentman, *according to* statistik, *according to* sa ki ekrir partou dan bann literatir e bann donnen ki nou konnen i egziste.

Nou kapab ekspekte en poursantaz, i dir ou 10-15poursan lansentman ki pa kontinyen, me ki fini koman en avortman. Alor ler en dimoun i vin kot lopital, avek en avortman ki zot bezwen lasistans, akoz zot komans perdi baba. I pa fasil, si zot, zot pa pe donn sa lenformasyon, pou dir poudir sa lavortman in provoke.

I si nou pa pe vwar en keksoz ki pe montre, poudir wi sa avortman i ganny provoke, par en dimoun ki pa'n fer li dan en kad legal. E alor i difisil, pour klasifye, poudir sa tel kantite i en avortman provoke *or* sa tel kantite i avortman spontane ou si nou en *fausse couche*, alor i pa fasil pour nou annan.

Me kan in annan mon konpran dan lepase, ki levidans i kler poudir sa in arive. Wi i annase sa statistik, e si i en keksoz parey i en

keksoz ki pa dan en kad legal. Otomatikman i vin ilegal, e i ganny raporte avek Lotorite konsernen.

E pour sa rezon ki nou pou napa en statistik poudir ou. Ekspekte nou ava annan zis sa ki swa zot in aksepte, swa nou'n vwar levidans poudir sa i en avortman ilegal, ki nou ava kapab donnen.

MR SPEAKER

Mersi. Wi klarifikasyon Onorab.

HON SEBASTIEN PILLAY

Mersi Mr Speaker. Mr Speaker baze lo bann donnen ki zot *provide*, *90percent of pregnancies* i ganny *recorded in births rate*. Akoz ou pe dir mwan *10percent* i kapab, *ganny interrupted right?* So si 90 poursan i reprezant 207 an 2021, i vedir, ki 100poursan i reprezant *around 230*.

Savedir nou annan nou, 27 zanfan - 27 zanfan ki pa'n ne akoz en avortman baze lo statistik nimerikman. Me si ou annan 27 zanfan, e ou konnen poudir lavortman ki'n raporte avek lopital i 10, *then obviously* baze lo statistik ou bezwen *assume* ki 15 ki 17 i an deor. So mon kestyon pour zot, se eski zot pe aktivman travay pour etabli sa bann baz?

Vi ki zot annan sa bann statistik ki kapab servi. E lekel younit dan Minister Lasante ki pe fer sa travay, pour ki si manm piblik oubyen okenn dimoun ki entereze i pare pou vin devan. i kapab vin donn en koudmen.

Mon pwen, Mr Speaker i akoz en aborsyon i *fetal wastage*. E it means ki nou perdi dimoun ki kapab kontribye pour devlopman pei. *That is my point* Mr Speaker.

MR SPEAKER

Mersi. Minis i ava adrese silvouple. Wi Dokter.

PS DR BERNARD VALENTIN

Well kekfw mon a met enn pti pe mon sapo Dokter. E mon sir mon bann koleg pour azoute. Donk en dimoun i ansent, ki rezilta sa lansentman. *Either* en baba i ne vivan, parey nou konnen, ouswa i kapab ariv en avortman. Ouswa nou kapab osi annan en diferan kalite ki nou'n nonmen taler, ouswa nou menm kapab annan en *stillbirth*.

Sa osi i en rezilta en lansentman. Donk mon krwar dan sa bann statistik ki ou'n nonmen, in annan avortman epi in annan *live births*. Me selman sa bout *stillbirths* i manke.

So e sa osi nou bezwen pran an kont, letan nou fer sa totalizasyon. Mon bann koleg i kapab azoute.

MR SPEAKER

Mersi. Mon krwar nou'n al en bon pe lo sa size. Mon a bezwen donn Onorab Georges posibilite en kestyon. Onorab?

HON BERNARD GEORGES

Mersi Mr Speaker. Tre kourt, e mon swiv sa dernyen lesanz. Kestyon se, eski zot pe anmas statistik lo bann *abortion* ki pe arive *backstreet*? Mon krwar se sa konteks. E konteks kestyon, Onorab Bistoquet se. Anvi ki i annan en logmantasyon dan lavortman, *which may be legal or illegal or both*, ki plan ou Minister pour asire ki sa krwasans - si i annan en krwasans i redwir. En fwa ki, in ganny anmase *what is the destination?* Mersi.

MR SPEAKER

Mersi. Minis oubyen *panel*?

MINISTER PEGGY VIDOT

Bon pour komanse Mr Speaker. Mersi Onorab pou kestyon. Wi nou anmas tou statistik ki fer otour lavortman. E nou sey klasifye zot dan sa bann diferan klasifikasyon ki nou annan.

Mon konnen poudir nou'n dir ki avortman pe monte. Me selman letan nou pe regard nou statistik, nou pa pe vwar sa ogmantasyon. In toulant ant 400-500 keksoz. E dan bann dernyen lannen 2020 ti en pe pli o. Me an 2021 ti redwir ankor.

E nou konnen poudir sa i *fluctuates* de lannen an lannen. Me nou pa pe vwar sa gran ogmantasyon parey annandler nou panse. Me ki nou, nou pe fer pour nou kapab asire adres sa *issue*? Mon krwar mon pe vwar *PS* pe demann mwan pour mwan reponn sa bout. Mon ava les li koz lo la.

MR SPEAKER

Mersi. *PS*.

PS DR BERNARD VALENTIN

Well, bann statistik ki nou anmase, nou i baze lo dyagnostik ki Dokter i fer. So en pasyan ki ansent, a en serten moman dizon i pe ganny sa ki nou apel en sennyman, i vin kot Dokter. Prezan Dokter i fer en dyagnostik, i met sa dyagnostik dan son, dan note sa pasyan.

E nou, nou servi sa pou fer bann statistik. So en kantite osi i depan lo ki mannyer sa Dokter in fer son dyagnostik. E pa tou kou ki Dokter i mete dan son dyagnostik sa mo ki nou, nou anv *'abortion.'*

Ok si par egzanp Dokter i met dan son dyagnostik, zis pou donn legzanp *bleeding PV*. *Right?* So letan nou, nou pe fer statistik nou pa pou kapab *transfer* sa mo *bleeding PV into an 'abortion'*. Dan sa ka, si sa *bleeding PV* ti en *abortion* e Dokter pa'n dir poudir sa in fer en *abortion*, letan in fer son dyagnostik, nou pou marke sa ka.

So basically, nou pou annan bokou sirkonstans petet kot en ka kot i en *abortion*, dan dyagnostik Dokter i pa mete *abortion*, and *therefore* nou pou mank li dan nou statistik. Me

nou ki nou pe sey fer nou, i pa en problem li i lafason ki sa Dokter i fer son dyagnostik. Be ki nou, nou pe fer avek bann statistik, nou, nou pe gete par egzanp ki kantite sa ki nou apel *septic abortion* ki nou annan. E en *septic abortion* plizoumwen i en *abortion* ki'n en lansentman ki'n ganny *tempered with*.

E nou veye sa, sa sonm - en bann *gynecologist* eksetera i veye sa sonm. E dan nou program, *reproductive health*, nou pe fer bann ledikasyon, eksetera pou adres sa size.

Donk, si bann madanm i vini zot frekant nou program *reproductive health* e zot ganny akse avek kontraseptiv, nou pour kapab diminyen sa bann sityasyon *septic abortion*. sa bann sityasyon lavortman provoke eksetera.

So sanmenm sa ki Minis in dir dan son larepons, annou ranforsi nou program lasante reprodiktiv, pou fer ki en madanm i annan opsyon avan menm ki i tonm ansent, pour li pa tonm ansent avek en lansentman ki i pa anv.

Me selman i pa zis en kestyon madanm, madanm tou kou. I en kestyon en ledikasyon ki nou bezwen komanse avek nou zenn fiy, avek nou garson, nou bezwen osi fer en pe ledikasyon avek nou msye.

Akoz lansentman, lavortman i pa zis problemm madanm. I osi en problemm zonn, i en problemm lasosyete e ki nou bezwen rezourd li ansanm. Mersi.

MR SPEAKER

Mersi. Bon mersi pour sa, nou a prolonz *extra time* enn pti gin pou en *Question Without Notice*. Onorab Cosgrow.

HON WALLACE COSGROW

Mersi Mr Speaker. Bonn apre midi tou dimoun. Mr Speaker mon kestyon i lir koumsa: -

Eski Minis pour Lasante i kapab dir avek nou Lasanble si in annan deteryorasyon dan bann lendis lasante pour sa dernyen 2an, an konparezon ek bann lannen presedan?

MR SPEAKER

Mersi. Minis ou kapab reponn.

MINISTER PEGGY VIDOT

Mersi Mr Speaker. Mersi Onorab pour ou kestyon. Mr Speaker mon larepons pou baze lo bann edikater leta lasante nou Nasyon li menm. E osi lo bann serten endikater, servis lasante.

Akoz mon sipoze, sa kestyon i li fokaliz lo ki kalite sanzman in annan dan bann endikater, dan sa bann dernyen lannen. E alor, nou pou bezwen pe - savedir letan ou pe regarde i pe regard lo lenpak, lo rezilta entermedyer, aktivite, prodwi e osi bann mwayen ek resours ki nou fer, ki fer sa bann aktivite ek prodwi asosye ek nou bann servis.

Tou-le-z-an depi 2018, Minister Lasante i pibliy sa ki nou apel en rapor anyel lo performans lasante. Sa dokiman i enn ki tre detaye. I osi konteni en tablo de bor, ou si non en *dashboard* parey nou dir. Kot nou fer konparezon bann endikater prensipal. Nou konpar nou prop target avek target lobzektif devlopman dirab. E sa ki nou kapab akonplir koman en Nasyon.

Nou osi konpar nou avek larezyon e larestan lemond dan serten sirkonstans. E mon konnen pou, mon ava dir Lasanble ki nou rapor detaye lo sa bann performans pour lannen 2018,2019,2020. E i pibliye regilyerman, 21.

E sa bann piblikasyon i ganny mete lo nou sit web. E si Lasanble i dezire annan en kopi, nou kapab fer sa vini kan i annan en demann.

Mr Speaker keston demande ki nou konpar sa de dernyen lannen. Savedir 2020,2021,2021-2022 avek bann lannen presedan. En kantite bann statistik nou pa pou annan pou 2022 akoz nou pou konpar statistik pour en lannen antye. E 2022 pa ankor fini.

Pour nou fer en analiz sa de lannen, ki keston i demande nou bezwen konpar lannen 2019 ek lannen 2021. Sa de lannen konparezon, i enportan akoz enn, ti avan *COVID* e en lot ti apre *COVID* ti'n vin vreman komans frap nou pei.

Parey mon dir statistik pou 2022 an antye, pou vreman nou pou annan li 2023. Mon ti a kontan fer remarke, ki dan rapor lo *World Health Statistic 2022*, ki lorganizasyon mondyal i lanse e ki'n pibliye, zot in fer resorti ki *COVID-19* in afekte Sistenn Lasante partou dan lemond dan en fason ki'n afekte bann lendis lasante negativman.

In fer resorti ki i annan bokou plis lanmor dan tou pei, preski tou pei atraver lemond. Dan sa de dernyen lannen, i klerman annan endikater ki'n amelyore. I osi i annan lezot endikater, ki pa'n amelyore e ki mwen bon ki lannen presedan.

Sepandan dan lasante, sa ki pli enportan ki konparezon de lannen se tandans zeneral, atraver en pli gran kantite lannen. Akoz serten lefe pozitiv oubyen negativ i tarde arive apre en lentervansyon, oubyen en sityasyon.

Fodre dir osi Mr Speaker, ki serten endikater ki nou mezire dan Minister Lasante, i pa konpletman e inikman en endikater lasante. Souvan sa bann endikater i miltidimansyonnel avek en serten konponan lasante ladan.

Par egzanp, nou mezir leksperyans lavi koman en endikater enportan. Me leksperyans lavi i pa inikman en mezir lasante. Leksperyans lavi i miltidimansyonnel. Menm keksoz ek to swisid, swisid i rezilta plizyer fenomenn, ki sosyal kiltirel e ekonomi e osi lasante ki a konverse pour fer li arive.

Se Minister Lasante ki annan responsabilite pou gard rikord e fer en kontrandi lo swisid. Me prevansyon swisid, promosyon

byennet total pou anpes swisid i reste en zefor kolektif e miltidimansyonnel.

I avek tousala antet, ki mon pou donn serten statistik e fer serten konparezon parey keston in demande.

Mon a komans avek serten endikater anliny avek lobzektif devlopman dirab. E i ava lendikasyon leta lasante. Si nou pran leksperyans lavi pour bann madanm ki ti 78.4 pour lannen 2019, 82an pour lannen 2020, an 2021 in ariv 75.

Pour bann zonn ti annan 68an pou lannen 2019, 72.7 pour lannen 2020, e 2021 i ti desann pou vin 71an.

An 2021 ti annan 925 lanmor ki ti anrezistre kot Leta Sivil. Sa ti reprezant en to mortalite 9.3 lanmor pour sal 1000 zabitan dan popilasyon.

Sa ti plis ki tou lezot lannen lo rikord. Ti annan 163 lanmor an plis asosye avek *COVID-19* dan lannen 2021. Sa i lakoz prensipal pour sa diminasyon dan *l'esperance* lavi pour bann madanm ki deza pa otour 7an 2021, konpare avek 2020.

Sa ki pli remarkab, se ki statistik i montre nou, ki gran mazorite zonn ek fanm zot pa dan en bon leta lasante diran sa dernyen 9an zot lavi. Pour nou sa i enportan osi enportan ki laparans lavi.

Pou al lo lezot statistik Mr Speaker, mon a komans avek to mortalite maternel ki an 2021 nou ti annan 2 lanmor bann madanm ki ti ansent. An 2020 e 2019 nou ti annan enn dan sak sa lannen. Alor 2 lanmor i fer ki nou to maternel mortalite, lo sa 100mil baba ki kapab ganny ne, i monte konsiderableman.

To mortalite par swisid, ti mwen bon an 2021, ki 2020. An 2020 sa to ti 3 pour 100mil zabitan. E 2021 i ti 8.1.

To mortalite zanf anba 5an, ti meyer an 2021 ki an 2019 ou si non an 2020. An 2019 i ti 17.4, i ti 14.2 an 2020. E an 2021 i ti 13.2.

To mortalite nouvo ne ti 8.7 an 2019, 9 an 2020 e 8.4 an 2021. Mon ava dir mortalite nouvo ne se sa bann mortalite ki arive dan sa premye 28zour lavi en zanf an.

To mortalite anfantil, sa se lanmor ki arive dan bann zanf anba lan ti 16.8 dan 100mil pti baba ki ti ne vivan an 2019, ti 1000 *sorry*. 11.8 an 2020 e 11.4 an 2021. Lanmor par aksidan lo semen ti 11.3 an 2019. 11.2 an 2020 konpare avek 6 an 2021.

Nouvo data 2020 i montre ki otour 30 poursan manmay lekol, i annan lapeze an plis ki zot sipoze annan. Ladan i annan parmi bann garson, en to 17.3 poursan ki nou dir ki zot dan, zot ganny klasifye koman *obese*.

E sa i nou vvar poudir i lo en tandans pour li kontinyen, pour li monte. Serten endikater servis lasante an 2021 nou ti anvoy mwens pasyan aletranze pour trete ki an 2019 ler nou ti

anvoy 209. E i osi pli ba ki bann ki nou ti anvoy-e an 2020 kot ti 161.

Pasyan dyaliz. Wi nou ti annan 186 pasyan lo dyaliz an 2020. Ti 190 an 2000, (*sorry*) ti annan 190 an 2020. Me 186 an 2021. Ou kapab dir ki pandan letan *COVID*, malerezman nou'n perdi omwen 11 pasyan ki ti pe fer dyaliz.

Ti annan 257 nouvo ka kanser an 2021 konpare avek 307 an 2020. Lanmor par kanser ti 126 an 2021 konpare avek 128 an 2020.

Admisyon lopital pour latak laservel, ti ogmante an 2021, 157 konpare avek 2020 kot ti 141. Lanmor ek latak laservel, ti desann an 2021, ti annan 15 konpare avek 2020 kan ti annan 22.

Mr Speaker nou kapab kontinyen ek sa bann analiz e get bokou lezot statistik ki nou annan. Tou sa i dan nou rapor anyel.

Konklizyon zeneral ki nou tire, se ki'n annan keksoz ki'n amelyore, e i annan keksoz, lezot ki pa osi favorab ki an 2020. *COVID* in annan en lenpak sertenman, akoz pandan *COVID* bokou keksoz pa'n deroul normalman. Serten servis pa ti ofer parey avan. E pour lezot servis menm si zot ti pe ganny ofer, e menm ler ti napa restriksyon mouvman, dimoun pa ti neserman vin rod sa bann servis.

Serten akoz zot ti per zot ti ava atrap *COVID*, serten ti annan lot rezon. Donk serten dyagnostik i posibleman tarde avek konsekans ki nou kapab vwar pli tar.

Nou osi konnen ki i annan bokou ki nou pa ankor konnen lo *COVID*. I annan bokou koze lo *post COVID syndrome or long COVID*. E nou pe swiv lasyans pour nou vwar koman sa pe deroule. E nou panse parey nou pe vwar dan serten pei, ki sa osi pou annan lenpak lo lasante nou Nasyon.

I byen ki koman en pei nou pe fer sa diskisyon. Akoz i enportan pou nou vwar ansanm kote nou'n ale e ki mannyer nou'n ale. Pou nou adres tou bann defi lasante ki devan nou ozordi. Mersi.

MR SPEAKER

Mersi Minis nou a konklir lo la. Onorab, mon *out of time* seryezman. Ou a pran en kestyon silvouple, vitman fer li vit.

HON WALLACE COSGROW

Mersi bokou Minis pou ou larepons. Minis i annan en pake problemm deor la avek Minister Lasante. E mon okouran ki letan *Leader* Lopozisyon ti fer en kestyon lot fwa, ti annan serten lazisteman ki ou ti bezwen al fer personnelman dan Minister Lasante.

E problemm, i annan problemm avek servis latizann, kot i annan latizann ki manke. Problemm....

MR SPEAKER

Onorab-Onorab, ou pa pou al antre dan en gran deba.

HON WALLACE COSGROW

Non mon pe al donn li mon kestyon.

MR SPEAKER

Silvouple. Ou kestyon e nou a terminen. Mersi.

HON WALLACE COSGROW

Non les mwan vin lo mon kestyon ...

(Interruption)

MR SPEAKER

Order! Order!

HON WALLACE COSGROW

Mr Speaker i annan problemm avek servis lapwentman spesyalize. I annan en pake problemm dan Minister Lasante. So kan mannyer Minis, pou rezourd akoz sa bann problemm i annan lenpak lo bann lendis ki Minis in nonmen.

Bann sirtou ki'n ganny afekte, negativman. So eski Minis i kapab dir nou, ki bann mezir ki zot pe pran dan Minister Lasante pou amelyor servis lasante, pour ki nou kapab amelyor lo sa bann lendis ki'n deteryore Minis? Mersi bokou.

MR SPEAKER

Minis mon bezwen, mon bezwen demann ou fer sa dan de minit silvouple. Akoz nou bezwen terminen. Mersi.

MINISTER PEGGY VIDOT

Mersi Mr Speaker. Mersi Onorab pour ou kestyon. Onorab ou kestyon in demann mwan poudir ou kote ki annan deteryorasyon dan bann lendis lasante dan sa dernyen 2an.

E mon krwar mon'n donn en pe statistik ki montre kote ki'n annan deteryorasyon, kote ki'n annan amelyorasyon. Ou pe dir mwan poudir i annan bokou problemm.

Parey mon dir, si i annan problemm, nou ava rezourd problemm. Me kestyon pa ti demann mwan pou vin adres sa bann problemm. Be pour demann mwan pour fer sa konparezon e mon krwar mon'n fer. Mersi.

MR SPEAKER

Mersi bon nou a termin la avek sesyon kestyon. Mon remerbye premye, Minis e son delegasyon pour zot partisipasyon, e mon swet zot bon kouraz, bonn kontinyasyon. Mersi bann Manm pour zot kestyon.

Nou a rebran Lasanble 2er 30. Mersi.

(BREAK)

MR SPEAKER

Bonn apre midi tou dimoun. Tou Manm, tou piblik a lekout nou pe kontinyen avek

Construction Professionals Bill. Nou ava apel delegasyon silvouple.

Bon bonn apre midi Vis-Prezidan Ahmed Afif, Mr Frank Ally *Attorney General*, Mr Jitesh Shah, *CEO Seychelles Infrastructure Agency*, e Ms Angela Servina *CEO Planning Authority* ki'n zwenn nou pour kontinyasyon sa *Bill*.

Nou dan Staz Komite. Bon mon konnen zot in pas en kantite letan lo sa *Bill*. Mon sipoze zot travay in bezwen port bokou fri. Fotespere nou a kapab fini avek li ozordi. Mon'n ganny en pti *briefing* lo ki mannyer in ale avek Deputy Speaker.

Mon krwar Onorab Andre *Chairperson Bills Committee* i pare pour kontinyen?

HON CLIFFORD ANDRE

Yes, Mr Chair. Bonn apre midi tou dimoun VP, delegasyon. Nou ti lo 14. Savedir zis nou a pran en *reading of 14* pour nou fer sir ki i annord. Epi nou ava kontinyen Mr Chair.

MR SPEAKER

Yes please.

HON CLIFFORD ANDRE

14(1). "A *person may be registered as a construction professional providing construction services as listed in the Schedule*". Sa i pou 1.

Epi 2 i pou vin, "The Minister may in consultation with the Council", add or remove "a construction-related discipline set out in the Schedule by statutory instrument". Nou...

MR SPEAKER

Zot in fini diskite lo la. Lo sa enn.

HON CLIFFORD ANDRE

Nou ti'n fini diskite. Sa ti *proposal*. Prezan Mr Chair, si i annan okenn kontansyon nou pou bezwen vot lo la. So si napa nou a bouze parey i ete.

MR SPEAKER

Wi nou a ekout lopinyon *panel*. Nou a regarde, si i annan lot Manm. *Attorney General*.

THE ATTORNEY GENERAL MR FRANK ALLY

Mersi Mr Chairman. Mr Chairman *panel* i dakor avek sa lamannman. Kot nou pou liste sa bann *services* dan *Schedule*. E Minister i pou kapab add "in consultation with the Council". Mersi.

MR SPEAKER

Mersi Onorab Pillay ou annan en pwen.

HON SEBASTIEN PILLAY

Mersi Mr Chairman. Mr Chairman, mwan mon pa dakor ek sa mo "in consultation". Akoz ler mon get Lalwa e lentansyon Lasanble Nasyonal, ki nou pe dir nou pe pas Lalwa pour sa Konsey, nou pe

kree en Konsey bann profesyonnel ki sipoze konn zot domenn pli byen ki lezot dimoun.

E mon krwar i devret lo rekomandasyon sa Konsey, ki Minis i azout en lot servis oubyen profesyon anba sa Lalwa. Mon krwar mon ti ava pli konfortab pou lir li koumsa. Akoz se sa lentansyon. Lentansyon se ki nou anv i *at the end of the day*, se bann profesyonnel zot menm ki ede pour *manage e regulate* zot sekter.

E Gouvernman li i vin la koman en fasilite, pou kree loportinite pour bann endividi vin bann profesyonnel dan Sekter Konstriksyon. Mersi Mr Speaker.

MR SPEAKER

Ok. Mersi mon konpran propozisyon ki ou'n fer. Mon ava envit *panel* pou fer en komanter lo la. Apre lezot Manm. Selman mon le dir nou pou sey bouze, pour nou kapab termin sa *Bill*. *Panel, yes AG.*

THE ATTORNEY GENERAL MR FRANK ALLY

Mersi Mr Chairman. Mr Chairman *panel* i *maintain the position* ki Minis ki dwatet pe fer sa, pe *add*, oubyen pe *remove*. Pa *statutory instrument* - sa i a donn notis *to other *world*. Akoz i pou ganny pibliye dan *Gazette*.

E lot, *Council* li i pou annan sa loportinite pou li *regulate*. Ler ki Minis in fini *add*, an konsiltasyon avek *Council* sa profesyon, sa *construction service*, then *Council* pou kapab *regulate*.

Me pour deklans sa proses, dan le sans pour deside lekel, la Minis i a deside an konsiltasyon *avek Council rather, than* lo rekomandasyon *Council*. Mersi.

MR SPEAKER

Thank you. Thank you. Lezot Manm eksprim, yes Onorab Andre?

HON CLIFFORD ANDRE

Mersi Mr Chair. Mr Chair mon ti a kontan propoz sa lamannman ki mon'n met devan, pour nou kapab pran en vot lo la, e bouze. Mon propoz sa lamannman.

MR SPEAKER

Wi mon krwar si i annan en lamannman annou *deal* avek sa lamannman, i a fer li kler ki sa ki nou oule fer. Onorab Hoareau ki... ?

HON JOHN HOAREAU

Mon ti oule segonn sa lamannman Mr Speaker akoz nou'n diskite...

MR SPEAKER

Hold on, hold on enn pti kou, mon pa ti konnen ou pe al seconde. Mon annan enn de pwen ki'n lev lanmen. *Ok*, Onorab Georges in lev lanmen, Onorab Loze in lev lanmen.

Mon pou zis pran sa de komanter, pour nou kapab permet nou bouze. Parske zot a konpran zot menm, poudir bann pwen ki napa en lamannman avek, nou bezwen klarifye ler nou ekout lopinyon bann Manm, nou pran en vot e nou bouze. Mon a pran Onorab Loze.

HON JOHAN LOZE

Mersi Mr Speaker. Mon ti zis oule klarifye, sa ki Onorab Pillay in met devan li, mon krwar i swiv dan lespri kot en Konsey pou bann profesyonnel, se ki nou les bann profesyonnel gouvern zot lekor.

Mon krwar i sa lespri. Si nou kapab al dan sa direksyon, olye dan nou fason tradisyonnell kot Minis, Gouvernman, ki gouvern tou keksoz.

Se tou ki mon ti anvi met devan zot.

MR SPEAKER

Ok bon mon krwar pwen, ou'n ranforsi pwen. Pwen in kler. Onorab Georges?

HON BERNARD GEORGES

Mersi Mr Chair. Mr Chair mon ti anvi zis propoz en lamannman lo lamannman ki'n ganny propoze. E pou li - mon pa pe sanz okenn keksoz. Mon pe sanz enn pti pe son striktir.

Mon ti a prefere ki lamannman ki *subclause 2* i lir *as follows*, "*The Minister may*" (comma), "*in consultation with the Council*", (comma) "*by statutory instrument*", *add or remove* "*a construction-related discipline set out in the Schedule*", *rather than have*, "*by statutory instrument*" *at the end of the phrase*. Mersi.

MR SPEAKER

Ok ou pe sanz lord sa. Ou mazinen sa i fer li pli ekitab. Ok, so nou reste avek lamannman. Be la ou'n propoz en lamannman lo en lamannman, ki mannyer, lekel ki nou fer premye la?

HON BERNARD GEORGES

The amendment on the amendment goes first.

MR SPEAKER

The amendment to the amendment goes first. Ok anybody i annan okenn komanter? Panel lo sa sanzman order of the words? AG.

THE ATTORNEY GENERAL MR FRANK ALLY

Non-Mr Chairman. *We don't have any.*

MR SPEAKER

Ok. *Other Members? Well* nou pran sa koman en lamannman parey nou ti abitye pran. Teknik plito, e nou a kapab prosede avek amannman. Onorab Andre, zis mansyonn ou lamannman, e Onorab Hoareau i a segonde.

HON CLIFFORD ANDRE

Mr Chair, parey Onorab Georges in dir, nou bezwen pran sa lamannman lo sa lamannman. Mwan ok avek sa lamannman ki Onorab Georges in dir. So plito nou pran sa lamannman, i a ganny segonde nou ava bouze, pour nou kapab ...

MR SPEAKER

Bon mannyer in ganny lir dernyen fwa. Onorab Hoareau ou kapab segonde prezan.

HON JOHN HOAREAU

Mon le segonn sa lamannman. Mersi.

MR SPEAKER

Bon. Nou a pran en vot lo sa amannman lo mannyer in ganny propoze, e lir. Manm ki an faver lev lanmen silvouple? Mersi. Manm ki kont? *Thank you.*

In annan enn ki, ou ti pe vote ou non? Ok. Donk lo amannman parey in ganny lir lo *clause 14 - 21* Manm in vot pour 0 kont e 9 in *abstain*. So sa amannman in ganny aksepté.

Ou lo sanmenm sa *clause*? *Yes.*

HON SEBASTIEN PILLAY

Mersi Mr Chairman. Mr Chairman prenon kont ki nou'n fini vot sa lamannman, avek sa mo "*in consultation with*," mon ti a kontan propoz en lamannman kot nou sanz sa bann mo, "*in consultation with*" pou fer li dir, "*on the recommendation of the Council*".

E mon oule propoz sa lamannman la pour lemoman Mr Chairman.

MR SPEAKER

Wi. Anfen si oule propoze, nou a ganny segonde e- Onorab Cosgrow?

HON WALLACE COSGROW

Mersi Mr Speaker. Mr Speaker mon segonn lamannman anmennen par *Leader* Lopoziyon. Mersi.

MR SPEAKER

Mersi. Nou a vot lo sa lamannman silvouple. Bann ki an faver lev lanmen? Mersi. Manm ki kont? Mersi. Mon pa kapab demande lekel ki'n *abstain* si zot in *abstain*.

Donk lo rikord, lo amannman propoze par Onorab Pillay 9 Manm in vot pour, 19 Manm in vot kont e 2 in *abstain*. Donk sa lamannman in ganny rezete. Be nou a kontinyen avek sa *Clause* mannyer i ete. Onorab Andre ou a kontinyen *please*.

HON CLIFFORD ANDRE

Mersi Mr Chair. Mr Chair nou pou bouz lo 15. 15, "*an associate member*" pe ganny *deleted* ki pou fer ki prezan "*d*" pou vin "*e*" pou vin "*d*".

MR SPEAKER

Thank you, pwennvi panel. Yes AG. AG in nod savedir i ok. Lezot Manm? ok nou'n aksepté, move on. Onorab Andre?

HON CLIFFORD ANDRE

Nou lo 16 Mr Chair. 16 (1)(a) "post", pou ganny mete avek "graduate". So i pou lir "has a postgraduate degree".

Sa i anefe bann lamannman ki nou ti'n tonm dakor avek panel.

MR SPEAKER

Panel in dakor wi.

HON CLIFFORD ANDRE

Lo 17 Mr Chair. 17(1)(a) nou pou delete, "graduate" so i pou lir, "is the holder of a degree from a recognized university".

Apré nou pou dan sub 3 a lafen nou pou met, "professional member if that member has,

a) completed a postgraduate degree from a recognized university and", i pou kontinyen e pou vin, "Government" or a "public body", i reste.

b) nou pou insert, "completed an undergraduate", sorry Mr Chair, apré "a", i pou annan en "or".

Prezan "b" pou vin "completed an undergraduate degree from a recognized university and a period of 4 years in the employment of a corporate member", (comma) "a professional member or the Government or a public body, or engaged under the supervision and control of a professional member. Nou pou delete sa ki swiv ziskan body.

Apré nou pou insert, "but the Council may extend the period of supervision".

MR SPEAKER

Track version i ase reflekte sa ki ou'n dir. Eksepté i annan en form an plis, la. Mon pa konnen si i zis dan pou mwan, oubyen i zis dan pour zot?

HON CLIFFORD ANDRE

Kote sa Mr Chair?

MR SPEAKER

Dan b) "completed an undergraduate degree from form". Eski in reye la, non konmsi i ankor la. In ale in tire, ok. Well the wording is there. Mon ava envit komanter. Onorab Georges?

HON BERNARD GEORGES

Mersi Mr Chair. Very briefly Mr Chair. Dan subclause 3(a), "post graduate" i de mo, e nou fek met li en sel mo dan 16(1)(a). I think we have to be consistent, either nou ekrir li an de mo partou, oubyen dan zis en mo.

Apré dezyenmman dan sa menm Clause, 17(3)(a) ek (b) "recognized" i annan en "z", ankor enn fwa mon krwar nou bezwen deside si nou

pou ekrir US English oubyen English, English? Mersi.

MR SPEAKER

Mersi AG ki ou rekomande? Lo sa de spelling.

THE ATTORNEY GENERAL MR FRANK ALLY

Mon krwar "post graduate", should be one word. E "recognized" i pou English. Akoz nou servi Angle.

MR SPEAKER

Thank you. Mon sipoze bann Manm napa obzeksyon kont sa. Ok so that's accepted. Onorab Aglae.

HON EGBERT AGLAE

Yes. Mersi Mr Speaker. Bonswar, bonn apré midi VP ek panel. Mon pe le fer en referans lo sa bout, "the Council may extend the period of supervision". Mon vwar li konmsi i enn pti pe ouver, akoz nou napa en timeframe la.

Si nou pou extend li, ou pou kontinyen extend li. Konmsi i bezwen, en Lalwa la i pa en Polisi la. I bezwen petet incapsulate petet en timeline. Kantite letan ou pou extend en dimoun.

MR SPEAKER

Thank you. Panel. AG wi?

THE ATTORNEY GENERAL MR FRANK ALLY

Mersi Mr Chairman. Mr Chairman anfet nou ti'n tonm dakor pour nou mete "but the Council may subject to regulations extend the period". Something to that effect.

Akoz nou ti pe dir poudir evantuelman, sa i pou tonm anba regilasyon ler i pou regulate. Akoz i annan en provizyon pou regilasyon, kot i pou kapab regulate bann ekstansyon. Setadir pa zis ekstansyon, me regulate sa sipervizyon. Mersi.

MR SPEAKER

Mersi. AG in insert enn pti fraz la. To deal avek sa, e okenn komanter? Onorab Andre?

HON CLIFFORD ANDRE

Mr Chair mon krwar i an akordans avek demann. Alors mon krwar i ok. Si nou pa pe konteste. So mon krwar napa nesésite pour nou vote. Be selman i ok.

MR SPEAKER

So. Dan sa ka eski ou a propoz sa amannman, ou azout sa amannman dan ...

HON CLIFFORD ANDRE

Mon vwar AG in lev lanmen ankor. Kekfwa i annan en keksoz pou azoute.

MR SPEAKER

Yes AG?

Lot, *sorry* Mr Chair mon war lanmen.

THE ATTORNEY GENERAL MR FRANK ALLY

Mr Chair zis pou sinyale ki i annan en provizyon. En *proposal*, ki'n ganny mete dan *Regulation Section*. "*Regulating the employment or supervision of graduate members.*"

So sa prezan, sa ekstansyon i pou *subject* to sa regilasyon. Setadir si ou fer ou, ganny *supervised over a period of* sa peryod letan, me selman ou pa satisfè sa *supervisor*, then sa i pou kapab ganny *extension*.

MR SPEAKER

Be, kot nou ete la. Eski nou bezwen *insert* sa *wording* la? Non la dan sa dan "b" la.

HON CLIFFORD ANDRE

Egzakteman Mr Chair.

MR SPEAKER

Eklèrsi mwan silvouple. Onorab LOTO wi?

HON SEBASTIEN PILLAY

Mersi Mr Chairman. Mr Chairman. I byen sa ki *Attorney Zeneral* pe dir. Be selman sa pa ankor antre dan, pa'n mete dan sa *clause*. Ou bezwen, ou bezwen met li.

MR SPEAKER

Bezwen met li. *Ok*.

HON SEBASTIEN PILLAY

Savedir eski ou pe propoze ki Lasanble i met li?

MR SPEAKER

Dan sa ka eski en Manm i bezwen propoz sa? Onorab Georges ou ti pe adres sa?

HON BERNARD GEORGES

Yes, Mr Chair. Mon ava adrese avek ou permisyon mon ava fer sa propozisyon. Mon ti pou adrese pou Mrs Toulon nou *legal advisor* ki pe *track* sa travay ki nou pe fer i ava konnen. Mon propozisyon se ki nou *insert* dan *penalty ... line* apre dernyen mon "*may*", "*subject to regulations*", apre *extend the period*. Mersi.

MR SPEAKER

Thank you. That is done. Eski i annan okenn komantr obzeksyon? *Ok it is accepted.* Onorab Andre *back to you*.

HON CLIFFORD ANDRE

Mersi Mr Chair. Mr Chair parey nou ti komanse dan nou *arrangement section*, nou pe *delete* kompletman *clause 18*. Ki fer ki nou annan *renumbering* ki swiv.

E *as from now* mon pou refer lo nouvo *renumbering* ki annan. E sa bann *renumbering* i ganny reflekte osi dan nouvo 18 *subclause 4* kot in ganny *renumbered*.

MR SPEAKER

Wi Onorab Cosgrow wi. *Sorry*.

HON WALLACE GOSGROW

Mersi Mr Chair. Mr Chair mon pe *move* ki nou retourn *clause 18* akòz mon santi ki ler nou ti fer sa Lalwa li menm, ti bezwen annan en rezondet akòz ti annan en lentrodiksyon pou en *associate member*.

E petet *panel* i kapab eksplik nou ki rezon det pou annan en *associate member* e ki rezon ki zot in tire. Mwan mon santi sa *associate member* i kapab kaptir en group dimoun ki nou pe sey ekskli ozordi dan sa Lalwa.

E mwan mon pe *move* Mr Speaker ki nou retourn *clause 18* pou nou kapab - *unless panel* i kapab *convince* nou *otherwise* ki *clause 18* pa devret la. Mersi Mr Speaker.

MR SPEAKER

Nou ava ekout komantr byensir. Selman zis pou fer remarke ki nou'n tir '*associate member*' dan en *clause* oparavan. So nou pou bezwen retour lo la si nou pou soz.

Panel pou adres pwen Onorab Cosgrow silvouple? *Yes* Mr Shah.

CEO JITESH SHAH

Mersi Mr Chair. Mersi Onorab. Onorab *actually* sa *clause* li menm nou ti pran sa desizyon kekfwa pou nou tir sa ler nou ti zwenn avek *Bills Committee*. Akòz nou'n realize poudir i pe kre en pti pe konfizyon. Fason ki sa *clause* ti'n ganny *word actually* i sipoze annan en *associate member* ki ti sipoze pou bann dimoun ki annan en *bachelor's degree*, epi en *graduate member* pou bann dimoun ki annan en *postgraduate degree*.

Be ler nou'n get sa nou realize poudir kekfwa napa en nesosite pou nou separ sa 2 kalite profesyonnel. Nou met tou lede *under graduate members*, *because effectively* zot tou lede zot *graduates*.

Zis then nou'n fer sa sanzman anba *graduate*, pou dir si en dimoun i annan en *postgraduate degree* kekfwa zot bezwen mwens letan *under supervision and practice* anba en *professional*, pou zot kapab kalifye pou zot vin en *professional* zot osi.

Lo kote mon krwar sa pwen ki ou pe fer lo kote kekfwa en group dimoun la prezan pa pe ganny *captur*, sa pa ti zanmen lentansyon sa *associate member*.

Sa group dimoun ki ou pe koz lo la zot pou *still eligible* pou zot vin *professional members*. I annan bann provizyon dan sa Lalwa pou zot kapab *qualify as professional member*. I pa ti zanmen lentansyon pou zot antre dan sa *group associate*.

Associate parey mon'n dir *it was just* pou nou kas sa de kalite *graduates*, ki *then* nou'n war poudir kekwfa i pa fer sans plito nou met tou lede ansanm tou lede i *graduate*. I ti pe kre plis konfizyon a lafen dizour. Wi.

MR SPEAKER

Thank you.

HON WALLACE GOSGROW

Mersi Mr Chair. Mr Chair eski Mr Shah pe dir nou poudir aprezan avek sa, menm si sa pa la, sa bann kategori dimoun ki nou pe koz lo la i annan provizyon pli ba dan Lalwa, ki pou permet enkli sa bann kategori dimoun par egzanp *draftsperson* diferan kategori ki zot annan dan sa Lalwa?

MR SPEAKER

Thank you. Mr Shah?

CEO JITESH SHAH

Mersi Mr Chair. Mersi Onorab. *Actually*, wi sanmenm sa ki mon pe dir si nou pou get. *Anyway*, nou bezwen retourn an aryer. Si nou get limero 16 (c) i dir poudir, *because it is 'or' so you don't* - i pa neserer ki ou annan en degre.

I annan provizyon pou ou kapab vin *professional member*. Epi pli tar dan sa *Bill as well*, i annan en provizyon poudir ki bann *requisition* pou en dimoun ki napa sa kalifikasyon ki mannyer i kapab antre koman en *professional member as well*.

So, it does get captured. Parey mon'n dir i ti napa naryen pou fer spesifikman avek sa *associate member*.

MR SPEAKER

Thank you. Byen ok. Onorab Andre nou kapab *move on*.

HON CLIFFORD ANDRE

Mersi Mr Chair. Nou lot pwen se nouvo 19, kot' (b). Nouvo 19 (1) (b) dan plas met' *'is entitled to'* nou pe met *"may be registered as a professional member"*.

The renumbering continues e dan *heading* of nouvo 21 nou pou *delete "or as associated member"* par lefe ki nou'n *delete* 18. E dan 21 menm lo dezyenm laliny.

MR SPEAKER

Yes Onorab Pillay.

HON SEBASTIEN PILLAY

Mersi Mr Chairman. Zis eskiz mwan mon krwar nou'n *proceed*. Be mon ti le ganny en klarifikasyon *regarding* seksyon 19. Nouvo seksyon 19 silvouple. Eski nouvo seksyon 19 pe fer li posib ozordi pou par egzanp en *draftsmen* kapab vin en *professional member* anba sa *Council*?

Eski sa, eski i pe fer sa? E osi klarifye prezan eski sa i vedir lefe ki *draftsmen* i travay en kantite avek bann pli pti kontrakter. Zot osi travay en ban gro anba sipervizyon me zot travay avek bann pli pti kontrakter, eski sa i vedir poudir bann *draftsmen* pou kapab kontinyen perform zot aktivite? Bann ki annan plis sa 10an.

E ki pou arive avek bann prezan ki napa sa 10an ki mannyer keksoz pou marse? Mon ti ava kontan ganny en lesplikasyon lo la mersi Mr Speaker.

MR SPEAKER

Mersi. *Panel.* Yes Ms Servina.

CEO ANGELA SERVINA

Mersi Mr Chairman. Mersi *LOTO* pou ou pwen klarifikasyon ki ou pe leve. Sa seksyon parey ou'n dir i fer provizyon pou bann dimoun ki napa sa kalifikasyon. Ler nou pe koz bann dimoun spesifikman bann *draftsman*. Si zot *meet* kriter ki pou vini anba la pou zot kapab anrezistre - si zot *meet*.

Nou bezwen toultan mazinen met an tet poudir sa Lalwa pou bann profesyonnel. So letan nou koz profesyonnel nou pe koz lo *architect*, enzenyer, *quantity surveyors* bann lezot. I pa en Lalwa pou *draftsmen*. Nou pe koz lo bann profesyonnel.

I annan provizyon ki nou pe mete dan sa seksyon 19 la pou ki par egzanp si en *draftsman* ki annan bokou leksperyans, son louvraz letan Konsey in fer zot resers zot analiz lo sa dimoun, zot war poudir i *meet* sa kriter. *Then* i kapab ganny konsidere pou li ganny anrezistre koman en *professional member*. Me definitivman pa tou *draftsmen* ki pou kapab antre anba la.

E parey mon dir sa Lalwa i pa pou *draftsmen*. I annan provizyon pou bann *draftsmen* ki mannyer zot pou kontinyen travay. E sa i zot pou ganny regularize anba bann regilasyon ki i Konsey li menm apre i ava met ater.

Antretan ki sa bann keksoz pe arive, sa group dimoun ki nou apel *draftsmen* zot pou kontinyen travay parey ki zot pe travay konmela. Mersi.

MR SPEAKER

Thank you. Ok nou ava rebran Onorab Andre.

HON CLIFFORD ANDRE

Mersi Mr Chair. Mr Chair parey mon ti pe dir, dan nouvo 21 dezyenm laliny apre *"final year of"* nou pou fer li *"his or her"* nou pou *insert "his or her studies"*. So nou pe fer li *gender neutral* dan sa konteks.

I pou annan *renumbering* dan seksyon (2) 21 (2). Dan nouvo 22 trwazyenm laliny nou pe sizere ki i vin *"registered professional member"* nou pe *insert* lo trwazyenm laliny.

Akoz i pa kapab aköz manner i ti pe aparet. I ti aparet “*registered*” ti annan *member* nou ti'n tir “*member*”. *But it was in reference to the professional member AG.*

Sa ki nou'n diskite lo la taler. Zis pou fer sir nou ganny le byen. *New 22.*

MR SPEAKER

Tou i kler. AG ou pou adres sa?

THE ATTORNEY GENERAL MR FRANK ALLY

Thank you. Mr Chair the idea was to put construction professional.

Because what it says is that every person registered under this Act. So ou pou register koman en construction professional ouswa alternatively a professional member. So, we can use any of the two. So professional member is ok.

MR SPEAKER

Onorab Andre ou pe ...?

HON CLIFFORD ANDRE

Ok par lefe Mr Chair ki nou pe fer construction professional. So kefwà nou ava met li ‘practice as a registered construction professional’ zis pou gard sa consistency ladan. Ok mon ava kontinyen.

MR SPEAKER

Ok si i kler pou -. Onorab Georges?

HON BERNARD GEORGES

Wi Mr Chair mon ti anvì sipòrt sa propozisyon ki “*registered construction professional*”. Mon ti anvì zis fer kler ki *word “member”* ki ti'n ganny delete en vye *draft* e ki pa ti'n ganny en lot keksoz met dan son plas ranplase par en lot keksoz.

Prezan nou'n nepli bezwen sa mo ‘*member*’. So i pou zis ‘*practice as a registered construction professional*’. Mersi.

MR SPEAKER

Thank you. Onorab Andre back to you.

HON CLIFFORD ANDRE

Mersi Mr Chair. *Renumbering* i kontinyen lo 2. Letan nou ariv lo nouvo 26 ki anba “*Certificate of registration and valid licence as prerequisite to practice*” anba 26 (4) *towards the end of the first line*, nou pou met “*or graduate member*” nou pou delete “*or associate member*”.

Nou kontinyen avek *renumbering* Mr Chair. E letan nou ariv lo 27(5) i ganny delete konpletman enkli ki 27(6). Sa i fer ki nou kontinyen avek en *renumbering* aköz ansyen (7) pou vin nouvo *sub (5)*. Nou kontinyen, *renumbering* i kontinyen. E dan nouvo 28.

MR SPEAKER

Hold on en moman silvouple. Onorab Pillay wi.

HON SEBASTIEN PILLAY

Mersi Mr Chairman. Mon ti ava kontan ki nou *pause* en pti kou zis pou mon kapab klarifye seksyon nouvo 27, an-ski konsern *section 4*.

E i dir *in section 4* nou pe dir “*a registered professional member, or graduate member*” ki i en “*public officer employed by a corporate member*” pa bezwen *obtain en licence*.

Mon pe prezimen ki largiman i se ki lefe ki Gouvernman li menm avek sa *corporate member* i annan en *licence*, then sa dimoun i bezwen en *licence*.

Me isn't the whole point of the law to ensure ki pe operate as a professional i annan en *licence* pou li kapab fer sa ki i pe fer?

Savedir mon pe en keksoz anba *licence* en lot dimoun. Eski mon pa pe ouver en laport pou bann *foreign firms*, fer antre bann *foreign construction professional*, ki zanmen ganny en *licence* me ki anrezistre e ki *travay* toultan pou sa bann dimoun?

E prezan zot *travay* pa kapab zanmen ganny *captured* byen. Aköz nou *monitoring capacity* pou *monitor* tou sa bann dimoun. Eski ozordi nou konfidan *Planning Authority* i annan *capacity* pou *monitor* tou sa bann konpanyen?

MR SPEAKER

Panel.

HON SEBASTIEN PILLAY

I do not understand mon. Aköz si ou pe dir tou dimoun i bezwen annan sa *licence*. Ou pa kapab kre en derogasyon. *Whether* ou pe *travay* lo ou tousel, *whether* ou pe *travay* Anba en *firm* ou bezwen annan en *licence*.

Aküz *this is the prerequisite* pou ou ganny apele en *construction professional* anba sa Lalwa. *Otherwise* nou pe ouver laport pou etranze antre e pran *travay*, pran louvraz Seselwa en?

MR SPEAKER

Thank you. Panel i ava adrese silvouple. Onorab Andre i le adrese avan- wi?

HON CLIFFORD ANDRE

Zis avan *panel* i tackle sa. Mr Chair mon pe zis sey konpran en pti pe konsern ki Onorab Pillay i annan. Si i kapab gid nou aköz in dir nou nouvo 27 (4).

E si mon konpran, si mon pe get byen nouvo 27 (4) i dir “*a graduate member may use the word graduate engineer, graduate architect.*”

Sorry, 26 (4) ok. Ok mon ava zis pas. Ok Mr Chair si i 26 (4).

MR SPEAKER

Panel wi AG?

THE ATTORNEY GENERAL MR FRANK ALLY

Mon krwar, i paret *unless* ki petet mwan ki *wrong*. Mon krwar ki, bon en profesyonnel i pou premyerman bezwen anrezistre anba sa Lalwa koman en *construction professional*. Evantyelman si sa profesyonnel i anvi fer en aktivite komersyal, *then* i pou bezwen rod en *licence*.

Par kont sa profesyonnel i pou kapab, i pa pou bezwen en *licence* si i pe travay avek Gouvernman oubyen en *public body*. Definisyon *public body* i dan *Interpretation and General Provisions Act*. Oubyen si i pe travay avek en *registre* -, i pe travay avek en *corporate member*.

E pou en *corporate member* kapab ganny en *licence*, sa *corporate member* pou bezwen annan dan son *employment* enn sa bann profesyonnel.

I pa pou kapab ganny en *licence* si i napa enn sa profesyonnel. Anfet i preski menm provizyon ki annan anba *Licenses Act*.

Kot si ou pe fer *architectural technician* oubyen *architectural technician* koman en *corporate body*. Pou ou kapab fer sa, pou ou kapab ganny en *licence* ou bezwen annan enn sa dimoun ki annan sa kalifikasyon.

So, mon pa war li vin en problem. Parey Onorab *Leader* Lopoziyon son konsern se ki, sa i kapab fer ki bann etranze i kapab vini.

Pou en etranze kapab vini e pratike i pou bezwen ganny en *Gainful Employment Occupation Permit*.

E si i anvi vin travay dan sa *corporate body*, i kapab ganny anploye li koman en teknisyen oubyen, me pa koman en profesyonnel.

Setadir i pa pou kapab siny sa plan, sa rapor lo *behalf* sa *corporate*, sa *corporate member*. So, mon pa war okenn difikilte. Mersi.

MR SPEAKER

Yes CEO.

CEO ANGELA SERVINA

Mersi Mr Chairman. Zis pou azout lo sa ki AG in fer resorti. Sa provizyon ki nou'n mete dan sa seksyon la i osi sorti direktaman kot bann profesyonnel zot menm.

Letan nou ti *meet* avek zot ti annan sa demann aköz asir tou bann *corporate members*. *Well* bann profesyonnel ki vwar poudir zot pou anrezistre. Zot war zot, zot pou tonm dan sa kategori letan Lalwa i pase.

Zot war nesese aköz zot anploy en kantite dimoun. E pa neserman ki sa *registered professional* ki'n anrezistre avek zot ki zot anploye. Ki i vedir ki i pou *meet* sa kalifikasyon nesese, pou li kapab pe *submit* plan oubyen donn sa rapor konsernen.

Alor zot ti fer sa demann avek nou, pou pran kont poudir zot anploy bann dimoun ki pa neserman pou pe *submit* plan oubyen pou pe *supervise* sa *final design*.

Zot ti pran par egzanp en zenn ki fek vini sorti liniversite, ki i pa ankor gannnen sa kalifikasyon ki i bezwen pou li travay li tousel.

So, zot ti fer sa demann avek nou pou met li. Fer sa provizyon pou met li koumsa. En mannyer ki zot ava kapab travay, pa neserman ki sa dimoun i bezwen sa *licence*.

Me selman i ava kapab travay anba sa sipervizyon. Mersi.

MR SPEAKER

Yes Onorab Pillay.

HON SEBASTIEN PILLAY

Mersi Mr Chairman. Mr Chairman ler zot ti prezant sa bann diskisyon sa *S.I* ki dil avek *opening services sector* an-ski konsern konstruksyon, pa ti ankor pase.

Ok, pa ti ankor vin devan Lasanble aköz ti'n ganny *quashed*. Mon ki ti anmenn Mosyon pou *quashed* sa *S.I*. Ozordi dan sa sekter nou'n ouver tou. *Movement on natural person*. Saverdir dimoun ki le vin fer *architectural services* i kapab vin fer anba sa *WTO Agreement* ki nou annan ozordi. *Engineering services* i kapab vin fer, *quantity surveying whatever*. *Civil engineering services* i kapab vin fer.

Now my argument mwan, i se ki *ok* si ou pou *capture* li anba *GOP* napa problem. Be selman *then that does not also mean* ki i senp mon rod en *corporate licence and then* mon fer vini *maximum* dimoun. Mon fer vini kantite dimoun ki mon anvi travay avek.

You open - you open the system to an abuse. *Now*, mon konpran ou largiman vizavi en zenn ki fek kalifye aköz i pou pri li. *There would not be anywhere* pou li ale aköz i pa ankor ganny sa *requisite experience* pou li ganny sa *licence*.

Mon konpran *but we can still make a derogation* pou en zenn. Aköz ou'n fer en derogasyon pou en zenn ki ankor liniversite pou en *provisional registration*.

Mon pwen mwan i se ki mon konsernen par lefe ki si ou annan en lenstans, kot ou annan en sityasyon ki pe defavoriz nou bann profesyonnel lokal.

Now they did not know this when this was being drawn up. But now it is the case now. *So, they would have to compete with foreign firms*.

So, whether they feel comfortable with the way things are. Si ou'n dir mon zot ki'n dir, *then I have to go to what according to* sa ki ou'n dir mwan.

Be selman mwan mon'n al lo rikord pou met mon konsern devan. *I do not want to argue a point down* Mr Chairman, *let's move on* lo la.

MR SPEAKER

Bon nou ava *move on*. Onorab Gill.

HON CHURCHILL GILL

Zis mon oule *highlight* en konsern lo la. Fason ki in ganny fer, i pa'n limit lakantite dimoun ki kapab vini pou antre, si zot pa Seselwa. I pa'n limit. Savedir i *unlimited*. Demen nou kapab vwar nou dan en pti *market* avek en kantite dimoun ki pe fer sa kalite profesyon, e mazorite zot ki pou vini i pou kalifye. Aprezan nou bann dimoun pou ase kwense *given the size of the market*.

Zis mon ti oule kosyonnen vi ki napa lakantite ki antre, *then* i ouver pou sa pti market si nou pa fer atansyon. Mersi.

MR SPEAKER

Mersi. *Panel* i oule adres sa konsern. *Yes CEO*.

CEO ANGELA SERVINA

Mersi Mr Chairman. Si petet ou permet mwan Mr Chairman, sa *S.I.* ki zot pe koz lo la ki Onorab pe koz lo la, i pa zis en nenport ki dimoun i kapab zis antre. I annan en kantite bann kondisyon ki vin avek. Mon krwar Onorab Cosgrow ti lo sa Komite li osi letan nou ti pe *review* - wi avek Onorab Mondon - letan nou ti pe *review* tou sa bann kategori.

I pa zis en zafer ki zis ouver ki tou dimoun i kapab vini. I annan bann strik kriter ki bezwen ganny *meet*, avan ki par egzanp en etranze i antre.

So, nou santi ki i annan bann diferan staz, kot zot pase zot ganny *filter* avan ler ki zis zot antre. I pa en keksoz ki zis etranz pou kapab zis antre, komans travay Sesel. Non, i annan en kantite restriksyon, kondisyon ki vin avek. Mersi.

MR SPEAKER

Mersi. Bon *short of an amendment*. Mon krwar Onorab Gill i bezwen aksepte sa enn leksplikasyon. Kot nou ete la? *Anybody else?* Onorab Georges.

HON BERNARD GEORGES

Mersi Mr Chair. Mr Chair, mon pa konpran akoz sa i en *registration process*, apre ou annan en *licencing process*. Me par lao tousala ou annan en *GOP*. Ou pa pou zanmen ariv pou ou *register*, oubyen pou ou *get licenced* si ou pa ganny en *GOP* pou travay. So, mon pa vwar ki mannyer nou krwar ki si nou les li ouver pou *registration* ki otomatikman okenn dimoun pou sot sa *step GOP*. *It's just not going to happen*. Mersi.

MR SPEAKER

Thank you. Onorab Pillay ou ankor lo la ? Nou a terminen silvouple.

HON SEBASTIEN PILLAY

Mersi Mr chairman, mon dernyen pwen.

Mwan mon pou fer li dan en fason pli senp. *Ok?* Akoz i pou annan bann regilasyon ki sipoze vini apre. I pou annan bann dimoun ki

pou *engage* ek sa Konsey. Mon kestyon mon adres pou zot, si zot satisfè avek lakantite *GOP* ki pe ganny donnen dan Sekter Konstriksyon, e anski konsern bann profesyonnel dan Sekter Konstriksyon, *then by all means we go with what* sa ki pe pase.

Be si zot pa satisfè avek sa, *then* antre lo sa konsey e sezi sa loportinite pou zot fer sir poudir zot *set up* bann striktir, parey *CEO Planning Authority* in dir. Si zot bezwen azout ankor lezot keksoz, zot fer li.

Akoz sa ki mwan mon konnen from mon leksperyans pou mwan Mr Chairman, koman en *teacher* par egzanp ki kalifye Sesel, si ou pou al *teach* Ostrali, en pe letan pase ou ti bezwen al *teach* dan en lekol an deor *Metropolitan area* avan ou kapab menm vin *teach* dan *Metro area*.

Dan tou pei ler nou profesyonnel i ale, ou bezwen pas atraver en striktir, en sistenm. Mwan sa ki mon pe dir, *given* sirkonstans ki nou ladan ozordi, nou bezwen regard en pti pe ki mannyer nou, nou regard nou bann profesyonnel. *That's it, that's my final word* lo la Mr Speaker.

MR SPEAKER

Thank you. *Ok*, mon krwar nou'n pas ase klerman lo sa pwen. Onorab Andre i a kontinyen.

HON CLIFFORD ANDRE

Mersi Mr Chair. Mr Chair mon krwar letan nou pe get sa ki nou fek diskite, lentansyon Lasanble, so, i a ganny reflekte dan bann regilasyon e ki fer ki i ava pran an konsiderasyon sa bann keksoz ki nou dir.

Lo nouvo 28 Mr Chair. *28 (1)(b)* nou oule *insert "in the"*. Met *"the" after "in"*.

Lo dezyenm. *Sorry, 28(2)* i pou *read* koumsa *"A person who contravenes this section. shall be liable on conviction to a fine of level 2 on the standard scale unless the person" nou pou insert "who employed such construction professional who is neither registered nor has a valid license"*. E lo laliny ki swiv nou pou *delete "the person"* kot i pou lir *"that he or she"*. E ansuit nou pou *delete* a lafen sa laliny *'person employed as a'* e nou pou osi *delete 'complaint'*. I sipoze vin *'compliant with subsection 26'*. Sa i sa *renumbering* ki pou ganny fer.

MR SPEAKER

Thank you. Mon swiv ou. *AG*.

THE ATTORNEY GENERAL MR FRANK ALLY

Mersi Mr Chairman. Mr Chairman, mon krwar petet ti a bon nou re vwar sa sou-seksyon. Mon ti ava propoze ki i lir koumsa. *' A person who contravenes this section shall be liable on conviction to a fine of level 2 on the standard scale, unless the person who employed such person who is neither registered nor has a valid licence can*

prove that he or she had reasonable cause to believe that the person who he or she employed was compliant with section 2”.

MR SPEAKER

Bann Manm in swiv sa nouvo *wording*?

THE ATTORNEY GENERAL MR FRANK ALLY

With section 6. Thank you.

MR SPEAKER

I annan en pe sanzman lord, en pe soz la. Eski Manm pou bezwen propoz en lamannman. Onorab Andre?

HON CLIFFORD ANDRE

Mr Chair, kekfw *AG* si ti a re lir ankor en pti kou, akoz mon pe sey swiv, mon'n mank dernyen bout mon krwar.

THE ATTORNEY GENERAL MR FRANK ALLY

Mersi. Mr Chairman, rezon akoz petet mon oule tir sa mo *“construction professional”*, akoz definisyon *construction professional*. Apre, so i pou lir dan plas petet sa premye *construction professional* ti a bon met *“person”* – *“such person”*.

Prezan dan plas *“construction profession”* kot i *appear second time*, mon propoze *it should be ‘person who he or she employed’ rather than “a construction professional”* akoz sa dimoun i pa en *construction professional* li. In reprezant son lekor koman en *construction professional* oubyen dan lespri sa dimoun ki'n anploy li.

Akoz la ki nou pe fer, nou pe fer en lofans ki si par egzantp demen mwan mon anploy en dimoun koman en *construction professional* avek krwayans ki sa dimoun i en *construction professional*, me anfet i pa en *construction professional*, then si mwan mon annan rezon pou mwan krwar poudir sa dimoun i en *construction professional*, then mon pa komet sa lofans.

Me par kont si avek tou *connaissance de cause* mon anploy en dimoun, ki mon konnen par egzantp i pa en enzenyer, selman mwan mon fer li fer mon plan e i soumet mon plan, then nou komet en lofans. Mersi.

MR SPEAKER

Mersi. Bann Manm? Onorab Andre.

HON CLIFFORD ANDRE

Mr Chair, mon konpran parfetman ki *AG* pe dir, selman zis mon ti a kontan ganny sa *wording* pou nou *SLO* osi anmase.

MR SPEAKER

Wi. Any? Okenn komanter? Mon pa konnen lekel ki pou propoz sa lamannman? Ou pou propoze?

HON CLIFFORD ANDRE

Mon ava propoz sa lamannman, me selman *AG* i bezwen lir sa *wording of* sa lamannman ki i pe propoze.

MR SPEAKER

Mannyer i oule li.

HON CLIFFORD ANDRE

Egzaktaman.

MR SPEAKER

AG mon konpran sa ki ou pe demande. Si ou lir *li the way it should appear*, Onorab Andre i a korize anmezir ou ale e apre i a kapab bouz son lamannman.

THE ATTORNEY GENERAL MR FRANK ALLY

Mersi Mr Chairman. I pou lir koumsa *“A person who contravenes this section shall be liable on conviction to a fine of level 2 on the standard scale, unless the person who employed such person who is neither registered nor has a valid licence. ‘licence i pou ‘c’ rather than ‘s’. ‘can prove that he or she had reasonable cause to believe that the person who he or she employed was compliant with section 2’.*

HON SEBASTIEN PILLAY

Ou le tir *construction ...*

(Off-mic)

THE ATTORNEY GENERAL MR FRANK ALLY

Yes.

MR SPEAKER

Wi, wi. Ou'n ganny sa ?

(Off-mic)

MR SPEAKER

Ok, Onorab Loze ti'n lev lanmen. Onorab si ou lo sa pwen nou a pran ou pwen vitman.

HON JOHAN LOZE

Yes Mr Speaker. Mr Speaker, be la ki sa kekyon sertifikasyon en dimoun ki en profesyonnel ou non pe *come up*. I pe leve la ki *the onus* i lo sa enn ki'n anploy li, pou konnen si i en profesyonnel ou non. E *previously to that* ti annan sa zafer bann ki'n ganny enporte i bezwen pas atraver bann *filter*, pou annan diferan *filter*.

Mr Speaker, *GOP* in ganny *evoked!* Nou dan en sityasyon dan sa pei kot *Retailers Association* pe dir ou i pe enport dimoun ek *fake* degre. So, *at the end of the day* lekel ki *ensure* ki sa bann *filter* i marse, pou protez nou bann profesyonnel Seselwa? Mersi Mr Speaker.

MR SPEAKER

Panel ou annan okenn komanter lo la?

THE ATTORNEY GENERAL MR FRANK ALLY

Mr Chairman, mon krwar sa *filter* pou ganny fer atraver *Council*. *Council*, pou ou kapab pratike ou pou bezwen premyerman ganny anrezistre par *Council*. So, pratike la, i pou ouswa anploye par en antite oubyen Gouvernman, oubyen fer en aktivite. E ler ou pou anvi fer en aktivite komersyal pas dan ou profesyon, la ou pou bezwen en *licence*.

So, i annan en - si mon kapab dir i annan rezistremman oubyen en kontrol. En kontrol de nivo ; - nivo premyerman lanrezistremman, dezyenmman *licence* pou bann ki anvi fer en aktivite komersyal.

Me pou ou kapab anploy en dimoun i pou bezwen premyerman ganny anrezistre. Setadir si en etranze, mon krwar *CEO Planning Authority* in fer kler - si en etranze pou bezwen, i anvi pratike koman en profesyonnel, i pou bezwen premyerman ganny anrezistre par konsey e apre ki la i pou kapab pratike.

So, pou li kapab ganny en *GOP*, i pou bezwen *meet* kriter Lanrezistremman Konsey. So, *once* ki in *meet* kriter Lanrezistremman Konsey, la sa anplwayer pou kapab rod en *GOP* pou li si sa anplwayer i ganny en *certificate of employment* avek Lanplwa pou anploy li.

So, sa mon krwar ki nou bezwen konpran ki mannyer en *GOP* i marse. Premyerman se en *certificate of employment* ki sa anplwayer i kapab anploy en *non seychellois* e apre la *GOP*. Mersi.

MR SPEAKER

Mersi, wi ok Onorab Loze, nou pa pou posed dan en gran largiman. Si ou le ankor en pti pe plis klarifikasyon?

HON JOHAN LOZE

Mon pa pou al fer largiman Mr Speaker. Mon oule zis dir alors i kler ki lentansyon se ki Konsey i pou, *GOP it will be subject to registration by the Council*. So, *Council* li i annan en *say upon the GOP process*.

Bon, mon swete ki i marse aköz ek *Retail Association* pa'n marse.

MR SPEAKER

Mersi. Wi, Onorab Pillay.

HON SEBASTIEN PILLAY

Yes Mr Chairman, fodre ki nou ganny en *statement* kler sorti kot Gouvernman lo la. Aköz *as it stands* mon pa krwar *GOP is contingent on the Council* la. So, *you are going to make it* ki - Ou pou al fer li ki mwan mon pe rod *GOP*, mon bezwen pas atraver Konsey avan ki mon ganny sa *GOP*. Sa ki ou'n dir Onorab *Attorney Zeneral*.

So, non. Be mwan mon oule ganny en *commitment* avek Gouvernman poudir *that will be*

the case from now on. So, ou pa ganny ou en konpannyen ki vin anploy en mason, ki dir ou mason i en enzenyer, ou mason i en arsitek, *whatever*.

Ou ganny ou en sityasyon avan menm ou anploy sa dimoun, sa Konsey ki pe dir poudir mon donn ou drwa pou rod - Ou ganny sans pou ou al rod sa *GOP* pou fer sa.

Sa ki bezwen kler pou nou, aköz nou'n ganny en *statement from Attorney Zeneral* ki nou bezwen fer sir, se sa lentansyon Gouvernman Mr Chairman.

MR SPEAKER

Mersi. *CEO* i oule adres sa pwen. *CEO Planning*.

CEO ANGELA SERVINA

Mersi Mr chair. Si petet mon eksplik en pti pe ki mannyer i pe marse la konmela. En lakonpannyen baze Sesel or mon pa konnen si i pa baze Sesel, i annan lentansyon anmenn en travayer etranze dan pei. Prosedir i deza la. Ki i fer? i bezwen fer en laplikasyon atraver *SIB* premyerman. I ganny *vet*, *SIB* i konsilte tou bann Lazans partou enkli *Planning Authority*, ki nou, nou get son bann *credentials*, lot, lot sepanman kwa, ki mannyer i marse. Si i ok, si i annord.

I annan ki nou refize osi, en bon pe. I annan ki nou dir i ok. Apre, apre tou sa bann *due diligence*, si son bann dokiman i annord la i *proceed* sa bout lanplwa pou *GOP*.

So, i *basically* i en prosedir ki parey. Ki prezan dan plas ki *Planning Authority* ki pou fer sa *due diligence*, i pou *up to the Council to do it*.

So, mon pa vwar kote gran problemn i vini. I zis ki nou bezwen fer sir ki *the due diligence is being done*. Mersi.

MR SPEAKER

Mersi. Bon. Yes Onorab Georges.

HON BERNARD GEORGES

Mersi Mr Chair. Mr Chair mon pa pe koz lo *GOP*, mon oule koz lo *the structure of 28 (2)*. Mon dakor avek propozisyon *Attorney Zeneral* e propozisyon ki lo latap. Me mon krwar ki i en pti pe lour *still*. I annan selon mwan en pe tro sa mo 'person'. I fer mwan mazin sa *statement Lord Bingham*, tou bann *legal drafters* ki dir, ou pa kapab drafe en fraz ki dir "*in these regulations, the word regulations means that such regulation as are made under these regulations*." E mon vwar nou pe al en pti pe dan sa direksyon avek' *persons*'.

E mon ti ava sizere ki kekfw nou kapab elimin en pe sa repetisyon sa mo ki annan 4 ou 5 dan sa *subclause*. E mon ti ava propoze ki nou dir, '*A person who contravenes this section shall be liable on conviction to a fine of level 2 on the standard scale, unless he or she can prove that he or she had reasonable cause to believe that the*

person employed as construction professional was compliant with section 26". Mersi.

MR SPEAKER

Ok, nou retourn. Non, nou pou bezwen terminen avek sa. Onorab Pillay ou pou adres sa ankor ?

HON SEBASTIEN PILLAY

Wi. Mr Chairman, mon krwar ki i enportan ki nou ganny keksoz kler. Akoz nou pe koz en sekter ki *involve* mouvman dimoun e dan sa sekter ki *involve* mouvman dimoun i annan pwen ki Onorab Georges in *raise* vizavi sa *clause*, ki mon a fer mon komanter lo la. Be i annan keksoz ki *CEO* in eksplik nou ki mon krwar i pou *confusing* pou dimoun.

Nou pe koz lo 2 keksoz la. Enn si ou pe *set up* en biznes, ou al kot *SIB* pou rod ou *GOP*. Me si ou pe fer vini en dimoun, ou pa nesese bezwen al kot *SIB*, ok ?

Me si ou pe dir mwan nou bezwen al kot *SIB*. *Step* ki mon oule klarifye avek ou aprezan, dan sa bann *steps*, par egzanp mwan mon en konpanyen konstriksyon, *right*? Mon pe fer vini en arsitek or en sa. Mon pa konnen si nou pe ganny li byen, ou dir mwan nou bezwen ale. Mon pa tro sir.

Be selman sa ki enteresan la, ok ? Avan ki sa konpanyen i ganny sa *GOP* pou sa arsitek ki pe vin travay pou li. Meton mon *Vijay Construction*. Mon *Sahajanand Builders* or mon *Hari Builders* or mon *Mahe Builders* or mon *whatever*. Ok?

Avan mon ganny sa enzenyer, mon ganny sa *GOP*, eski ou pe dir nou poudir sa dimoun i bezwen anrezistre avek sa Konsey avan mon ganny sa *GOP*? Sa ki mon pe klarifye Mr Chairman. Sa i enportan pou nou klarifye akoz pou dimoun kler kwa ki nou pe fer.

Mon dernyen pwen Mr Chairman, lo sa *clause* ki nou pe amande, mon pa tro ganny en konpran, akoz ki nou pa pe fer referans avek sa mo *construction professional* ki mon vwar in ganny *delete throughout*. So, sa i *drafting Attorney* Zeneral ki i santi poudir sa i meyer fason pou fer sa Lalwa vin pli konekte.

Be mon ti a kontan Mr Chairman, mon enplor ou, pou ki tou dimoun ler nou sorti la anndan i kler lo kwa sa ki nou pe koz lo la. Mersi.

MR SPEAKER

Ok. Nou annan 2 *issue* la, enn se prensip ki mannyer dimoun pou ganny konsider e lot se *wording* sa *clause*. Mon pa konnen si *panel* i anvi. *Yes CEO*, mon a les ou fer dernyen komanter apre nou a re pran *wording* sa *clause* silvouple pou nou kapab bouze. *CEO*.

CEO ANGELA SERVINA

Mersi Mr Chair. Onorab nenport ki profesyonnel ki dan sa Sekter Konstrikasyon, si i pe vin travay

dan pei, *Planning Authority* i bezwen ganny konsilte lo la avan ler ki i ganny *go ahead*, pou koman travay or *whatever*, *GOP*.

Swa nou ganny sa konsiltasyon atraver *SIB*, swa i atraver *Licensing Authority*. *Either way*, nou annan sa loportinite epou donn nou pwennvi, swa pou rekomande oubyen pou pa rekomande. E sa nou pe fer deza.

MR SPEAKER

Mersi. Onorab Andre ou pou re pran ou *wording* dan sa *clause* please.

HON CLIFFORD ANDRE

Mon ava demann Onorab Georges pou pran sa *wording*, apre si i nesese mwan mon ava propoz sa *wording*, akoz sa *wording* li i annan, mon pa'n ganny li egzaktaman parey i ti pe propoze. Mersi.

MR SPEAKER

Onorab Georges ou a re pas lo ou *wording*.

HON BERNARD GEORGES

Mersi Mr Chair. Mr Chair mon propozisyon i lir koumsa - 'subclause 2. "A person who contravenes this section shall be liable on conviction to a fine of level 2 on the standard scale, unless he or she can prove that he or she had reasonable cause to believe that the person employed as the construction professional was compliant with section 26".

E mo *construction professional* i la, dan en sel landrwa e non pa dan 2 landrwa.

MR SPEAKER

Thank you. Onorab Andre, oule propoz sa?

HON CLIFFORD ANDRE

En kestyon. Akoz nou bezwen met *that he or she*? Letan nou dir *he or she* and *that he or she*. Mon pe zis sey demande akoz nou pa al direk lo *he or she*, *ensidswit*.

So, sa i zis en... Letan mon pe ekoute ou a dir tro pros sa de *he or she*, me selman i annan en rezon kekfwa, mon kapab ganny en pti eksplikasyon. Zis pou nou fini ek sa. Mersi.

MR SPEAKER

Onorab Georges, eski ou bezwen sa *he or she* 2 fwa? Mon krwar ki pe demande.

HON BENARD GEORGES

Monn sey pa annan li Mr Chair, akoz i annan. Malerezman i bezwen prouve ki ti annan *reasonable cause*, alor nou retourn lo la. *Unless a person who contravenes, unless the person, wi* dan sa ka nou kapab.

Mon a propoz sa fraz swivan. "A person who contravenes this section shall be liable on conviction to a fine of level 2 on the standard scale, unless the person can prove that he or she had

reasonable cause to believe that the person employed as the construction professional was compliant with section 26". Mersi.

MR SPEAKER

Mersi. Onorab Andre ou satisfè ek sa?

HON CLIFFORD ANDRE

Mwan adopte sa, mon pe propoz sa *wording* ki Onorab Georges in proze la. Sa enn la. Mersi.

MR SPEAKER

Byen, nou kapab, nou kapab aksepte sa oubyen i annan okenn?

HON CLIFFORD ANDRE

I ok. Nou aksepte.

MR SPEAKER

Ok nou aksepte. Ok wi. *Carry on*. Kontinyen Onorab Andre.

HON CLIFFORD ANDRE

Mersi Mr Chair. Mr Chair prezan nou annan bann *renumbering* ki ganny fer dan nouvo 27. Dan nouvo 29 plito.

Mon pe zis gete si i annan lezot lamannman. Permet mwan en pti kou Mr Chair.

29 (2) dan 4em laliny, dan plas, i ti ekir "*had*" i pou zis ganny ranplase par "*have*." Nou kontinyen. *Renumbering* i zis kontinyen otomatikman, akoz bann ki noun *delete*.

Mon pe zis get ankor enn pti kou Mr Chair si nou annan okenn neseseite. Nou kontinyen ek bann *renumbering*, i desann e mon krwar, nou ti zis ariv lo kestasyon ki nou sipoze.

Onorab Pillay kekfwa ti kapab asiz enn pti kou. Letan nou ti ariv *establishment of the Appeals Board*. Mon krwar ti annan sa *issue* lo C42 (2) c, kot nou ti pe propoze e an prensip letan nou pe get bann *notes* ki'n ganny sirkile AG, i dir ki *Attorney Zeneral* in aprouv sa.

So si nou ti pe dir dan plas zis met a "*non-governmental organisation that represents the interest of the private sector*" nou ti pe demande akoz nou pa spesifye lekel, apre si sanze dan le fitir. Nou kapab vini sanze.

Nou ti sizere nou ti met *SCCI* dan sa konteks, akoz li ki pou le moman pe reprezant *private sector*.

So letan mon pe get *notes* i parey tin ganny agree par *Attorney Zeneral*. So, mon ti ava zis demand kekfwa *panel* pou klarifye sa. Konfirman oubyen-? Mersi.

MR SPEAKER

Panel. Yes AG.

THE ATTORNEY GENERAL MR FRANK ALLY

Mr Chair. Petet mon ti a kontan nou revwar 42. 41 (1). Sou seksyon 1 i dir "*There is an established*

and Appeals Board appointed by the Minister'. Dan souseksyon 2, petet dan plas "*The Appeals Board shall comprise a representative of*" mon ti a sizere si Lasanble i dakor ki "*The Appeals Board shall comprise of an Attorney at Law nominated by the Attorney General, rather than a representative of the Attorney General*".

Sa i donn en pe pli. En *wider option* pou *Attorney Zeneral* apwent nenport ki *Attorney at Law* lo sa *Board*. Lo sa *Board*, yes.

Dezyenm "*An officer of the Fair Trading Commission. nominated by the Chief Executive Officer of the Fair-Trading Commission. Apre 'A person from a non-governmental organisation that represent the interest of the private sector*". Apre si Lasanble i dakor, then pou bezwen annan en *consequential amendment* dan so seksyon 3, kot i pou lir "*Where the member nominated by the Chief Executive Officer of the Fair Trading Commission or the Non-Governmental Organisation is unavailable, then the Minister may appoint a person nominated by the Attorney General,*"

Depandan si sa i fer, i *find favour* avek Lasanble. Mersi.

MR SPEAKER

Ok, AG in fer plizyer sizesyon la. Nou a ekoute ki bann Manm i dir. Onorab Andre.

THE ATTORNEY GENERAL MR FRANK ALLY

Zis pou, Mr Chairman zis pou dir dan plas en '*Attorney at Law*' nou dir '*An Attorney at Law or a State Counsel*'. Mersi.

MR SPEAKER

Dan (a) alors en? Ou pe retourn dan (a).

THE ATTORNEY GENERAL MR FRANK ALLY

Non dan 4(2). Dan 4(2)(a). *That's right*.

MR SPEAKER

2(a) or 2(a). Yes, correct. Onorab Andre, yes.

HON CLIFFORD ANDRE

Mon konsern - mon konpran 4 (2)(a), 4(2)(b). Mon konsern se 4(2)(c). Akoz i *vast*. "*A person from a non-governmental organisation*". Lekel li? I annan plizyer, *that represents interest of the private sector*. So sanmenm sa ki nou ti dir. Annou al, akoz i annan tro bokou. Be prezan ki mannyer sa enn sa *non-governmental organisation* i dir be ok.

Sa enn lo sa lot ki devret la, ki mannyer in ganny mete lo la? So, mon santi annou pa kree en anbigite, oubyen en konfizyon ki pa nesese si nou spesifye.

Mon napa problemm avek en *non-governmental organisation*, be selman si nou spesifik lekel ki nou santi dan sa letan ki pe reprezant *private interest*, i ava vin enportan pou nou, i ava vin kler.

Akoz nou bezwen fer Lalwa ki kler. Nou pa kapab fer enn ki demen pou annan konfizyon oubyen pou annan en dimoun pe anmenn en lot Ankour, en lot antite Ankour. Mersi.

MR SPEAKER

Ok. Onorab Pillay ou tin lev lanmen anler taler ou ankor -? Onorab Gill ou ok?

HON CHURCHILL GILL

Mersi Mr Chair. Mr Chair premye pou (a) mon vwar ki la prezan *wording* in sanze. Mon krwar i pli enteresan ki ti ete dan plas otomatikman ti *Attorney General*.

Me selman pou (b) ki *Fair Trading Commission* mon *still* santi sa osi en zefor ti devret fer, akoz bann manm sa *Council* - bann manm ki anrezistre ek sa *Council*, si i annan okenn defo ki zot pe fer apart ki zot *Council* ki son *disciplinary Council* ki dan sa Lalwa, *Fair Trading* osi pou antre dan zwe si sa i al an deor.

Be apre selman lo *Appeals Board* nou vwar ankor sa *Fair Trading*. Konmsi la mon santi, petet dan plas *Fair Trading* ti devret petet en lot *body* ki asiz lo sa *Appeal*, pou montre sa lendepandans ant ler in annan en *case* parmi manm *Board* ki *Fair Trading* pe dil avek. Mon pa vwar *Fair Trading* pe osi dil dan *Appeals*. Mersi.

MR SPEAKER

Mersi, Onorab Pillay.

HON SEBASTIEN PILLAY

Mersi Mr Chairman. *So, let me get this straight*. Nou kree en *body* pou profesyonnel. Dir zot nou pe le profesyonnel *regulate* zot. *Then* Gouvernman i pran kontrol *Appeals Board*, i met son *dog hound in-chief*, pou propoz - en dimoun pou reprezante, *which is the Attorney General*. Akoz li ki *legal representative* Gouvernman. Li ki dil ek bann *case* Gouvernman.

Nou met *Fair Trading Commission* ki sa roten ki bat bann kontrakter, profesyonnel ler zot pann fer zot travay byen, akoz ou al konplent kot zot. Apre nou dir - e mon konpran pwen lo Onorab Andre - “*A non-governmental organisation*” nou kit li vag dan lanatir, nou pa dir si *SCCI*, nou pa dir si *CEPS*, nou pa dir si lekel.

Me par lo la ankor, lo seksyon 3 nou dir, kot sa bann reprezantan pa la, Minis, Minis i ava apwent okenn dimoun ki li i santi i *suitable*. Konmsi eski senserman nou krwar pou dir sa i demokratizasyon pouwar sa? Oubyen re konsolidasyon pouwar?

There’s no point nou pou annan en *Konsey of professionals* si apre nou fer en *Appeals Board* ki ganny *regulated by, quasi, quasi, Governmental, LED, any individuals, apart* ki en *non-gouvernmental organisation* ki parey Onorab Andre in dir, i vag.

So, I would like to understand the top process ki’n anmenn nou pou *constitute sa Appeals Board* koumsa, akoz pou mwan *it doesn’t make sense. It defeats the whole purpose of creating that Council in the first place*. Mersi Mr Chairman.

MR SPEAKER

Mersi. Onorab Georges, ou ti’n lev lanmen, ou ankor pe adrese?

HON BERNARD GEORGES

Senpleman *drafting* Mr Chair pa lo sibstans. Mon ava esper sibstans ganny fini avan. Mersi.

MR SPEAKER

Yes, Onorab Henrie?

HON GERVAIS HENRIE

Mersi Mr Chair. Mon siport propozisyon *Chairman Bills Committee*, akoz dan *Bills Committee* nou ti ensiste ki nou ti ava prefere war *SCCI* i antre dan sa Lalwa, akoz pour le moman ozordi Sesel koriz mwan si mon mal, i le sel lorganizasyon ki mon konnen ki reprezant lentere sekter prive.

So olye zis kit li koman en *non-governmental organization* nou met *SCCI*. *So* lo nou kote latab i annan en propozisyon ki kler. Lo lot kote latab mon pa *mind* avek zot propozisyon. Mon rapel lentervansyon Onorab Gill i ti koze lo sa zafer *Fair Trading*, akoz *then Fair Trading* i annan en konfli li, akoz i pou deza dan si sa zafer i al devan Tribinal, zot deza annan en lentere dan en *case* ki prezan demen i kapab vin kot zot ankor.

So, be solman mon ti ava demann Lopozisyon pou fer en propozisyon dan ka *of Attorney General* avek *Fair Trading*. Nou lo nou kote nou pe propoz *SCCI*. Mersi.

MR SPEAKER

Mersi. *Ok* nou bezwen rezourd sa. Nou annan plizyer pwen la. Mon a repas kot AG pou gete si i annan okenn komanter lo bann komanter ki’n ganny fer, avan nou pran bann *final propositions*. AG?

THE ATTORNEY GENERAL MR FRANK ALLY

Mersi Mr Chair. Mr Chair lo kote (a) avan ti annan en propozisyon ki pou an en reprezantan *Attorney General*. Nou pe propoze ki *Attorney General* i *nominate* en *Attorney at Law* oubyen en *State Counsel*.

Dan sa ka *Attorney General* pou zis *nominate* en dimoun, e sa dimoun i pa pou en reprezantan *Attorney General*. I pou azir dan son kapasite profesyonnel koman en Manm *Appeals Board*. Zis parey en Minis i apwent en dimoun, Prezidan i apwent en Ziz, oubyen sa dimoun *once* ki i ganny apwente i egzers son fonksyon.

Lo kote *Fair Trading* mon kapab konpran en pti pe konsern. Me selman i pou depan lo ki Manm, lo kote zofisye *Fair Trading Commission* ki CEO i pou *nominate*. E mon konpran ozordi *Fair Trading Commission* i *only* fer bann lanket e apre i pouswiv bann serten pratik devan Tribinal.

Me mon krwar *other than Fair Trading sorry*, lo kote *Fair Trading* osi sa zofisye pou zir dan son fonksyon koman en Manm *Appeals Board rather than* koman en reprezantan *Fair Trading*. So i kapab ki en zofisye *Fair Trading* ki annan serten konpetans dan *consumer protection* i asiz lo sa *Board*.

So i pa pou azir koman en reprezantan *Fair Trading Commission*, me senpleman i ganny nominen par Komisyon. Mersi.

MR SPEAKER

Onorab Georges.

HON BERNARD GEORGES

Mersi Mr Chair. Mr Chair mon ti a kontan fer de refleksyon. Premyerman zis in sertenman mon pratik e mon krwar *Attorney General* in fer sa pwen zis avan ki mon'n pran laparol, ki okenn dimoun - e sa in sertenman mon leksperyans - okenn dimoun pe enport kote in sorti ler i ganny apwente lo en *Appeals Board*, i vin en diferan dimoun konpletman. I pran en manto. Pou mwan sanz en pti pe en dikton Franse, *l'habit fait le moine*.

Osito ki ou pran sa rol ou vin en lot dimoun. E mon pa vwar personnelman gran problemm avek atribisyon bann dimoun ki ganny apwente. Akoz mon konnen ki ler zot ganny apwente e ni Minis ni sa bann dimoun ki pou sizer sa bann manm, pa pou sizer nenport ki. Zot pou pran konsiderasyon sa bann dimoun ki kapab desarz sa fonksyon. Sa se premye pwen.

Dezyenm pwen, annou regarde en pti pe ki sa *Appeals Board* pou fer;- sel keksoz si nou retourn en pti pe an aryer e nou regard bann seksyon bann *clause* zis avan 42, nou ava vwar ki se *Appeals Board* pou regard okenn sa bann dimoun sa bann *construction professionals* ki swa i annan en mezir disipliner ki'n ganny pran kont zot, swa zot in ganny sispann, swa zot pa pe ganny anrezistre oubyen zot in fini ganny anrezistre zot in ganny tire lo *register* akoz en keksoz ki'n zot in fer.

Donk *very narrow*, sa *Appeals Board* pa pe antre lo eski sa enzenyer i neglizan dan son bann *design* ki'n fer en *building* tonbe, eksetera. Sa se pou Lakour, sa se pou *Fair Trading Commission as such*. Alor i zis en kestyon anrezistrem or non anrezistrem *very narrow*.

E se pour sa rezon, mon ti a demann avek mon bann koleg dan sa Lasanble, pou re regard en pri pe sa *draft*, akoz mwan mon war li i byen balanse.

Fair Trading i zwe en gran rol dan egzaktman sa ki i fer *Fair Trading*. *Attorney General*, bann Avoka eksetera, i toultan se pa akoz mwan mon enn, me i toultan bon ki dan sa bann lenstans Apel i annan en dimoun ki annan *at least* en konesans Lalwa. E sertenman mon toutafe dakor ki se ki sekter prive i bezwen ganny reprezante.

Alor mon ti ava sizere ki nou pa *depart from (a)* ek *(b)* e mon ti ava sizere pou *(c)* olye li met nou lekor avek *SCCI*, annou gard sa konsep *NGO*, sa konsep *CEPS*, akoz i annan kekfw lezot *NGO* ki ti ava bon lo la. Mon pe mazin en Linyon, par egzanp oubyen en Asosyasyon Anplwayer oubyen en keksoz koumsa. Alor mon ti ava sizere pou *(c)* ki nou mete: -

“A *person from a non-governmental organization that represents the interest of the private sector*” deza in ganny limite *that represents the private sector* ki include *SCCI* “*nominated by the Chief Executive Officer of CEPS*” par egzanp. Alor *Attorney General* i ava *nominate* en dimoun *Fair Trading Commission* i ava *nominate* enn e *CEPS* i ava *nominate* en trwazyenm. Mersi.

MR SPEAKER

Mersi. Mon pe sizere nou pran sa bann pwen enn par enn e nou *settle* lo zot, koumsa nou ava kapab konnen kote nou dakor e kote nou pa dakor. Premye eski Onorab Andre i a *lead* sa soz? Premye dan *(a)* ki nou pe mete? Wi *Attorney General* in propoze *subject to subsection 3* the *Appeals Board shall comprise (a)* -

HON CLIFFORD ANDRE

Wi Mr Chair. *Attorney General* ti'n propoze ki *an Attorney at Law or a State Counsel*, AG korek? *Nominated by the Attorney General*.

MR SPEAKER

Bon, okenn obzeksyon lo sa enn? Yes, Onorab Pillay.

HON SEBASTIEN PILLAY

Mersi Mr Chairman. Mr Chairman *going by recent experience* Sesel i pa *l'habit fait le moine, le moine fait l'habit* konmela Sesel. Akoz in sanze konteks mannyer dimoun i fonksyonnen *once* ou ganny apwente dan en pozisyon dan sa pei konmela. E mwan sa ki mon konsernnen avek, *ok*. nou'n vwar nou sityasyon kot menm ler en dimoun i vin dan sa sez la anler, i en konpletman en lot dimoun, mou konpran? so nou bezwen vey nou, nou.

(laughter)

HON SEBASTIEN PILLAY

So ki nou bezwen fer nou Mr Chairman nou bezwen veye ki arive nou. *Ok?* So si ou pe dir mwan *Attorney General*, me eski par egzanp koriz

mwan si mwan mal sa dimoun pa kapab anmenn son desizyon *for judicial review*.

E ler i anmenn son desizyon *for judicial review* lekel ki Avoka ki reprezant sa Konsey vi ki i en konstityan Gouvernman? I *Attorney General*. Be pa ou ki pou bezwen defann sa Konsey, *unless* si sa Konsey i al rod en lot Avoka? Mon pa ganny en konpran ki mannyer ki nou bezwen *Attorney General* ki pe nonm en dimoun i pe *nominate* en dimoun lo sa *Board*. Mon pa war li i fer sans.

Attorney General i Avoka - i *advisor* Leta. La *Attorney General* pe rod tou lentere Leta li, i pa pe rod lentere kontrakter li! I pe rod kontak profesyonnel li! I pe rod lentere Leta - lentere Gouvernman li!

So mwan mon problem se ki i pe *nominate* dimoun pou rod lentere Gouvernman. Mon a propoz sanzman Mr Chairman, akoz i pa *Bar Association* ki pe *nominate*, si nou oule *Attorney at Law*, fer *Bar Association* nonm en *Attorney General at Law*, senp! Mersi.

MR SPEAKER

Bon. Nou a pran en vot lo la si nesaser. Me san en propozisyon, nou pa konnen ki direksyon nou pe ale. So premye propozisyon nou pa konnen ki direksyon nou pe ale. So premye propozisyon, Onorab Andre?

HON CLIFFORD ANDRE

Mr Chair. Mwan mon ti pe dir ki *Attorney General* in propoze. Me selman si avek konsantman *panel*, si i pou ede pou nou bouz devan, mon ti pe al sizer sa ki Onorab Pillay in sizere *an Attorney at Law nominated by the Bar Association*, akoz *Bar Association* i kapab apwent en lot dimoun ou konpran?

En *Attorney at Law*, akoz nou'n fini met ek kalifikasyon ki sa dimoun i bezwen annan. So si - (i pa akoz in ganny dir laba ki nou pa annord Onorab). So mwan mon pe propoz sa, mon pa konnen ki *panel* i annan pou dir *an Attorney at Law nominated by the Bar Association of Seychelles*.

MR SPEAKER

E annou zis regarde si sa i *meet* lentansyon *panel* dan sa ki zot oule dan sa Lalwa, apre Manm i a kapab adrese. AG oubyen *panel*?

THE ATTORNEY GENERAL MR FRANK ALLY

Mersi Mr Chair. Mr Chair kwa ki i enportan pou nou, akoz nou'n sanz nou pozisyon pou rezon ki ti annan bann rezervasyon kot ti annan bann reprezantan.

So nou'n propoz *Attorney General* pou li *nominate* en *Attorney at Law* oubyen en *State Counsel generally*. Me si Lasanble li i santi poudir zot prefere en lot Lotorite oubyen *body* pou *nominate* en *Attorney at Law* or a *State Counsel* to

the Minister, then that's the prerogative of the House. Mersi.

MR SPEAKER

Ok. Ki mannyer nou pou desid sa? Eski Manm i annan okenn lot lopinyon lo si i devret *Attorney General*, oubyen si i devret *Bar Association* pou nou kapab konnen ki nou pe fer desizyon lo la. *Anything else*? Onorab Andre.

HON CLIFFORD ANDRE

I dir dan labsans okenn lezot lopinyon, mon pe propoze Mr Chair pou nou avanse ki nou met (a) koman *an Attorney at Law nominated* nou kapab met an *Attorney at Law* or a *State Counsel nominated by the Bar Association*. Mersi.

MR SPEAKER

Ok. Yes, Onorab Georges.

HON BERNARD GEORGES

Mon pa dakor avek sa propozisyon Mr Speaker. Pa akoz mon annan okenn keksoz kont *Bar Association*. Me i pa en asosyasyon premyerman ki regroup lansanm nou bann Avoka isi Sesel e sa set en problem. I annan, mon pa konn statistik me i posib ki pa menm lanmwaye bann Avoka isi Sesel pa Manm *Bar Association*.

Alor i pa selon mwan, ase reprezantatif. *Attorney General* i annan en lot sapo li ki i mete ki personn pa, ki nou pa vwar souvan. E sa se *he is the Leader of the Bar*. Se li ki Sef tou bann avoka i pa zanmen servi sa prerogativ or at least sa enn ki isi la pa'n zanmen servi sa prerogativ.

Me *the Attorney General being the Leader of the Bar* mon krwar *as well as* Minister Piblik, *as well as Government Legal Advisor*, i kapab servi son prerogativ *as Leader of the Bar* akoz *he leads the whole Bar*. Me non pa zis Manm *Bar Association*. E li i ava dan en pli bon plas - selon mwan - pou li *nominate* en dimoun pou sa rol. Mersi.

MR SPEAKER

Mersi. Onorab Loze.

HON JOHAN LOZE

Mersi Mr Speaker. Nou komans lo premye ziske *Bar Association whether* i reprezantatif of tou Manm, i ase *benevolent* koman en lasosyasyon dizon. E mon krwar koman Lasanble Nasyonal i enn nou *ambit* se pour limit pouwar ki kapab koz labi dan la gouvrenans. Ozordi nou pe koz lo Mr Frank Ally moman *Attorney General*.

Demen nou pa konnen lekel ki pou asiz dan sa sez nomen ouswa plase la par lekel Prezidan. So otan ki posib silvouple, annou kontinyen dan tradisyon Onorab Ferrari, kot nou kontinyen demokratiz pouwar, limit konsantrasyon pouwar dan lanmen Gouvernman e ouver la gouvrenans dan en ka

fason pli lib e zis, atraver bann Lalwa ki nou pase dan Lasanble Nasyonal.

That being said Mr Speaker mon krwar i annan en Mosyon devan Lasanble Nasyonal Mosyon in *seconded* Mr Speaker.

MR SPEAKER

Nou pa ankor mon pa ankor konnen lekel Mosyon in segonde, sa nou a revin lo la.

HON JOHAN LOZE

Mosyon ki'n ganny mete par *Chairman Bills Committee*.

MR SPEAKER

Nou a revin lo la. Mon problem la.

HON SEBASTIEN PILLAY

(Off-Mic)

MR SPEAKER

Sorry? Yes?

HON SEBASTIEN PILLAY

Avek ou permisyon Mr Chairman, mon ti a kontan demann ou en kestyon lo prosedir Lasanble. Nou tou nou'n fer vatevyen lo sa bann lamannman, an sibstans. Si nou tou nou anvi zeste e debout dan *ring* pou nou sa, *ok?* Mon koleg - mon ilist koleg Onorab *Leader Zafer Gouvernman*, i annan en Mosyon pou lamannman ki ganny *move* e i pa fer premye fwa sa i arive.

Apres i vini fer komantr i pa dakor avek sa propozisyon. Me petet Onorab mon ti ava enplor li fer son komantr ki i pa dakor, avan i nou ariv lo fer sa propozisyon lamannman.

Onorab Andre in *move* en propozisyon lamannman, Onorab Loze in segonde. So annou vot lo sa amannman. Senp! Senp! Si nou pa dakor nou pa ava dakor - si nou kite, nou kite, *then* nou a *move on and we do the next thing*. Vwala Lasanble i fonksyonn koumsa, napa okenn lakoler oubyen okenn problemm avek personn, nou zis fer sir poudir nou bouz dan sa direksyon.

E pour konklir Mr Chairman, me si Onorab ilist Onorab Georges pe dir nou poudir nou gran koleg *Maitre Frank Ally*, i dan sa *Bar* fer si sa *Bar* i dan problemm, mon pa krwar *Leader Bar* ki dan problemm, me i pa en bon komantr pou pase lo *Leader Bar Association* ki *Bar Association* eksetera, eksetera.

So mon krwar i enportan so prosedir nou'n ganny lamannman Mr Chairman mon met tou keksoz dan ou lanmen, annou gete si nou kapab vot lo sa lamannman. Mersi.

MR SPEAKER

Mersi. Mon problemm se ki amannman pou komans avek? Si sa enn in ganny propoze *originally first?* Si sa senn ki Onorab Andre in

ariv avek, si en lot. Onorab Andre mon a les ou adrese kekfwa ou a kapab ed mwan dan sa desizyon.

HON CLIFFORD ANDRE

Mr Chair sa bann ekspoze ki'n ganny et a nou lentansyon la apre midi bann ki enteresan. So si *Attorney Zeneral* i Sef *Bar*, alors annou mete ladan *an Attorney at Law appointed by the Bar*. So i Sef *Bar* i apwent *Bar*, akoz demen i kan sanze.

So ki mon konpran largiman ki pe ganny fer se sa non *Attorney Zeneral* ki la. Ou konnen mon santi mwan osi kekfwa par lefe ki sa Konsej pou en Konsej ki *regulate* sa bann profesyonnel e si zot pa ganny anrezistre e sa i senpleman si nou pa ganny anrezistre parey ou'n dir, alors ki zot kapab fer en *Appeal* devan en *body* ki zot santi i ava pran konsiderasyon zot bann pwen ki zot pe met devan.

So mon pa krwar ki nou devret pas bokou letan lo la. Me selman wi, nou bezwen fer en keksoz ki byen. Alors i malere ki nou dir poudir *Bar Association* i pa konpri bokou lezet, akoz mwan mon ti'n vin zwenn li la. Mon mazin i ti la avan mon ti la.

So parey nou pe dir taler i annan sa Lord Bingham mon krwar ki'n dir tou bann *'registration in registration outside the registration, inside the registration office.'* So annou fer li en pe byen ki nou kapab bouze.

Solman mon pe sizere ki nou mete e *Bar Association* is a *recognized body* isi Sesel. Ziska konmela i pa ankor ganny *challenge* kekfwa i annan *challenge* pe vini. Me selman pou nou bouze, mon sizere ki nou met *an Attorney at Law or a State Counsel appointed by the Bar Association, or simply the Bar of Seychelles*. (Pa in dir ou li ki Sef)?

MR SPEAKER

Ok, lefe ki *Attorney General* in dir poudir sa ti ava akseptab pou li, mon a kapab pran sa koman amannman ki pe ganny propoze e nou a kapab pran vot lo la. Onorab Andre in fek rezim sa amannman, eski nou a ganny segonde? Si sa annenn Onorab Loze ti pou segonde wi.

HON JOHAN LOZE

Yes, Mr Speaker *amendment seconded*.

MR SPEAKER

Mersi. Eski Manm i kapab vot lo la silvouple? Wi, Manm ki an faver lev lanmen? mersi. *Ok* ou'n gannyen Madanm Clerk? Silvouple mon a demann bann Manm pou re vote. Manm ki an faver silvouple lev lanmen? Mersi. Manm ki kont? Manm ki kont lev lanmen silvouple? Mersi. Lo sa amannman lo *clause 42* mon krwar - wi - 12 Manm in vot pour, 6 Manm in vot kont e 12 in *abstain*. Donk, sa lamannman in aprouve par Lasanble.

Bon, nou bezwen zis kontinyen e rebran menm prosedir avek lezot, dan (b) Onorab Andre i oule rezim pozisyon lo (b)?

HON CLIFFORD ANDRE

Wi Mr Chair. Mon krwar (b) ti annan 2 issue li sa wording e aprezan si Fair Trading Commission i bezwen lo la. So mon pa konnen ki mannyer nou pou rezourd sa - si nou pou rezourd de premye the first limb which is:-

Is Fair Trading Commission bezwen lo la oubyen en lot antite? So mon krwar si nou pas sa hurdle apre nou ava pran en wording, an term kwa ki pou ganny mete la Mr Chair. So-

MR SPEAKER

Well. Mon en pti pe trakase akoz sa i bann substantial amendments. Si nou pou tir en body lo Appeals Board, mon en pti pe trakase ki sa bann substantial amendments pa'n ganny propoze avan. Onorab Henrie?

HON GERVAIS HENRIE

Wi Mr Chair zisteman mon ti oule note ki napa en propozisyon on the floor, pou ranplas Fair Trading malgre largiman ki Onorab Gill ti avanse dan son prezantasyon lo merit sa Bill. E mwan mon rekonforte avek largiman ki LGB in pouse pou dir vre letan en dimoun i pran en pozisyon, i tenir sa responsabilite baze lo pozisyon li i ladan.

So pou Onorab Pillay osi aret fatig mwan avek sa zafer Sekreter Zeneral letan mon la, mon MNA Mont Buxton. Mersi.

(laughter)

MR SPEAKER

Non, non, non, non, non silvouple! Ok sorry be i annan en propozisyon ki'n ganny sizere, se ki Attorney General ti sizere ki sa wording i vin an off koriz mwan Attorney Zeneral: - "An official or the Fair Trading Commission." So eski oule rebran sa Onorab Andre?

HON CLIFFORD ANDRE

Wi Mr Chair. "An official appointed by the CEO of the Fair Trading Commission" se sa ki Attorney Zeneral. Egzaktaman sa. non Attorney Zeneral? Zis pou nou konfirm sa wording. Mersi.

MR SPEAKER

So ou aksepte sa amannman ou?

THE ATTORNEY GENERAL MR FRANK ALLY

Yes. Mr Chairman it was: - "An officer of the Fair Trading Commission nominated by the Chief Executive Officer of the Fair Trading Commission".

MR SPEAKER

Onorab Andre ou'n sezi? Ou adopte.

HON CLIFFORD ANDRE

Wi Mr Chair. I ok.

MR SPEAKER

Ok. Onorab Georges.

HON BERNARD GEORGES

Mersi Mr Chair. Mon pa krwar ki nou bezwen repet of the Fair Trading Commission en dezyenm fwa. Mon krwar si nou zis dir an officer of the Fair Trading Commission nominated by the Chief Executive Officer, i kler CEO lekel ki pou apwente. Mersi.

MR SPEAKER

Ok. Napa lot komanter? Sa amannman i kapab ganny segonde? Onorab Hoareau. Yes.

HON JOHN HOAREAU

Mon segonn sa amannman. Mersi.

MR SPEAKER

Ok. So i zis, well sa ki ou pe dir i se ki i en amannman ki nou kapab zis aksepte si personn pa obzekte. No objection? Ok nou a kapab aksepte si-. Onorab Andre.

HON CLIFFORD ANDRE

Yes. Mr Chair. A non-governmental organization, ou konnen ti annan sa proposal 'non-governmental organization that represents the interest of the private sector nominated by the CEO of CEPS.' Mersi.

MR SPEAKER

Sorry, eski mon kapab pwent en anomaly premye (a) i dir: - "An Attorney at Law or a State Counsel that it names a person".

(b) i dir: - "An officer of the Fair Trading Commission.

Trwazyenm, "a non-governmental organization" it doesn't fit. "A representative" Onorab Andre ou kapab met sa. Yes.

HON CLIFFORD ANDRE

Mr Chair si nou met representative a kwa fodre nou tir li anler. Akoz i dir "The Appeals Board shall comprise" - fodre nou dir "The Appeals Board shall comprise of". Nou tir sa "representative of" anler dan chapeau nou ava met dan (c): -

"A representative of a non-governmental organization". Mwan mon prefere nou met koumsa "representing the interest of the private sector nominated by the CEO of CEPS." Mersi.

MR SPEAKER

Ok sa i propozisyon. Okenn komanter lo la? Onorab Pillay.

HON SEBASTIEN PILLAY

Mersi Mr Chairman, Mr Chairman mon komann Onorab pou sey rod en solisyon, akoz mwan osi mon pe war lenpas ki nou ladan. E nou ti a kontan alert *CEO Planning Authority* lo sa konsern ki sa i kapab *raise*.

Si ou dir *representing the interest of the private sector, let's assume it's in the interest of a private sector*, pou *allow* sirtou ler nou pe koz *private sector we have to define what we mean by the private sector*. Eski *we mean private sector in relation to construction, private sector in relation to construction professional*?

Let's assume ki zot pran form en lasosyasyon bann *construction professional*. Akoz si nou pe kit li koman *private sector then it creates* en, i kapab kre en sityasyon kot *you don't want vested interest to come in*. Akoz *which body* ki anmenn *private sector* ansanm? Ozordi mon krwar nou tou nou konn primordyalman *SCCI* nou pa pou konn lezot.

So mon pa konnen prezan ki lentansyon Gouvernman, ler zot pe koz en *representative of the private sector*. Akoz sa ki Onorab pe dir avek *CEPS whilst* i byen, i riske kre en ... akoz *CEPS* i regroup lezot antite avek lezot lentere, ki petet napa naryen pou fer avek sa lentere ki la.

So mon pa konnen si Mr Jitesh vi ki ou ki nou *resident expert* dan konstriksyon, ki ou pe sey *mean* la avek sa zafer *private sector*? Lekel ki oule anmenn pou anmenn en keksoz ladan?

Mr Chairman mon ti a kontan petet mon pa war en reprezantan *Seychelles Qualifications Authority* par egzantp. Akoz mon nonm li, se akoz en problem ki pe arive ek *registration* i pe kapab arive lo pwennvi kalifikasyon. I kapab ariv lo pwennvi en keksoz ki relate ek abilite sa dimoun. Ou konpran?

So mon ti a kontan konnen akoz ki nou pe fer li koumsa, e ki lot opsyon Gouvernman i pare pou zot propoze, ki ava al dan laliny ki sa bann dimoun dan sa sekter pe rode.

MR SPEAKER

Yes, Onorab Georges?

HON BERNARD GEORGES

Mr Chair mon bezwen proteste. Onorab taler fek *remind* nou ki i annan en prosedir dan Staz Komite, e sa prosedir dan Staz Komite se pa ki nou demann okenn kestyon, oubyen ki nou vin avek en nouvo lide lo ki mannyer *GOP* i ganny donnen, eksetera.

Taler mon'n reste trankil, me Onorab in *remind* mwan taler regard *Order 72* ek *73*. Nou pa kapab antre dan lespri Mr Jitesh Shah a sa moman. Tousala ti devret ganny fer depi avan e adrese ler nou ti pe adres merit sa *Bill*. La nou bezwen deside lo si lekel sa dimoun ki pou reprezant *private sector*. Alor annou annan en propozisyon kler.

It has to be SCCI, fine nou al lo *SCCI* e egzaktman parey nou fek fer ek *Bar Association*, or *it has to be* en dimoun ki ganny *nominate* par *CEO CEPS*, ki enn mon propozisyon me *not cast in stone*.

Mon krwar nou bezwen ak direktman lo sa ki nou bezwen fer a sa moman. Sansan sa ki nou pe fer la nou pe fer en *Cabinet meeting* pou revwar sa ki *Cabinet* in fini deside e ki'n anvoy devan nou. Mersi.

MR SPEAKER

Mersi. Onorab Henrie.

HON GERVAIS HENRIE

Mersi Mr Chair. Mon pou retourn lo propozisyon ki mon ti siporte avan ki orizinalman *Chairman Bills Committee* ti'n fer e sa ti propozisyon ki ti'n ganny fer depi dan *Bills Committee*, e pou nou met *SCCI* la. Akoz *SCCI* i reprezant lentere sekter prive. Napa en lot groupman ozordi Sesel. E ler nou pe koz sekter prive nou pe koz bann profesyonnel ki pe dayer *run* bann biznes dan tou sa bann sekter, bann *professional constructions*. Zot bann biznes zot, zot bann biznes, zot sekter prive.

So aprezan sa louvertir ki nou pe dir, sa partenarya, mon vwar i asiz byen la kot Gouvernman i ava envit zot pou zot annan en *say* dan fason ki zot sekter i ganny zere ou ganny sipervize. *Now*, tou respe ki mon annan pou sekter non-gouvernmental *NGO*, be zot plito get bann zafer sosyal, lanvironnman, lot, lot, lot.

E si ou regard byen malgre i annan bann sekter par egzantp plonber, elektrisyen, ki pe fer bann lasosyasyon, me zot afilyasyon i plito toultan avek *SCCI as oppose* ki *CEPS*. So mon ti ava enplor Lasanble pou nou plito met *SCCI* la dan plas *CEPS* e nou bouze. Mersi.

MR SPEAKER

Yes, mon a les *panel* adrese. Wi *CEO Planning*.

CEO ANGELA SERVINA

Mersi Mr Chair. Zis petet pou klarifye. Rezon akoz ki letan nou ti pe diskite, nou ti pe rod bann propozisyon pou sa *Appeals Board*, nou pa ti met *SCCI* direktman. I akoz *SCCI* i la ozordi demen si *SCCI* pa la, ki arive?

So nou'n kit li en pe ouver, en mannyer ki nominasyon i sorti dan en levantay landrwa petet. Pa neserman restrikte li a en lorganizasyon. Mersi.

MR SPEAKER

Mersi. Mon pou retourn lo sa pwen ki nou bezwen en propozisyon amannman pou nou kapab desid lo la. *Sorry* mon pa konnen lekel ki ti'n lev lanmen avan. Onorab Andre wi?

HON CLIFFORD ANDRE

Mr Chair mwan mon ti pe al fer en *proposal*. Mon ti a propoze ki nou mete *representative of the SCCI*. Dan (c) i senp e i *straight forward*. E demen si parey CEO in dir SCCI i nepli egziste, Lalwa i dinamik li, vin avek Lalwa nou ava amande, nou ava met IECC, si sa lepok i vin IECC, i apel IECC oubyen ki mannyer i apele. So nou ava met sa. Solman mon pe - "... a representative of the SCCI". Mersi.

MR SPEAKER

Bon sa amannman i annan omwen benefis - klarite i kler lekel. Eski Manm i kapab aksepte sa? Onorab Georges.

HON BERNARD GEORGES

Wi e non Mr Chair. Mon ti anvi pran sa propozisyon CEO Planning akoz i vre, mon osi mon ti pou al fer menm propozisyon lo CEPS akoz CEPS i ozordi e demen i riske vin LUNGOS or whatever parey nou ti annan avan.

Alor mon ti ava sizere ki si nou pe al avek SCCI ki nou dir: - "A representative of the Chamber of Commerce ok, or of the principal Chamber of Commerce in Seychelles" ki les li ase vague me ki pa nail nou down to en Chamber of Commerce known as SCCI. Akoz malgre ki i dinamik Lalwa, nou pou get stuck si en zour i annan en sanzman. Donk se sa ki mon ti anvi zis sizere. Mersi.

MR SPEAKER

Sa propozisyon i devan lasal. Onorab Pillay.

HON SEBASTIEN PILLAY

Mersi Mr Chair. Mr Chair mon pa ti a kontan ganny vwar koman mon pe fer en kot Cabinet, mwan mon napa pouvwar pou fer en lot Cabinet. Dayer Sekreter Zeneral LDS - I mean Onorab Henrie sorry - Onorab Henrie in fer kler propozisyon.

Mr Chairman annou get byen ok? Ozordi konbyen Lalwa ki mansyonn SCCI, plizyer Lalwa aprouve dan sa Lasanble anba the watch of Onorab Leader Zafer Gouvernman ok? Napa naryen mal pou dir SCCI, be ozordi pa mon war Mr Bastienne lo plizyer - li i Chairman ozordi - lo plizyer Komite pe koze?

So mon pa war naryen mal ek propozisyon Onorab Andre mwan. Nou kit li senp SCCI. And then akfer nou bezwen dir Chamber of Commerce? Nou tou nou konnen poudir ki SCCI i acronym for Seychelles Chamber of Commerce and Industry.

Now, si bann profesyonnel i santi poudir this is not the case then, nou we come in and then we change the law and then sanz ler in ler pou sanz nou move on. Akoz nou pou kontinyen debat lo la, debat lo la e fer letour. So mon propozisyon in fini ganny fer so mwan mon pa war problem ek sa propozisyon i zis fer li pli kler.

So annou regarde si pou annan segonnman e nou pou vote lo son bann propozisyon.

MR SPEAKER

Onorab Henrie.

HON GERVAIS HENRIE

Mon segonn propozisyon Mr Chair, me mon ti ava prefere nou al avek wording ki LGB in donnen, akoz ozordi par egzanp NGO i annan de platform;- NGO i annan CEPS, apre i annan en lot ki Mr ki reste Anse Dejeuner la i ansarz, selman i annan 2. So sa propozisyon ki li in fer i ava eklersi si li demen i annan en lot platform private sector. Mersi.

MR SPEAKER

Mon konnen Speaker pa devret soz, selman zis permet mwan pou komante ki si ou dir the principal Chamber of Commerce an se moman i endik SCCI. So i kapab sa osi. Mon pa tro konnen lekel amannman mon pou mete to the vote. Onorab Andre mon a les ou.

HON CLIFFORD ANDRE

Mr Chair mwan mon dir annou fer sa ki annan Sesel ozordi. Ozordi Sesel i annan SCCI ki anrezistre annou met SCCI. Demen i annan en lot principal ki vini, nou ava -. Lalwa nou a amann li, nou a sanz. Ozordi mwan mon pe poze ki nou mete representative from the Seychelles Chamber of Commerce ki SCCI and Industry. Mersi.

MR SPEAKER

Mersi. Manm in pare pou vot lo la? Nou a ganny en segonde. Sorry Onorab Georges pe konteste?

HON BERNARD GEORGES

Non mon pa pe konteste Mr Chair. The House will vote, me dan (a) ek (b) nou'n annan en nomination. E dan sa enn nou pe zis dir a representative.

Eski nou devret swiv lord e dir nominated by its Chief Executive Officer or whatever? Mon pe zis propoz sa pou Onorab Andre. Mersi.

MR SPEAKER

Onorab Andre ou kapab aksepte sa amannman la?

HON CLIFFORD ANDRE

Wi mon napa problemm avek aksepte sa lamannman me selman nou pou bezwen ganny sa wording of sa ki Mr Bastienne i ete ozordi. Mon krwar i Chairperson of SCCI. So nou kapab mete "appointed or nominated by the Chairperson of the SCCI" it's the same thing. Mersi.

MR SPEAKER

Ok. Nou'n ariv lo sa propozisyon, eski mon ganny en segonnman? Onorab Hoareau.

HON JOHN HOAREAU

Mr Chair mon segonn sa propozisyon. Mersi.

MR SPEAKER

Mersi. Manm ki an faver i a vote silvouple, lev lanmen? Mersi. Okenn Manm ki kont? *Thank you. Sorry* Manm ki'n vot kont? Napa person. Lo amannman ki'n ganny propoze lo *clause 42 (2) (c)* 24 Manm in vot pour 0 kont e 5 in *abstain*.

Bon kot nou ete la? Nou pe kontinyen. Lekel ki'n -? Onorab Andre – wi?

HON CLIFFORD ANDRE

Mersi Mr Chair. Mr Chair dan savedir dan *subsection 23 ...*

MR SPEAKER

Sorry avan ou bouze mon pa konnen si Onorab Georges ti ankor lo menm landrwa, apre mon war Onorab Larue in lev lanmen mon a pran li en pti moman.

HON BERNARD GEORGES

Mersi Mr Chair. Mr Chair mon ti anvi zis konnen pou benefis bann ki pe *track* sa sanzman, *what exactly was the phrase* ki nou'n vot lo la? Mersi. Akoz mon pa krwar ki nou'n konn li klerman. Mersi.

MR SPEAKER

Ok. Onorab Andre ou a rebran silvouple pou klarifye.

HON CLIFFORD ANDRE

Mersi. *"A representative of the Seychelles Chamber of Commerce Industry nominated by its Chairperson"*.

MR SPEAKER

Ok. Ti kler pour tou sa? Ok. Yes?

HON SEBASTIEN PILLAY

Mr Chair mon oule *raise* en *matter of privilege* akoz i paret mwan poudir nou servi bann bout dan Lalwa kan i *suit* nou. E la nou'n annan en gran deba lo *SCCI - Board SBC* fek ganny apwente.

And you are part of the appointment process of the Board of the SBC. Ladan i mete poudir Mr Harry Tirant ok, la mon'n lir byen - Mr Harry Tirant nominated by the Seychelles Chamber of Commerce and Industry. Sa i ok sa. So nou'n fek annan nou en whole debate. So mon ti a kontan konmsi ki for the benefit of everybody stop trying to zis hoodwinked everyone!

Konmsi pou sey *lead* nou *astray* zis akoz ou'n ganny ou pwen.

MR SPEAKER

Ok. Ou'n fer ou en *SCCI* in ganny servi dan lezot landrwa mon note. Onorab Georges.

HON BERNARD GEORGES

Yes Mr Speaker. Mon fek ganny akize mon pe *hoodwinked*. Nou pou zis aksepte sa? Mon bezwen aksepte en dimoun lev son lanmen zis akoz i dir i annan en *matter of privilege* i pa fer en *matter of privilege* e i servi sa zis pou li -

MR SPEAKER

Wi mon'n aksepte. Mwan mon problem se ki si en manm i lev son lanmen mon pa konnen e i dir *matter or privilege* mon krwar i pe al dir en *matter of privilege*. E mon pa kapab deside avan, me selman mon'n dir Onorab - Ok mersi.

Mon'n dir Onorab Pillay *yes* mon rekonnent son pwen ki *SCCI* i aparet dan lezot Lalwa, *that's good*. Onorab Larue kote ou ti oule fer en pwen? Oubyen mon'n tronpe ou pa ti'n lev lanmen.

HON FLORY LARUE

Wi mon ti'n lev lanmen ou pa ti'n tronpe Mr Speaker. Bonn apre midi Mr Speaker. Bonn apre midi *panel*. Mr Speaker ti sote nou'n al direk kot 40 ekek me dan 33, 32 pou *professional indemnity insurance* i en seksyon la ki entrodwir en Lasirans ki Minis pou bezwen deside pou *authorized* en klas, ouswa en kategori pou pran.

E mon ti a kontan si *panel* i kapab klarifye, ki i annan konversasyon ki'n ganny fer avek bann biznes lasirans pou fer ki bann ki tonm dan sa klas i kapab zwenn sa kriter, ki Lalwa pe demande letan Lalwa i vin anfers silvouple. Mersi.

MR SPEAKER

Mersi. *Panel* i annan en pwennvi. Mr Shah.

CEO JITESH SHAH

Mersi Mr Chair. Mersi Onorab. Onorab sa *professional indemnity insurance* i egziste ozordi deza. I en keksoz ki nou menm nou ler mon pou koz dan mon leksperyans personnel, pou rod bann proze ki nou, nou fer lo lapar Gouvernman, kot nou bezwen rod konsiltan. Nou ensiste poudir zot annan en *professional indemnity insurance* pou kouver zot pou sa louvraz ki zot pe fer pou nou.

I osi vre poudir kefw a i pa en prodwi ki renonmen pou le moman dan lendistri. So sanmenm sa nou ti met sa propozisyon poudir i la koman, i pa pe ganny gete dan Lalwa *well*, i pe ganny mete dan Lalwa, i pa pe ganny *enforced* depi dan komansman li menm.

Nou'n met en propozisyon pou li kapab ganny anmenen. Enn fwa ki i *Council* li menm enn fwa ki in *set-up*, i ava annan sa loportinite pou ki koz avek annan *insurance companies* pou fer sir poudir *there is a consistent product out*

there pour sa bann profesyonnel. So provizyon i la pou li kapab ganny entrodwir apre par Minis.

MR SPEAKER

Mersi. Bon sa in klarifye. Onorab Andre up to you sitey nou kot nou'n arive la?

HON CLIFFORD ANDRE

Mersi Mr Chair. Mr Chair nou lo nouvo 42(3) ki pou bezwen ganny re worded akoz bann lapwentman ki'n ganny fer lo Appeals Board. So nou pou bezwen dir: -

“A representative of the Fair Trading Commission or SCCI - I mean Seychelles Chamber of Commerce and Industry, is unavailable to sit on The Appeals Board for any reason, the representative may be substituted by an additional representatives nominated by the Bar Association”,

Mon pe zis sizere akoz nou ti'n dir zafer Attorney General anler Bar Association *“or by such other suitable person that the Minister may appoint.”* Sa i en proposal akoz nou'n fer sa sanzman anler nou bezwen gete ki mannyer nou sanz sa pou li suit avek sa ki anler. Mersi.

MR SPEAKER

Wi. Mersi. Napa obzeksyon? Next one Onorab Andre.

HON CLIFFORD ANDRE

Mersi.

MR SPEAKER

Yes, Onorab Georges.

HON BERNARD GEORGES

Mr Chair nou pou annan en pti problem akoz Bar Association i pou nonm sa enn ki li, en reprezantan of sa enn ki li in nonmen. Me mon pa war li annan Lotorite pou li nonm enn kot ki SCCI in nonmen fodre ki SCCI ki nonmen, fodre SCCI ki nonm son reprezantan.

Avan sa i ti fasil akoz se Attorney General ki ti pou nonm either or -, me la prezan ki nou'n sanze eski nou pou les Bar Association to nominate a representative, a substitute member of SCCI osi? Mon pa krwar.

MR SPEAKER

Wi panel. Eski panel i annan en lopinyon? Onorab Pillay wi.

HON SEBASTIEN PILLAY

Mersi Mr Chairman. Mr Chairman le pwen i se ki sa clause i aplike dan lenstans kot sa bann dimoun devan pa'n kapab ganny nonmen. Ok? I annan de ladan. So nou pe koz Fair Trading Commission or non-governmental organization. Ok? So Attorney General dan sa konteks la i pa the same context as in ler i pe apwent sa manm

ki Bar Association pe apwente. It's deferent ou ganny en konpran? I zis additional representative akoz sa de ki lo la lo komansman pa available.

So I think it will be better to leave the clause as is. Akoz sa i pe fer referans avek sa 2 antite Fair Trading Commission e non-governmental organization. Ou konpran? Petet ou kapab tor sa mo “additional representative of The Attorney General.” E kit li zis: -

“A representative of the Attorney General” en dimoun ki ganny nominated by Attorney General apre *“any such other than any suitable person”* ki Minis pou nonmen dan sa ka mwan mon pri, akoz ou bezwen fer sa Appeals Board marse, si napa sa bann dimoun lo la. Sa i vin in case of sa bann keksoz lo komansman pa marse.

MR SPEAKER

Mersi. Onorab Georges.

HON BERNARD GEORGES

Alor Mr Chair mon pe propoze si nou al an konsansis that the clause reads: -

“Where a representative of the Fair Trading Commission or Seychelles Chamber of Commerce”, is or are – Anyway – “unavailable to sit on the Appeals Board for any reason, the representative may be substituted by” epi nou koup sa bout *“such other suitable person that the Minister may appoint”*. Akoz i pou vin temporary.

MR SPEAKER

Thank you. So, i a kapab swazir enn ant sa bann. Onorab Andre sa i meet ou kriter?

HON CLIFFORD ANDRE

Yes, Mr Chair. Ok. Okenn obzeksyon? AG wi ou kapab donn ou pwennvi.

THE ATTORNEY GENERAL MR FRANK ALLY

Thank you Mr Chair. Mr Chair mon krwar i enportan pou nou pa kre en implied ekspektasyon poudir sa Manm ki ganny apwente i en reprezantan sa lorganizasyon. I ganny nomen par sa lorganizasyon. E parey Onorab Georges in dir i azir dan son konpetans avek son konpetans e dan son kapasite koman en Manm.

Mwan mon ti a sizere petet vi ki nou'n sanz anler, nou dir *“where the member nominated by Fair Trading”* eksetera *“is unavailable to sit on the Appeals Board for any reason, then the representative may be substituted by”* egzaktaman parey Onorab Georges in dir *“(somebody suitably) a suitable person that the Minister may appoint”*.

Sa i a anpes annan en lenpas e sa sou seksyon in ganny mete pour anpes annan en lenpas kot desizyon pa ganny pran. Prezan li Minis li i a deside lekel ki i anvi konsilte, pou li kapab deside pou li kapab met sa an plas. Mersi.

MR SPEAKER

Mersi. Onorab Andre.

HON CLIFFORD ANDRE

Mr Chair mon dakor avek propozisyon e lide *Attorney zeneral*, me selman i ti kapab donn nou sa kler pou nou *SLO* anmase, fer sir ki dan Lalwa i reflekte sa ki nou, nou krwar i devret pe dir. Mersi.

MR SPEAKER

Mersi. *Attorney General* ou ti a kontan repas lo *wording* an antye silvouple pou li kler pou bann Manm?

THE ATTORNEY GENERAL MR FRANK ALLY

Thank you Mr Chair. Mon sa bout ki mon pe propoze se “*where a representative*” – “*where the member nominated by*” menm si nou pa servi sa mo “*member*” la me selman *it would be a member of the, yes*, i pou vin *the majority members*.

So “*where a member nominated by the Fair Trading Commission or the SCCI is unavailable to sit on the Appeals Board for any reason*” then Onorab Georges i a kontinyen avek sa propozisyon ki li in vin avek. Mersi.

MR SPEAKER

Onorab Georges.

HON BERNARD GEORGES

Wi, *taking up then* -- nou kontinyen “*the representative may be substituted by such other suitable person as the Minister may appoint.*”

MR SPEAKER

Thank you.

THE ATTORNEY GENERAL MR FRANK ALLY

... *presentative*, akoz nou oule tir ‘*representative*.’

HON BERNARD GEORGES

Sorry then sorry. Eskiz mwan “*the member may be substituted*” *excuse me*, “*the member may be substituted by such other suitable person as the Minister may appoint*”.

MR SPEAKER

Ok. Sa mon krwar in ganny *consensus* en pe partou enkli *panel*. *No objection* ki nou adopte li? Ok. Mersi. Onorab Andre *next point*.

HON CLIFFORD ANDRE

Mersi Mr Chair. Nou annan zis bann *renumbering* ki kontinyen. Mon a gete si nou annan okenn. Wi letan nou ariv kot 51 *powers to make regulation* nou annan en *insertion after (f), (g)* e i lir koumsa; “*regulating the employment or supervision of graduate members*”.

MR SPEAKER

Lopinyon *panel* avan nou al kot Manm?

HON CLIFFORD ANDRE

Ki fer ki apre nou *re alphabetize* bann lezot ki swiv avan kekfwa ou al kot *panel* Mr Chair, letan nouvo (l) ki (v) ek (a) ki pou ganny *deleted completely* li. Mersi.

MR SPEAKER

Yes. An atandan *panel* nou a pran pwen Onorab Georges.

HON BERNARD GEORGES

Non Mr Chair mon war nou'n sot 45, ‘*general offences*’, mon vwar i annan enn de lamannman la eski i annan? Dan mon kopi 45(d) mon vwar apre dan (h) mon vwar i annan amannman.

MR SPEAKER

Ok, Onorab Andre ou kapab adres sa silvouple?

HON CLIFFORD ANDRE

Lo mon kopi ki pou ki mwan mon annan ki mon ganny anvoye napa. E mon pe get lo pou Onorab Hoareau osi menm zafer so kekfwa *LGB* i kapab gid nou. Permet mwan, mon ava get en pti kou lo pou Onorab Naidu e Onorab Naidu osi menm parey.

So nou lo *Bills Committee unless* i annan en lot ki'n ganny sirkile ankor, ki pa dan nou latansyon. Mersi. Kefwa Onorab Georges i kapab pas lo sa ouswa dan detrwa lamannman ki in dir. Mersi.

MR SPEAKER

Wi, Onorab Georges mon pe remarke ki i annan en pe problemm avek sa ki la koman amannman, akoz zot pe sanble repetitif avek sa ki la deza. Si mon kapab donn ou legzanp (d); “*knowingly being unqualified to conduct any construction services*” – “*conducts any such service.*” Ok.

HON BERNARD GEORGES

Sa ki nou, nou annan me avan ki mon pran laparol mon ti krwar Onorab *LOTO* ti'n lev lanmen avan mwan Mr Chair. *Well* si ou sed laparol mon a pas laparol ek li.

HON SEBASTIEN PILLAY

Non Mr Chairman mon remerci Onorab. Mon osi mon annan menm keksoz ki Onorab pe dir mon war de lamannman lo (d) ek (h), sa enn ki ou fek lir la apre i annan en dezeynm kot (h) ki dir “*having being duly summoned to appear.*” Mon annan sa de mwan.

HON BERNARD GEORGES

Dan sa ka les mwan *move* sa de *amendment* Mr Chair.

MR SPEAKER

Yes, Onorab Georges.

HON BERNARD GEORGES

Dan (d) mon *move* en pti amannman pou azout at the end of the current 'd' "conducts any such service". So i vin en lofans for "knowingly that you are unqualified to conduct any service you go ahead and conduct such service."

E dan (h) i zis en *drafting* kot nou tir dan dezyenm laliny "having being duly summoned to appear" e nou met li o komansman. So that it reads; "having being duly summoned to appear refuses of fails without good excuses to appear at a hearing of a Disciplinary Committee." Mersi.

MR SPEAKER

Ok. Mon krwar sa i pa sanz *material* soz, i fer li kler. Any objection? Bon nou'n aksepte sa de lamannman non nou a avanse. Onorab Georges next.

HON BERNARD GEORGES

Pandan ki nou lo la Mr Chair mon vwar ki en pti pe pli boner dan *clause* 35, e i posib ki menm rezon mon vwar ki *Leader, sorry Chair of Bills Committee* pa'n pran en lamannman ki aparet lo mon versyon. 35, *clause* 35(4) dan dernyen laliny. I annan en *insertion 'having been' -2* mo.

Nou'n sote taler, alor mon ti ava propoze ki nou fer sa *insertion*. Mersi.

MR SPEAKER

Dakor *ok done*. Ou'n ariv kot nou ti'n arive la Onorab Georges? Kote ou ti'n arive Onorab Andre?

HON CLIFFORD ANDRE

46. *Just renumbering*.

MR SPEAKER

Wi.

HON CLIFFORD ANDRE

51 *rather* nou ti'n lo 51 nou ti dir *insertion of (g)* apre *deletion of new (l)* so sa ki nou ti lo la, la Mr Chairman.

MR SPEAKER

Mersi eski *panel* in *ok* avek *insertion (g)*? *Ok no problem*.

HON CLIFFORD ANDRE

Apre Mr Chair.

MR SPEAKER

Hold on en pti kou mon pe zis tyek ek *panel* pou *deletion* sa lot la prezan. *Deletion (l) panel* in aksepte *ok*. Mersi.

HON CLIFFORD ANDRE

Mr Chair. Apre i annan par lefe ki nou ti'n fer 14 *insertion of a Schedule* i zis sa *Schedule* i aparet *construction services (a) architect, (b) engineer e (c) surveyor*. And that's sa se tou bann lamannman ki annan. Mersi.

MR SPEAKER

Ok. So sa 3 dan *Schedule* Manm pe note (a), (b), (c)? *Thank you*. Nou'n ariv a lafen Onorab Andre? *Thank you*.

Bon, be avek sa nou'n aksepte bann amannman e nou a kapab prosede avek *Third Reading*, nou a retourn dan Staz Lasanble. Onorab Arissol li pou fer Mosyon pou *Third Reading*, Onorab.

HON SANDY ARISSOL

Mersi Mr Speaker. Anvi mon ki ti loter *Bill* komans *Bill*. I en plezir pou mwan anmenn Mosyon pou *Third Reading*. So, anba nou *Standing Order 76(1)* Mr Speaker mon oule *move* ki *Bill Construction Professionals Council Bill, 2022 as amended* i ganny lir en Trwazyenm Fwa. Mersi.

MR SPEAKER

Mersi. Nou a ganny segonnman. Onorab Esparon.

HON REGINA ESPARON

Mersi Mr Speaker. *Motion has been seconded*.

MR SPEAKER

Mersi. Manm ki an faver lev lanmen silvouple lo *Third Reading*? *Thank you*. Manm ki kont? Mersi.

Lo *Formal Third Reading Construction Professionals Council (Amendment) Bill, 2022 as amended*, 21 Manm in vot pour, 0 kont, e 8 in *abstain*. Donk sa *Bill* in aprouve par Lasanble. E mon apel Madanm Clerk pou fer *Third Reading*.

MADAM CLERK

Mersi Mr Speaker. *This Act may be cited as the Construction Professionals Council Act, 2022*. Mersi Mr Speaker.

MR SPEAKER

Mersi. *So the Bill is passed*. Mersi bann Manm pou zot long travay. E sirtou mersi *Bills Committee* pou antreprann tou bann amannman. Mersi *panel* pou zwenn nou pou sa travay e mon a swet zot tou bonn fen lazournen e bonn kontinyasyon.

Lasanble i ava *adjourn* ziska demen bomaten 9er. *Adjourn*.

(ADJOURNMENT)

